

NAZ.

le III

X

LI

BIBLIOTECA NAZ.  
Vittorio Emanuele III

**XLIX**

**F**

**71**

**NAPOLI**

~~XLIX~~

F.

71.

~~XLIX~~

~~37~~

38



COMPENDIVM 12  
PRIVILEGIORVM

ET  
GRATIARVM  
SOCIETATIS  
IESV.



ANTVERPIÆ,  
Apud JOANNEM MEURSIUM;  
M. DC. XXXV.  
SUPERIORVM PERMISSV.

THE  
HISTORICAL  
AND  
GEOGRAPHICAL  
DESCRIPTION  
OF  
THE  
CITY OF  
LONDON  
IN  
THE  
SEVENTEENTH  
CENTURY  
BY  
JOHN STOW  
1687



Printed by J. Stow, at the Sign of the Sun, in St. Dunstons Church-yard, near St. Dunstons Church, in the County of Middlesex.  
1687

IN  
 COMPENDIVM  
 PRIVILEGIORVM  
 SOCIETATIS  
 IESV  
 PRÆFATIO.

**C**um Societas nostra Dei  
 benignitate ac Summo-  
 rum Pontificum liberali-  
 tate satis instructa & or-  
 nata sit multis ac magnis  
 gratiis & facultatibus,  
 tam peculiariter ipsi concessis, quàm etiam  
 aliis, quarum per Apostolicam communi-  
 cationem amplissima accessio eidem facta  
 est; opera pretium fore judicavimus, si, quæ  
 precipua, nostroq; usui magis accommoda-  
 ta sunt, in compendium redigerentur.  
 Quoniam verò juxta litteras Apostolicas  
 nullius privilegii seu gratiæ hæcenus con-  
 cessæ

cessa vel in posterum concedenda usus po-  
 test in Societate licitus esse, nisi per solius  
 Præpositi Generalis communicationem;  
 idcirco suis in locis annotatum est, qua-  
 nam gratia, quibus ac quatenus concessa,  
 aut limitata vel etiam reservata sint. Vbi  
 verò nihil horum adscriptum fuerit, hoc  
 ipso constare debet, gratias hujusmodi sicut  
 sonant, concessas esse. Ceterum necessarium  
 est, ut modus gratiis utendi, qui in pleris-  
 que communicationibus præscriptus est, di-  
 ligentiſsimè ab omnibus observetur. Porro  
 nullis aliis gratiis & privilegiis, quacum-  
 que etiam communicatione Societati no-  
 stra illa competant, quæ in hoc Compendio  
 comprehensa non sint, ulli umquàm uti  
 licebit. Si tamen illorum usus alicubi ne-  
 cessarius fuerit, is à Præposito Generali im-  
 petrandus erit: aut si periculum in morâ  
 esset, censeatur Provincialibus & Visitato-  
 ribus eo dumtaxat in casu communicatus;  
 dummodò Societatis instituto non repu-  
 gnet: qui nihilominus Præpositum Genera-  
 lem de hujusmodi usu, ejusq; causa quam-  
 primum poterunt, certiore reddere tene-  
 buntur. Denique nomine Provincialium,  
 Præpo-



*Præpositorum & Rectorum, quorum non raro in Compendio fit mentio, subintelligendi quoque sunt Viceprovinciales, Vicepræpositi ac Vicerectores, quando nimirum nullus est Provincialis, Præpositus aut Rector, vel adeò longè abest, ut pro rei exigentiâ consuli non satis commodè possit: qui omnes etiam nomine Superiorum in hoc Compendio significantur. Nam reliquis Residentiarum & Missionum Superioribus eorum Superiores, à quibus vel mittuntur, vel sub quorum curâ & directione vivunt, eas ex sibi concessis facultates juxta Constitutiones communicare poterunt, quas pro ratione locorum, temporum & personarum communicandas judicabunt. De omnibus verò hujus Compendii facultatibus illud in univèrsum intelligatur, ut quemadmodum ad Superiores pertinet suis subditis facultates communicare, vel communicatis, aut concessis etiâ aliundè, & à quovis, etiam à Præposito Generali, vel à Summo Pontifice, utendi potestatem facere; ita eorundem fore, illarum eis usum, cum expedire judicaverint, vel limitare, vel etiâ omnino suspendere. Et quoniam in hoc*

*Compendio sæpenumerò fit mentio de Professis tum Societatis, tum aliorum Ordinum, advertendum est juxta diversa Societatis privilegia, quidquid de illis dicitur, intelligi etiam debere de nostris, qui tria vota simplicia post biennium emisserint; nisi fortè aliquid in aliquo loco excipiat. Postremò illud erit etiam advertendum, in iis facultatibus, in quibus Concilium Tridentinum circa earum usum vel moderationem aliquid disponit, id suis locis fuisse adnotatum. In quibus autem nihil de Concilio dicitur, provisum fuisse intelligatur, ut liber nobis sit earum usus.*

7

C O M P E N D I V M  
P R I V I L E G I O R V M  
E T G R A T I A R V M  
S O C I E T A T I S  
I E S V.

A B S O L V T I O.

§. I.



**O**MNES Confessarii Societatis habent facultatem absolvendi quoscunque Christi fideles ad eos undecumque accedentes, eorum confessionibus diligenter auditis, à quibuscumque peccatis, etiam Sedi Apostolicæ reservatis; & à quibuscumque sententiis, censuris, & pœnis Ecclesiasticis ex illis resultantibus, iis exceptis, quæ in Bullâ Coenæ Domini continentur. **P A V L V S** III. litteris Apostolicis pag. 25. Et quamvis aliqui Ordinarii prætendunt prædictam facultatem quoad casus per illos reservados nihil operari, imò ei esse derogatum à **G R E G O R I O** XIII. juxta ea quæ in quadam epistolâ ad unum ex eis missa, Illustrissimus

*Facultas absolvendi quoscunque ab omnibus, exceptis quæ in Bullâ Coenæ.*

Cardinalis S. Sixti subjungit in hæc verba, videlicet: *Hac de re ubi Congregatio accuratè egisset, deinde ad S. D. N. retulisset, illius Sanctitas etiam de sententiâ Congregationis censuit, Ex facultatibus per Mare magnum, aliâve privilegia regularibus concessa, factam eis non esse potestatem absolvendi in casibus sibi ab Episcopo reservatis, &c.* Nihilominus declaravit idem GREGORIUS XII. die x. Maii, anno MDLXXXIII. non esse intentionis suæ, quòd per talem epistolam sit derogata dicta Societatis facultas: camque quatenus opus sit de novo confirmavit. *Habetur in Vivæ vocis oraculis, pag. 131.*

*Communicatur omnibus Confessariis à Superioribus deputatis, & Ordinario approbatis.*

*Hac facultas addita extensione, de quâ fit mentio verbo Confessarius. §. 2. communicatur omnibus Confessariis à Superioribus deputatis, & ab Ordinario loci, juxta formam Concilii Tridentini sess. 23. c. 15. de Reform. approbatis, præterquàm respectu excommunicatorum generaliter ab homine, quos Superiores tantum, & ii qui ab eis specialem licentiam obtinuerint, poterunt absolvere: excommunicatos autem nominatim ab homine; & illos regulares, qui licentiam non habuerint extra suum Ordinem confitendi, ne Superiores quidem absolvent.*

*Superioribus causæ utendum.*

*Caveant autem Superiores ne in usu hujus facultatis Ordinarios offendant: simulque admoneant pœnitentes, absolutionem à censuris, si quam impendent, nihil eis prodesse in foro exteriori.*

## §. 2.

Possunt Confessarii Societatis absolvere *Facultas absol-  
solvendi di-  
ripiantes bona  
naufrag.*  
eos qui bona naufragantium rapuerint, in-  
junctâ eis restitutione, ubi & quomodò ca-  
fieri poterit. GREGORIUS XII. die XVII. I.  
Maii, MDLXXXIV. in Vivæ vocis orac.  
pag. 133.

## §. 3.

Potest Præpositus Generalis per se, vel per *Facultas ab-  
solvendi ab  
hæresi.*  
alios absolvere quoscumque ab hæresi in fo-  
ro conscientię. Concessit IULIUS III. Vivæ  
vocis oraculo primùm, ut in Vivæ vocis ora-  
culis pag. 9. deinde per Breve in litteris Apo-  
stolicis, pag. 73. Confirmavit verò, & de novo  
concessit GREGORIUS XIII. die XVI. I.  
Martii, MDLXXXIV. pro reliquis orbis parti-  
bus, Hispaniâ exceptâ, in Vivæ vocis ora-  
culis, pag. 123.

*Communicatur Provincialibus, sed extra Hispa-  
niam, ut habet privilegium, cum potestate ut re-  
maturè consideratâ, quando sibi videbitur in Do-  
mino expedire, in casibus particularibus possint id  
aliis communicare.* *Communica-  
tur Provin-  
cialibus, sed  
extra Hispa-  
niam.*

## §. 4.

Facultatem absolvendi quoscumque à le-  
ctione librorum prohibitorum in iis locis, *Facultas ab-  
solvendi à le-  
ctione libro-  
rum prohibi-  
torum.*  
ubi

ubi possumus absolvere ab hæresi, concessit  
GREGORIUS XIII. die vj. Novembris an-  
no Domini 1583. prout in Vivæ vocis ora-  
culis. pag. 132.

*Conceditur  
omnibus Su-  
perioribus.*

*Conceditur omnibus Superioribus, & iis quibus  
ipsi communicaverint. Sed si libri prohibiti editi  
sunt ad stabilienda dogmata hæretica, non pote-  
runt communicare hanc facultatem, nisi in casibus  
particularibus, perspectis circumstantiis.*

*In iis verò provinciis, in quibus ex peculiari con-  
cessione amplior esset facultas, liber permittitur il-  
lius usus.*

### §. 5.

*Facultas ab-  
solvendi mis-  
sos ad trire-  
mes.*

*Qui mittuntur ad triremes possunt absol-  
vi per nostros à quibuscumque casibus, sicut  
in articulo mortis. PIVS IV. in Vivæ vo-  
cis oraculis. pag. 30.*

*Communica-  
tur omnibus  
Superioribus.*

*Hæc facultas absolvendi damnatos ad triremes  
omnibus Superioribus communicatur, & iis quibus  
ipsi commiserint. Quod autem attinet ad casus Bul-  
la Cœnæ, videantur quæ inferiùs dicuntur in verbo  
Bulla Cœnæ. Idque in sequentibus §§. quoad eos-  
dem casus etiam observetur.*

### §. 6.

*Facultas ab-  
solvendi no-  
stros ab  
omnibus.*

*Li qui sub obedientiâ & correctione So-  
cietatis degunt, possunt absolvi per Præposi-  
tum Generalem, & alios quos ipse deputa-  
verit*

verit, ab omnibus peccatis, ante vel post ingressum Societatis commissis; & ab omnibus Ecclesiasticis & secularibus sententiis, censuris, & pœnis, à jure vel ab homine latis, præterquàm ab his quatuor, quæ in Bullâ SIXTI IV. continentur, nempe relapsus in hæresim, schisma, litterarum Apostolicarum falsificatio, & delatio prohibitorum ad infideles, de quibus in Monumentis Minorum, fol. 143. Volentes tamen ingredi Societatem & absolvi, ut præfertur, reincidunt in pristinas sententias, nisi mox ingredi, & peractis experienciis secundùm Constitutiones Societatis, vota emittere parati sint, etiamsi super hoc induciæ eis à Prælati Societatis concedantur. PAVLVS III. in litteris Apost. pag. 40. & seqq.

*Communicatur hac facultas Superioribus, & iis quibus ipsi commiserint; exceptâ hæresi, & apostasiâ ab Ecclesiâ, incurfis post ingressum in Societatem, quæ Prapósito Generali reservantur.* Communicatur Superioribus.

## S. 7.

Absolvendi ab hæresi, & à relapsu etiam in hæresim, eos omnes qui sub Societatis obedientiâ vivunt, si quis (quod Deus avertat) in eam incideret, etiam in Hispaniâ, facultatem concessit GREGORIUS XIII. die 18. Martii. 1584. ut in Vivæ vocis orac. pag. 133. §. 8.

*Facultas nostris absolvendi ab hæresi, & à relapsu.*

## §. 8.

*Facultas no-  
stros absol-  
vendi & ab  
hæresi &  
apostasia.*

Facultate concessâ Minoribus de Obser-  
vantiâ Ultramontanis, possunt Præpositus  
Generalis, ac Provinciales Societatis Ultra-  
montani absolvere nostros Ultramontanos  
sibi subditos; & dispensare cum eis, quories  
opus fuerit, à relapsu in hæresim, aut apostasiam;  
& eorum pœnas à jure constitutas com-  
mutare augendo vel minuendo, pensatis qua-  
litate & quantitate, aliisque debitis circum-  
stantiis: dummodò talium relapsorum crimi-  
na publica, & notoria apud sæculares non  
sint, ut ex hoc scandalum oriri possit. ALEX-  
ANDER VI. in Monum. Minõ. fol. 70.  
conc. 164. & refertur, quamquàm non satis  
plenè in Comp. eorundem. Verbo *Absolutio*  
*Ord. quoad Fratres. §. 18.*

*Hæc facultas  
reservatur  
Generali.*

Si quis ex nostris (quod Deus avertat) indigeret  
absolutione, de quâ proximo & precedenti §. agi-  
tur, quando res non est dubia, facultas absolvendi  
reservatur Præposito Generali. Sed ne pœnitens co-  
gatur tamdiu sine absolutione manere, communi-  
catur Præpositis Provincialibus, ita tamen ut mo-  
neatur pœnitens manere sub pœnâ peccati mortalis  
integram obligationem, vel si Præposito Generali  
presentandi, vel rem eidem manifestandi, eo modo,  
qui servatâ sigilli integritate, Provinciali videbi-  
tur.



## §. 9.

Iuxta concessionem ejusdem ALEXANDRI VI. quæ habetur in supplemento Minor. fol. 99. concess. 358. & refertur in eorundem Comp. verbo *Absolutio Ord. quoad Fratres*. §. 19. Præpositus Generalis, ac Provinciales possunt absolvere nostros, qui existentes in sæculo incurrissent censuram Ecclesiasticam propter delationem lignaminum, seu ferramentorum ad partes infidelium.

*Facultas nostros absol-  
vendi in sæ-  
culo excom-  
municatos ob  
delationem  
lignaminum  
ad infideles.*

*Hac facultas communicatur omnibus Superioribus, & aliis Confessariis, quibus ipsi judicaverint.*

*Communica-  
tur omnibus  
Superioribus.*

## §. 10.

Per Privilegium Benedictinis concessum, ut in manuscriptis fol. 38. possunt Præpositi Domorum ac Rectores absolvere omnes, qui in Societate proposuerunt, perpetuum Deo reddere famulatum, à quibuscumque peccatis, & quacumque sententiâ excommunicationis, suspensionis & interdicti, etiam si talia forent, propter quæ Sedes Apostolica esset consulenda; præmissa ex parte eorum satisfactione, & impositâ cis per eos poenitentia.

*Facultas ab-  
solvendi no-  
stros ab omni-  
bus, etiam si  
consulenda  
esset Sedes  
Apostol.*

*Hac facultas communicatur Superioribus in ea*

*Communica-  
tur Superiori-  
bus,*

*nominatis, praterquàm in his quæ excepta fuerunt  
suprà §. 6. 7. & 8.*

§. 11.

*Nostis inter-  
dicar usus  
Cruciata, In-  
bileorum &c.  
quoad absolu-  
tionem.*

Declarat Summus Pontifex non esse, nec fore umquam mentis suæ, aut Sedis Apostolicæ, ut personæ Societatis absque expressâ Superioris ejusdem Societatis licentiâ utantur facultatibus, quæ in Iubilæis, Bullis Cruciatæ, Confessionalibus, aut aliis quibusvis Apostolicis indultis, quæ Communitatibus, aut privatis personis, aut piis locis, quomodocumque aliter hucusque concessa sunt, aut in posterum concedentur, etiamsi in illis expressè indulgeatur, ut omnes Regulares, etiam Mendicantes, ejusmodi facultatibus uti possint. Si quando autem usus aliquarum ex hujusmodi facultatibus personis de dictâ Societate à Superioribus ejusdem Societatis concedetur, nulli earum licere nisi intra numerum eorum, qui ad Confessiones personarum ejusdem Domus aut Collegii audiendas deputati sunt, Confessarium eligere, nisi ratione itineris, aut aliâ de causâ ab eisdem Superioribus, aliis Confessariis intra aut extra Societatem confitendi facultas ad id specialiter daretur: secusque facta irrita & inania esse decernit GREGORIUS XIII. in litteris Apostol. pag. 145. & seqq. Vide plura in hanc sententiam, verbo *Gratiarum usus.*

usus. §. 2. CLEMENS VIII. in litteris, in formâ  
Brevis anno MDXC V.

*Superiores poterunt licentiam nostris concedere ad usum prædictarum facultatum, quoad casus re-* *Qualis usus*  
*servatos & reliqua, si quando videbuntur conceden-* *à Superioribus*  
*da; & quod ad indulgentias attinet, vide infra ver-* *concedendus.*  
*bo Indulgentia ad finem.*

*Qualiter Superiores possint per seipsos absolvere subditos ab omnibus, à quibus Episcopi possunt absolvere Clericos & laicos sibi subditos, etiam ex vi Concilii Tridentini, vide infra verbo Prælati. §. 3.*

*Quoad modum absolvendi ab excommunicatione in foro conscientia, vide infra in verbo Excommunicatio. §. 2. & quod facultates hoc verbo contentæ, quæ Bullæ Cænæ repugnant, hodie perseverent, vide verbo Bulla Cænæ. §. 2.*

*Quæ verò hîc dicuntur de absolutione à censuris quoad externos, intelligantur de absolutione in Sacramento pœnitentiæ.*

## Æ D I F I C I A

§. i.

*Facultas ad-  
ficandi & re-  
cipiendi Colle-  
gia, &c.*



ONCEDITVR Societati facul-  
tas ædificandi, & recipiendi  
Collegia, Domos, Ecclesias, &  
Oratoria in quibuscumque  
mundi partibus: & inhibetur  
ac mandatur omnibus & singulis Archiepi-  
scopis, Episcopis, aliisque Ecclesiarum Præ-  
latis, & locorum Ordinariis, ac quibusvis  
aliis Potestatibus Ecclesiasticis, & seculari-  
bus, ne nos, aut nostras Domos, Ecclesias,  
aut Collegia ædificare volentes, quoquo  
modo in hujusmodi constructionibus impe-  
diant, perturbent, aut molestant. PAVLVS III.  
pag. 46. & 47.

§. 2.

*Idem conce-  
ssit Pius I V.  
etiam intra  
140 annas.*

Privilegium præcedenti §. contentum con-  
firmavit, & de novo concessit PIVS IV. etiam  
intra centum quadraginta annas à Con-  
ventibus aliarum Religionum, etiam Mendican-  
tium, & non obstantibus earum privilegiis.  
Ac etiam mandavit Patriarchis, Archiepisco-  
pis, Episcopis, & aliis in dignitate constitu-  
tis, ut per se, vel alium, seu alios, quoties pro  
parte alicujus de Societate fuerint requisiti,  
privilegii hujusmodi litteras solemniter pu-  
blicantes, faciant nostros contentis in eisdem  
gaudere: non permittentes eos super his, aut  
eorum aliquem per quorumvis Ordinum

Re-

Religiosos , aut alias personas , etiamſi Pontificali ſeu Regali auctoritate fungantur, quovis quæſito colore , quomodolibet moleſtari. pag. 82. & ſeqq.

*Quamvis privilegia his duobus §§. contenta per Concilium Tridentinum ſeſſ. 25. cap. 3. de Regul. limitata fuerint , priſtinam nihilominus vim obtinent per privilegium à GREGORIO XIII. con- ceſſum poſt idem Concilium , ut §. ſequenti habetur.*

*Limitata per Concil. Trid. conceſſi Gregorius XIII.*

§. 3.

GREGORIUS XIII. Privilegia aliorum Ordinum ſuper non ædificatione intra cannas, quoad Societatem tantum, Motu proprio ſuſpenderit, revocavit, & invalidavit; ac ſilentium perpetuum impoſuit quibuſvis contra præſentis privilegii tenorem venientibus vigore cujuſvis confirmationis, aut novæ con- ceſſionis dictarum cannarum quomodolibet, & pari Motu etiam conſiſtorialiter, ac quibuſvis derogationibus ſpecificatis obtenta- rum, & in futurum obtinendarum. Inſuper conceſſit Societatis Presbyteris, & ipſi So- cietati, ut quaſcumque Domos, Collegia, Ec- cleſias, & alia ædificia erigere, ac per eos ubivis locorum erecta inhabitare; ac quæ- cumque loca, Domos, Eccleſias, Oratoria, & alia cujuſcumque ſtructuræ ædificia, ipſis quomodolibet relicta vel oblata recipere,

*Privilegia aliorum Or- dinum de non ædifican- do intra can- nas revoca- vit Grego- rius XIII. quoad So- cietatem.*

B

acce-

*Facultas  
adificandi  
Collegia, &c.  
ab eodem  
concessa.*

acceptare, emere, possidere, & retinere : ac in eis omnes & singulas functiones & ministeria Societatis exercere libere & licite possint. pag. 163. & 164. Vbi etiam privilegia superioribus §§. contenta confirmat ; mandatque præterea, ne à locorum Ordinariis, aut aliis quibuscumque, circa præmissa impediuntur. pag. 165.

*Facultas  
adificandi  
Domos &  
Collegia re-  
servatur Ge-  
nerali.*

*Domus & Collegia non possunt erigi sine speciali facultate Præpositi Generalis, ad quem etiam referenda res erit antequam intra præfatum canarum spatium à Conventibus aliarum Religionum ædificium erigatur. Quod si aliquando periculum esset in mora, possunt Provinciales, adhibito suorum Consultorum consilio, potestatem facere nostris ædificandi & habitandi intra canas. De usu tamen hujus facultatis, & causis propter quas opus fuerit ea uti, ad Præpositum Generalem, cum primum commode poterunt, referant.*

# ALIENATIO.

## §. 1.

**P**ER litteras Apostolicas IULII III. pag. 62. adjuncta pag. 69. & seqq. potest Præpositus Generalis simul cum Congregatione Generali alienare Domos vel Collegia. Nec circa hoc quidquam in oppositum definit Bulla PII V. pag. 106. & seq. siquidem de aliis agit contractibus.

*Facultas alienandi Domos & Collegia Generali conceditur per Pium V.*

## §. 2.

Potest Præpositus Generalis Societatis pro tempore existens, vel ipsa Societas dum erit generaliter congregata, per se vel alios, informatione extrajudicialiter ac summarie & simpliciter accepta, veletiam eâ omnino omiſſa, bona Domorum, etiam Probationis, Collegiorum, & aliorum locorum ejusdem Societatis stabilia, & etiam mobilia pretiosa, præſentia & futura, pro illorum utilitate seu neceſſitate, quibuſcumque personis, tam Eccleſiaſticis quam ſæcularibus, cujuſcumque gradus, ordinis, & dignitatis exiſtentibus, etiam Collegiis, Communitatibus, & Vniuerſitatibus, ad eam rationem quæ facilius inveniri poteſt, & pro pretio

*Facultas alienandi stabilia, & etiam mobilia pretiosa quomodo Generali concedatur per Greg.*

reperibili vendere, alienare, permutare, in emphyteusim, seu livellum, ad tres generationes, vel in aliud longum tempus dare, locare, etiam cum donationis seu investituræ receptione, ac repræsentata pecunia, sine tamen diminutione soliti illorum redditus: necnon generaliter & specialiter obligare, & hypothecare, super illis census quoscumque redimibiles imponere, & vendere: necnon de bonis eisdem compromittere, & quomodolibet super illis transigere; illisque simpliciter, vel liti desuper habitæ, & actionem etiam in non possessore, cedere, & renunciare, utilitatemque venditionum, & aliorum huiusmodi, vel etiam necessitatem, aut aliam causam propter quam fiant, simpliciter, & absque figura iudicii cognoscere, judicare, definire, & penitus terminare libere & licite. GREGORIVS XIII. in litteris Apostolicis pag. 202. & seq. ubi aliam extendit facultatem, de qua pag. 171.

## §. 3.

*Sola suffi-  
ciunt paten-  
tes Generalis  
pro venditi-  
onibus, &c.*

Contrahentes habita sola Præpositi Generalis, vel congregatæ Societatis, per litteras patentes more ipsius Societatis, vel alias, confirmatione, aut consensu, solo contractu securi existunt: nec tenentur demonstrare utilitatem, seu necessitatem venditionum, commutationum, & aliarum alienationum, de quibus



quibus §. præcedenti : nec item tenentur pretium in æquivalentia vel meliora bona conversum, nec aliquid aliud demonstrare. Ibidem pag. 204.

§. 4.

Quicumque contractus super prædictis initi usque ad hujus concessionis tempus perpetuo valent : partesque ipsæ ad illorum observationem omnino obligantur : & tam ipsi hæcenus initi contractus, quam ineundi in futurum, quibus ipsius Generalis Præpositi pro tempore existentis, vel etiam congregatæ Societatis, consensus seu confirmatio accesserit, alia Sedis Apostolicæ confirmatione & approbatione non indigent. Ibidem.

*Contractus initi, & ineundi valent confirmatio- ne Genera- lis, &c.*

*Informationes autem ad Præpositum Generalem mittendæ ut licentiam alienandi concedat, fiant juxta Instructionem ad Provinciales mense Augusto MDLXXXI. transmissam.*

*Informatio- nes ad Gene- ralem mit- tenda.*

*Posse alienare mobilia non pretiosa, conceditur omnibus Superioribus, auditis Consultoribus. Pretiosa etiam quæ centum; Provincialibus vero quæ ducentorum ducatorum valorem non excedant, in utilitatem tamen Domorum, seu Collegiorum. Quæ vero ad Ecclesias pertinent, quamvis minoris pretii sint, non nisi in Ecclesiæ ipsius ornamentum pretium impendere possint.*

*Facultas alienandi mobilia non pretiosa, & pretiosa quomodo concedatur.*

## §. 5.

*Facult u  
vendendi,  
alienandi,  
&c. non ob-  
stante ulti-  
ma testato-  
rum volun-  
tate.*

Possunt Præpositus Generalis, ac Provinciales, pro emergentibus necessitatibus, & evidentibus utilitatibus Domorum, Collegiorum, & locorum Societatis vendere, alienare, ac permutare quælibet bona immobilia, ac etiam ultra triennium locare, ultimis testatorum voluntatibus non obstantibus, dummodo id in prædictorum utilitatem cedere dignoscatur, habita diligenti informatione à duobus aut tribus bonis viris locorum in quibus bona consistunt: super quo non modo eorum, sed Præpositi Generalis ac Provincialium prudentia requiritur, & conscientia oneratur. Concessit L E O X. Minoribus, ut in privilegiis Augustinianorum fol. 88. pag. 2. & sequenti.

*Soli Genera-  
li reserva-  
tur.*

*Facultas hæc soli Præposito Generali reservatur, nec nisi rarissime ea utetur. In illius autem usu non solum mittatur ad Præpositum Generalem informatio, de qua in hac ipsa facultate fit mentio, sed servetur etiam instructio, de qua proxime præcedenti §. 4. dictum fuit.*

## A L T A R E.

**N**on obstante decisione Concilii Tridentini sess. 22. in decreto de observandis & vitandis in celebratione Missæ, possunt nostri Presbyteri in Missionibus, quæ à Superiore fiunt, servata alias forma concessionis PAVLI III. pag. 42. (videlicet cum debita reverentia & honore) sacrificium Missæ super Altari viatico celebrare ubique gentium, etiam in castris militum, modo loca, etsi communia & profana, tuta & honesta sint; & Præpositus Generalis, aut per eum Provinciales Præpositi eo tum utendum fore judicaverint. Poteruntque ibi ipsi Presbyteri sanctissimum Euchari- stix Sacramentum ministrare fidelibus, ad illud sumendum debite præparatis. GREGORIUS XIII. pag. 193. & seq.

*Vfus Alta-  
ris portatilis  
qualis.*

Quomodo possint consecrari altaria Socie-  
tatis, vide verbo *Ecclesia*. §. 1.

## A P O S T A T Æ.

## § 1.

*Ad seculum  
recedentes  
sine Superioris  
licentia  
excommuni-  
cantur, &  
nequeunt  
absolvi.*

**S**I quis post emissâ vota secundum Societatis Constitutiones, ab ea ad seculum recesserit, etiam prætextu cujusvis indulti concessi aut concedendi, absque expressa sui Superioris licentia, ad id ab eo specialiter obtenta, ipso facto est excommunicatus: & absolvi nequit, nisi à Romano Pontifice, vel Superiore Societatis. Habetur in litteris à P I O V. editis. pag. 100. & sequenti.

## §. 2.

*Deficientes  
a Societate  
subjacent  
pœnis, &c.  
per Grego-  
rium.*

Deficientes à Societate post tria vota, et si simplicia, elapso biennio probationis emissâ, tamquam veros apostatas posse puniri; & excommunicationis latæ sententiæ, ac aliis apostatarum pœnis, Sedi Apostolicæ vel Generali Præposito Societatis reservatis, subjacere; nec ante absolutionem, & à Societate dimissionem matrimonium contrahere posse, & aliter contractum nullum & irritum esse; habetur in Constitutione G R E G O R I I XIII. pag. 231.

## §. 3.

## §. 3.

Per privilegium concessum Minoribus, No-  
stri ab Ordine recedentes, nisi post mandatum  
cujusvis Superioris eisdem factum, intra octo  
dies proximos ad Obedientiam redierint, ex-  
communicationis latæ sententiæ poenam incur-  
runt, soli Summo Pontifici reservatam: eidem-  
que sententiæ subjacent omnes qui iis auxilium,  
consilium vel favorem præstiterint. Habetur in  
suppl. Minorum fol. 50. concess. 147.

*Idem per  
communica-  
tionem pri-  
vilegiorum,  
&c. nisi in-  
tra octo dies  
redierint.*

*Isdem poenis  
subjacent  
factores, &c.*

*Conceditur Provincialibus facultas absolvendi  
per se vel alios, eos qui sine licentia discessissent, post-  
quam redierint.*

*Conceditur  
Provinciali-  
bus.*

## §. 4.

Per privilegium concessum Minoribus ab  
INNOCENTIO IV. de quo in Monum. fol. 260,  
pag. 1. concess. 651. & in eorum Comp. verbo  
Apostatæ, §. 5. qui retinent Nostros sine licen-  
tia recedentes, ipso facto sint excommunicati.

*Nostros deti-  
nentes ipso  
facto excom-  
municantur.*

## §. 5.

Si quis animo indurato post emissâ vota  
sive Professorum, sive Coadjutorum, sive  
Scholaricm, absque Superioris licentia exie-  
rit, & in sæculo, vel etiam in alio Regulari  
loco, degere præsumpserit; licebit Præposito  
Generali, aliisque Superioribus Societatis

*In apostatas  
Societatis po-  
test Genera-  
lis animad-  
vertere.*

illum tamquam apostatam, etiam per auxilii brachii sæcularis invocationem, summarie & sine figura iudicii, ad Societatem revocare, capere & incarcerare, ac debitæ pœnitentiæ subicere. PIVS V. in lit. Apost. pag. 97. & seq.

*Quibus hæc  
facultas con-  
cedatur.*

*Contra vagantes in sæculo transfugas omnibus Superioribus conceditur hæc facultas: sed contra commorantes in aliqua alia regione, solis Provincialibus. Virique vero circumspēcte, & habita ratione ædificationis, ea utantur.*

## §. 6.

*Possunt capi  
& incarcerari etiam  
in Curia Ro-  
mana.*

Potest Præpositus Generalis per se vel alios à se deputatos, Professos apostatas, etiam si in Romana Curia inveniantur, capere, incarcerare, & alias suæ disciplinæ submittere, ex privilegio Carmelitis concessio, de quo in Monum. Min. fol. 186. concess. 469.

## §. 7.

*Possunt ex-  
communicari etiam in  
Romana Cu-  
ria.*

Præpositus Generalis, alique inferiores Præpositi, per se vel per alios, possunt sententiam excommunicationis in Societatis apostatas promulgare. PAVLVS III. pag. 41. Potestque hoc idem Præpositus Generalis per se vel per alios à se deputatos, si tales apostatæ sint Professi, etiam si in Romana Curia inveniantur. Ex privilegio Carmelitis concessio, de quo in Monum. Min. fol. 186. concess. 469.

*Provincialibus concedi-  
tur.*

*Facultas hæc conceditur Provincialibus.*

## §. 8.

## §. 8.

Potest Præpositus Generalis, per communicationem privilegii concessi Ministris & Custodibus Minorum, Professos à Societate discedentes excommunicare: eosque sic excommunicatione notatos tenentur Prælati ab eodem requisiti, pro excommunicatis publicè denuntiari curare. Concessit INNOCENTIUS IV. ut in Mon. Min. fol. 121. concess. 163.

*Facultas excommunicandi Professos, recedentes à Societate.*

*Hæc facultas communicatur Provincialibus cum ea ratione, de qua in præcedenti §. 5.*

*Provincialibus communicatur.*

## §. 9.

Nemo post emissâ vota secundum Societatis Constitutiones, sive Professus, sive Scholaris, sive Coadjutor sit, ad alium Ordinem præterquam Carthusiensem, nisi de expressa licentia ipsius Præpositi, aut Sedis Apostolicæ, transire potest. PAVLVS III. in lit. Apost. pag. 41. Idem cavetur, ne quis faciat sine expressâ licentia sui Superioris; & latius confirmatur à PIO IV. in litteris per PIVM V. editis, ut patet pag. 99. & seq. proposita pœna excommunicationis ipso facto incurrendæ, Romano Pontifici vel Superiori Societatis reservatæ, tam in Religiosos qui præfatos recipiunt, quam in ipsos receptos, recedentes etiam prætextu cujusvis indulti concessi aut concedendi, etiam quæsito colore obfrugem

*De transitu ad alios Ordines, præterquam Carthusiensem.*

*Pœna eorum qui eos recipiunt.*

*Intra tres  
menses re-  
gredi tenen-  
tur sub pœ-  
na excom-  
municatio-  
nis.*

frugem melioris vitæ, aut strictioris observan-  
tiæ, quodque secus facta non teneant. Statuitur  
item in iisdem litteris, quod transeuntes ad  
Carthusienses intra tres menses, ad alium vero  
Ordinem infra tempus eis à Superiore suo præ-  
figendum, dictos Ordines actualiter ingredi;  
& si in illis permanere nolint, aut non possint,  
absque ulla mora ad Societatem regredi te-  
neantur sub præfata excommunicationis pœ-  
na; quam tam ipsi, quam illos recipientes, vel  
eis auxilium, consilium, vel favorem præstan-  
tes etiam incurrant.

*Soli Genera-  
li reserva-  
tur.*

*Facultas transeundi ad aliam Religionem dare  
poterit solus Præpositus Generalis.*

§. 10.

*Facultas  
procedendi  
tamquam in  
apostatas.*

Per privilegium Minimorum, de quo in eo-  
rum libello fol. 37. pag. 1. si post licentiam ob-  
tentam ad aliam Religionem transeundi, ex ea  
post professionem emissam recesserint, & ad  
 sæculum redierint, vel ad alium laxiorem tran-  
sierint, contra ipsos, ut contra alios apostatas,  
procedere possunt Societatis Superiores.

*Conceditur  
Provinciali-  
bus.*

*Hæc facultas conceditur Provincialibus, ea ta-  
men utantur remoto scandalo.*

§. 11.

*Secundo  
transire ad  
Carthusien-*

Concessit PIVS V. vivæ vocis oraculo, ut  
si



si quis ex nostra Societate in Carthusiensem Ordinem transire vellet, tres ei menses præscriberentur: intra quos si non ingrederetur, vel non admitteretur, vel non perseveraret, redire teneatur, & non ei amplius liceret respectu Carthusiæ à Societate sine Præpositi ejus consensu recedere. Habetur in Vivæ vocis oraculis fol. 43. Idemque per Breve confirmavit, ac de novo concessit GREGORIUS XIII. & quoad præterita etiam valere, ac eos qui secus fecerint, in excommunicationis, & alias apostatarum censuras & pœnas eo ipso incurrere, à quibus non nisi à Romano Pontifice, vel à Generali Societatis Præposito absolvi posse decrevit. Et præsentis gratiæ communicationem omnibus aliis, etiam qui sua privilegia cum Societate participant, vel participare poterunt, prohibuit. pag. 241.

*ses non licet  
sine consensu  
Generalis.*

## §. 12.

Facultate Canonicis Sancti Salvatoris, & Eremitis S. Augustini concessa, si quis Professus è Societate egressus, causam super ea re in Curia Romana committi obtinuerit, ubi ad inhibendum, aut alia hujusmodi agendum itum fuerit, causa hujusmodi ad ipsum Summum Pontificem advocatur, omninoque extinguitur. Habetur in manuscriptis fol. 66. & in lib. priv. Eremitarum S. Augustini fol. 41. pag. 2.

*Professi è So-  
cietate  
egressi caus-  
sa, etiam in  
Romana Cu-  
ria, ad Pon-  
tificem advoca-  
tur.*

## §. 13.

## §. 13.

*Professi Societatis ejus nostræ ministeria exercere non possunt.*

Professis apostatis, sive pro suis culpis ejectis à Societate, nisi ad alium Ordinem de licentia Præpositi Generalis aut Provincialis, seu Summi Pontificis transferint; inhibited est, ne confessiones audire, docere, seu prædicare præsumant. Quod si aliud temere attentaverint, possunt Generalis & Provinciales excommunicationis sententiam in illos promulgare. Concessit INNOCENTIUS IV. Minoribus, ut in Monum. fol. 120. concess. 261.

*Sed dimissi possunt.*

*Hoc privilegio non intendimus eos obligare, qui à Societate quacunque ex causa legitime dimittuntur.*

Vide verbo *Professi* §. 2. Et de nullitate matrimonii si quis contrahere attentet, vide verbo *Matrimonium*.

## APPELLATIO.

## §. 1.

*Non licet appellare à correctione Societatis.*

**N**on licet à correctione Regulæ Societatis secundum Ordinationes ejus factæ, appellare: & appellatio per nullum Iudicem admitti potest. PAVLVS III. pag. 39.

## §. 2.

*Non licet appellare ab Institutis, &c. etiam*

Privilegio concessio Canonicis Sancti Salvatoris, nulli de Societate ab Institutis, Ordinationibus, correctionibus & mandatis Congrega-

gregationis generalis, aut Præpositi Generalis, aut aliorum Superiorum, ad quemcumque, *ad Pontificem sine licentia ejusdem.* etiam ad Summum Pontificem & Sedem Apostolicam, nisi de speciali Summi Pontificis licentia appellare licet: appellationesque de super pro tempore interpolitæ, & inde secuta irrita habentur. IULIUS II. in manuscriptis, fol. 66. Et per privilegium concessum Cisterciensibus, de quo in eisdem manuscriptis fol. 43. pag. 2. à Præposito Generali, aut Visitatoribus per ipsum deputatis, ab eorum reformationibus seu correctionibus, appellare non possunt subditi, etiam ad Sedem Apostolicam (nisi à Generali Congregatione, & in casu denegatæ justitiæ, aut pro notoria injuria) sub pœna excommunicationis, Sedi Apostolicæ reservatæ. *Nec à Generali, &c.*

## BENEDICERE.

§. I.

**T**Er facultatem Minorum de Observantia possunt omnes Præpositi ac Rectores Cœmeteria, Ecclesias, & Oratoria Societatis pro ejusdem Societatis usu tantum, solemniter benedictione benedicere. Concessit LEO X. ut habetur in Supplem. Min. fol. 16. concess. 55. & refertur in Compendio eorundem, verbo *Benedicere.* §. 14. *Præpositi & Rectores possunt benedicere Ecclesiis, & in usum Societatis tantum.*

Hac

*Quomodo  
uti hac fa-  
cultate pos-  
sint.*

*Hac facultate uti possunt omnes prædicti, non ta-  
men publice, nec nisi Ordinarii abessent, aut id gra-  
vate facerent.*

## §. 2.

*Generalis po-  
test sacrare  
& benedicere  
corporalia, &c.*

Potest Præpositus Generalis sacrare & benedicere corporalia, vestes, & ea quæ sacris ulibus necessaria sunt. Concessit IULIUS II. per ejus Bullam sub data IV. Nonas Aprilis MDXII. Priori Generali Congregationis Canonorum Sancti Salvatoris, prout habetur in manuscriptis, fol. 67.

## §. 3.

*Etiam Præ-  
positi & Re-  
ctores pos-  
sunt.*

Per facultatem INNOCENTII VIII. vivæ vocis oraculo concessam Abbatibus ac Prioribus principale regimen habentibus Congregationis S. Iustinæ de Padua, quæ habetur in privilegiis impressis, fol. 123. possunt Præpositi Domorum ac Rectores benedicere corporalia, vestimenta, ceteraque ornamenta ecclesiæ, & ad cultum divinum pertinentia & tam suæ ecclesiæ, quam etiam undecumque delata, & tam à nostris quam ab aliis deferantur.

*Potest alia  
communicari a Pro-  
vinciali.*

*Hæc facultas cum præcedenti conceditur omni-  
bus in ea comprehensis, & aliis Superioribus, quibus  
Provinciales communicandum dixerint. Quod ad  
benedictionem tamen ad externorum usum, non nisi  
necessi-*

*necessitas urgeat, & Prælati distent, & sine illorum  
offensione.*

Vide verbo *Ecclesia. §. I. & 2.*

## BENEFACTORES.

Vide verbo *Generalis. §. 7.*

## BONA SOCIETATIS.

### §. I.

**P**Otest Præpositus Generalis Domos, ec- *Generalis po-  
test admittē-  
re Ecclesias &  
&c. oblatus.*  
clesias & Collegia à quovis constructa, seu  
testamento mandata, vel quovis modo oblata  
cum omnibus ad id necessariis, & opportu-  
nis, ac locum pro hujusmodi constructione  
nobis oblatum recipere. P A V L V S I I I. pag.  
46. & sequenti.

### §. 2.

Domus, Ecclesiæ, Collegia, Cellæ, & Ora- *Domus, &c.  
auctoritate  
Apostolica  
censentur  
erecta.*  
toria ubilibet per nostros constructa, vel no-  
bis donata, eo ipso auctoritate Apostolica  
erecta confirmataque sunt ac censentur. P A V-  
L V S I I I. pag. 47. & satis etiam P I V S I V.  
pag. 83. Pariter quæcumque bona, nisi ad  
prædictæ Sedis collationem pertineant, pro  
Collegiorum dote, seu Scholarium ibi com-  
morantium sustentatione donata, relicta, &  
C legata,

legata, eo ipso prædicta auctoritate perpetuo applicata & appropriata sunt ac censentur.

PAVLVS III. dicta pag. 47.

*Præposito &  
Congregatio-  
ni Generali  
reservata.*

*Solius Congregationis generalis, & Generalis Præpositi est acceptare Domos & Collegia; ac bona etiam, quæ obligationem aliquam adjunctam, vel conditionem gravantem habent.*

§. 3.

*Facultas ad-  
mittendi  
Domos &  
Ecclesias  
etiam paro-  
chiales, &c.*

Abſque alia Sedis Apoſtolicæ conceſſione poſſumus apprehendere & capere loca quæcumque, Domos, Eccleſias, etiam Parochiales, & cujuſcumque Ordinis ſint aut conditionis, Societati & ejus perſonis per quoscumque oblata. Conceſſit I V L I V S I I. Congregationi Sancti Salvatoris per litteras ſub plumbo anno M D X I I. IV. Nonas Aprilis, ut in manuſcriptis, pag. 69.

*Qualis ſit  
uſus.*

*Eccleſias, etiam Parochiales, accipiendi facultas conceditur, quoad ædificia tantum, non quoad reditus, & curam animarum, & ſervata limitatione præcedentis §.*

§. 4.

*Facultas ad-  
mittendi lo-  
ca ſæcularia,  
regularia,  
&c.*

Poteſt Præpoſitus Generalis, per ſe vel per alium ſeu alios, quæcumque loca ſæcularia vel regularia, necnon Eccleſias, Eremitoria & Monafteria cujuſvis Ordinis, etiamſi forent ſtrictioris Obſervantiæ ( in quibus tamen ea  
non

non teneretur) cum earum bonis omnibus, mobilibus & immobilibus, libere recipere; si pia largitione fidelium illa sibi donari contigerit, aut ad id eisdem Ecclesiis, Eremitoriis & Monasteriis præsidentes, sive in illis degentes personæ, seu eorum major pars, aut illi quorum interest, consentiant. Ipsaque etiam si aliis Ecclesiis, Monasteriis, seu locis sint unita, in Collegia seu Domos erigere atque fundare, & ad Societatis Institutum & observantiam reducere, omnemque alium Ordinem in eis suppressere. MARTINVS V. aliique Pontifices Fratribus Mendicantibus S. Hieronymi, ut in manuscriptis, fol. 36. pag. 1.

## §. 5.

Quicumque ausus fuerit occupare res quascunque, etiam si sit pecunia, quæ ad personas Societatis, seu Domos aut Collegia pertinent, nisi à Nostreis monitus per tridui spatium omnia integre restituerit, excommunicationis sententiam incurreret, à qua absolvi, nisi à Sede Apostolica, & in mortis articulo, non potest. LEO X. Eremitis S. Augustini, ut in libro privilegiorum ejusdem Ordinis, fol. 46. pag. 2.

*Occupantes  
nostra post  
triduum ex-  
communic-  
antur.*

*Monendi quidem facultas omnibus Superioribus, Qualis sit  
per se vel alios exercenda, communicatur; non tamen usus.*

curetur, ut sic moniti declarentur excommunicati  
inconsulto Præposito Generali.

## §. 6.

*Facultas ac-  
cipiendi bo-  
na feudalia  
& emphy-  
teotica.*

Bona feudalia Societati donari possunt.  
CÆLESTINVS V. Congregationi Cæ-  
lestinorum, sub datis Aquilæ v. Kalendas Octo-  
bris anno primo, habeturque in manuscriptis,  
fol. 21. pag. 1. Per concessionem autem LEON-  
NIS X. factam Societati Caritatis de Vrbe,  
anno MDXIX. v. Kalendas Februarii, quæ  
habetur in privilegiis impressis, fol. 135.  
pag. 2. bona feudalia & emphyteotica, etiam  
Ecclesiastica Societati nostræ donari possunt,  
seu relinqui, modo ad ea onera teneatur, ad  
quæ donator seu testator occasione hujusmodi  
bonorum tenebatur, & quæcumque alia, quæ  
ipse donator seu testator etiam imposuerit: &  
si ad certum numerum generationum aut no-  
minationum, eadem bona concessa fuerant,  
Societas nostra non perpetuo, sed per viginti  
annos pro qualibet generatione seu nomina-  
tione hujusmodi bona tenere poterit. Per pri-  
vilegium autem concessum Congregationi  
S. Georgii in Alga, de quo in impressis, fol.  
115. pag. 1. licet investituras livellorum, &  
feudorum, quas de jure tenemur recipere, non  
recipiamus, tamen propter hoc non fit devo-  
lutio ad dominum, nec incurritur in com-  
missum.

*Facul-*



*Facultas recipiendi bona feudalia erit penes Præpositum Generalem, recipiendi vero emphyteutica absque conditionibus gravantibus communicatur Provincialibus.*

*Qualis usus.*

Possunt Nostri cum de prioribus locis suis ad alia loca se transferunt, tam ædificia, seu omnem ædificiorum materiam locorum, quæ dimittunt (dedicatis Ecclesiis dumtaxat exceptis) quam libros, calices, & paramenta secum ad alia loca transferre: ac ædificia ipsa cum solo, & aliis ad eadem loca pertinentibus (præter ecclesias) vendere, ipsorum pretium in aliorum locorum, ad quæ Nostri se transferunt, ædificationem, seu alias in eorum utilitatem convertere. Concessum est à C L E M E N T E Minor. anno MCDXXXIX. ut in Mōnum. fol. 142. Concess. 340. addita inhibitione ad Episcopos, ac alios Prælatos ac personas sæculares, ne dicta loca seu bona occupare, accipere vel usurpare, aut quoquo modo sibi vendicare præsumant.

*Facultas secum transferendi, & ædificia vendendi præter Ecclesias.*

Vide verbo *Titulus*, & verbo *Privilegia*. §. 9. & verbo *Simonia*. Et quoad validitatem renuntiationis & obligationis bonorum, quam Nostri more Societatis facere solent, vide verbo *Concilium* §. 2.

## BULLA COENÆ.

§. 1.

*Bulla Cœna  
in Collegio  
unum publi-  
ce habeatur  
exemplar.*

ETSI à P I O V. injunctum fuerit, ut omnes Confessarii transsumptum Bullæ Cœnæ pereum decretæ apud se haberent, nostri tamen ejusdem Pontificis concessione ab hoc fuerunt exempti: declaravitque satis fore, si in singulis Collegiis vel Domibus unicum haberetur, quod in eo loco affigeretur, in quo omnes Confessarii legere illud possent. habetur in Vivæ vocis orac. fol. 42. in fin. & seq.

§. 2.

*Per Bullam  
Cœna nostra  
facultates  
non revocan-  
tur.*

Quod nullæ Societatis facultates cen-  
seantur revocatæ per Bullam Cœnæ Domini,  
concessit G R E G O R I U S XIII. die 18. Mar-  
tii M D L X X X I V. prout in Vivæ vocis orac.  
pag. 133.

## BULLA CRVCIATÆ.

Vide verbo *Absolutio*. §. II.

CA-

## C A L I X.

An nostri laici possint tangere calices, vide verbo *Sacra* §. 1.

## C A N O N I C A   P O R T I O.

Vide verbo *Exemptio*. §. 4.

## C A S V S   R E S E R V A T I.

A quibus reservatis Nostri possint absolvere, seu absolvi, vide verbo *Absolutio*.

## C A V S S A.

**P**ER privilegium Abbati & Conventui Monasterii S. Pauli extra muros Urbis, Ordinis S. Benedicti concessum, quamdiu in Regulari observantia permanserimus, in omnibus nostris causis cum quibuscvis personis, & ante quoslibet Iudices, summarie & de plano, sine strepitu & figura iudicii, sola facti veritate inspecta procedi debere. **N I C O L A V S V.** confirmans litteras **E V G E N I I** datas Romæ apud S. Petrum ann. **M C D X L V I I . I I I .** Kal. Mart. Pontificatus sui anno **I .** & habetur in registro, lib. 2. de Regul. fol. 150. referturque in manuscript. fol. 40. pag. 1. & melius ac ad longum, fol. 73.

*In nostris  
causis sum-  
marie proce-  
dendum.*

pag 2. Idemque habetur inter privilegia Montis Oliveti, ut in impressis, fol. 47. & seq.

## C E N S V R Æ.

An nostri à censuris absolvant, & an absoluti aliquo casu reincidant, vide verbo *Absolutio*.

## C E N S V S.

Vide verbo *Alienatio*. §. 3.

## C E S S A T I O A D I V I N I S.

Vide verbo *Interdictum*. §. 4. 5. 6. & 7.

## C O L L E C T Æ.

Vide verbo *Exemptio*. §. 4.

## C. O L L E G I A.

§. 1.

**C**ollegia Societatis possunt habere reditus. PAVLVS III. pag. 14. & IVLIVS III. pag. 66.

§. 2.

Omnimoda Collegiorum gubernatio est penes Præpositum Generalem. P I V S V. pag. 107. Collegia posse recipi, & simul atque constructa & dotata fuerint auctoritate Apostolica erecta censi; habetur verbo *Bona*. 1. & 2.

*Collegiorum  
gubernatio  
est penes Ge-  
neralem.*

COM-

## COMMUNICATIO

gratiarum, &amp; piorum operum.

## §. 1.

**P**RÆPOSITI inferiores possunt de licentia Præpositi Generalis communicare quibuscumque de Societate gratias sibi communicatas per Præpositum Generalem, vel Provincialem. *Quas gratias communicant Præpositi inferiores.*  
 IULIUS III. pag. 77. iuncta communicatione GREGORII XIII. de qua inferius §. 5

## §. 2.

Omnia privilegia, etiam speciali nota digna, immunitates, exemptiones, facultates, concessionem, indulta, indulgentiæ, peccatorum remissiones, gratiæ tam spirituales quam temporales, litteræque Apostolicæ, etiam iustitiam sive mixtim concernentia, etiam per modum extensionis, aut communicationis, aut alias concessa; seu concedenda quibuscumque Ordinibus Fratrum & Sororum Mendicantium, illorumque Congregationibus, Conventibus, & Capitulis, ac utriusque sexus personis, ac illorum Monasteriis, Domibus,  
 C 5 Eccle-

Ecclesiis, Hospitalibus, & aliis piis locis, conceduntur Præposito, ac omnibus Societatis personis, Domibus ac Collegiis, non solum ad illorum instar, sed pariformiter, & æque principaliter. PIVS V. pag. 119. & seq.

## §. 3.

*Nostri, Ecclesia, &c. gaudent omnibus & singulis privilegiis Mendicantibus concessis, & concedendis.*

*Gaudent iidem dummodo Professioni nostræ non repugnent, & aliis Ordinibus concessis & concedendis.*

Per privilegium concessum Minoribus per CLEMENTEM VII. de quo in Compen. eorumdem impresso, in octava forma in fine, Nostri, Ecclesiæ, ac loca nostra gaudent omnibus & singulis privilegiis, immunitatibus, exemptionibus, concessionibus, indultis, indulgentiis, peccatorum remissionibus, & gratiis, quibuscumque Congregationibus Ordinum Mendicantium quomodolibet concessis & concedendis. Gaudent prætereà quibuscumque facultatibus & gratiis nostræ professioni regularis observantiæ non contrariis, aliis Ordinibus quibuscumque non Mendicantibus, quomodolibet concessis & concedendis, in omnibus & per omnia, perinde ac si nobis concessa specialiter fuissent. Pariter per facultatem Prædicatorum, Nos, Domus nostræ, Ecclesiæ, & alia loca, possumus frui omnibus privilegiis Mendicantium, & aliorum quorumcumque Ordinum, Congregationum & Confraternitatum, Fratribus & personis, Ecclesiis & Monasteriis, Domibus & Oratoriis, & aliis piis locis per IULIUM III. suosque

que Prædecessores concessis. Concessit IV-  
LIVS III. Ordini Prædicatorum, ut in eorum  
lib. fol.209. pag. 2. & seq.

## §. 4.

Vt gratiis & privilegiis, de quibus in duobus  
proxime præcedentibus §§. mentio fit, uti pos-  
simus, opus est, ne Instituto Societatis, &  
voluntati ac beneplacito Præpositi Generalis,  
seu deputatarum personarum refragentur, ut  
patet ex litteris PII V. pag. 121.

*Quomodo  
supradictis  
utendum.*

## §. 5.

Omnia aliorum privilegia, immunitates,  
exemptiones, facultates, concessionem, indul-  
gentiam, remissionem, gratiam & litte-  
ræ, Societati concessa, de quibus in præce-  
dentibus paragraphis mentio fit, necnon &  
quæ ipsi Societati nominatim, vel ejus Præ-  
posito, aut personis seu locis hætenus con-  
cessa sunt, seu in posterum concedentur; Præ-  
posito Generali concessa intelliguntur, qui illa  
per se ipsum, vel alium, seu alios, ab eo vel de  
ejus commissione electos, seu eligendos, qui-  
buscumque personis de Societate, sub ejus-  
dem Obedientia degentibus, & quæ in ea  
tria vota consueta, etiam simplicia emiserint,  
communicare libere poterit. Nec aliter cete-  
ræ personæ Societatis prædictis privilegiis,  
facultatibus & aliis præmissis uti aut gaudere  
possunt:

*Omnia pri-  
vilegia, &c.  
Generali  
concessa in-  
telliguntur,  
& ceteris  
de ejus li-  
centia.*

possunt: illorumque usus juxta Societatis Institutum, Constitutiones, & morem esse debet. GREGORIUS XIII. pag. 143. & 144. qui postea vivæ vocis oraculo concessit, ut prædicta communicatio Novitiis etiam fieri possit, ut habetur in Vivæ vocis oraculis. pag. 126.

*Conceditur  
etiam No-  
vitiis.*

*Hanc communicationem poterunt concedere Superiores Novitiis, sicut & ceteris.*

§. 6.

*Communica-  
tio privile-  
giorum ex-  
tenditur etiam  
ad vivæ vo-  
cis oracula.*

Communicatio privilegiorum quam Societas habet cum aliis Mendicantibus, ad ea etiam extenditur, quæ vivæ vocis oraculo ab eis impetrata, aut eis in genere donata sunt: & quidquid alicui eorum hoc modo, aut quovis alio hætenus concessum est, aut in posterum concedetur, id omne Motu proprio, & ex certa scientia Nostri concessum etiam censendum est. JULIUS II. Augustinianis, ut habetur in Suppl. Minor. fol. 95. concess. 309.

§. 7.

*Omnium be-  
norum spiri-  
tualium Re-  
ligionum  
particeps est  
Societas.*

Omnium jejuniorum, ac aliorum quorumcumque spiritualium bonorum, & piorum operum, quæ in omnibus Religionibus, ac ubicumque in toto orbe pro tempore fiunt, participes sunt personæ Societatis. Concessum



sum est ante IULIUM III. Confraternitati Caritatis de Vrbe, & Hospitali sancti Spiritus in Saxia, ut in privilegiis impressis fol. 135. & 140 pag. 1.

Sciant Nostri per facultates hoc verbo relatas non posse eos, aut loca ulla Societatis, uti quocumque aliorum privilegio, exceptis iis quæ hoc Compendio continentur, ac juxta modum, quo in eo communicantur: quod si in aliquo particulari casu aliquo alio privilegio uti oporteat, servetur modus in hujus Compendii præfatione præscriptus.

*Qualis usus facultatum hoc verbo relatarum.*

Vide verbo Gratiarum usus, & verbo Generalis. §. 7.

## COMMUTATIO.

### §. I.

Confessarii Societatis possunt commutare omnia vota, exceptis ultramarinis, & Petri & Pauli de Vrbe, S. Iacobi in Compustella, Castitatis, & Religionis. PAVLVS III. pag. 26. quam facultatem cum eadem exceptione extendit GREGORIUS XIII. ad vota jurata, dummodo commutatio non fiat in præjudicium tertii. habetur pag. 147.

*Facultas commutandi omnia vota, exceptis ultramarinis, &c.*

*Etiam jurata.*

*Communicatur omnibus Confessariis.*

*Communicatur hæc facultas omnibus Confessariis approbatis, eodem modo tamen quo facultas absolvendi, quæ habetur supra verbo Absolutio. §. 1.*

### §. 2.

*Facultas commutandi votum simplex alterius Religionis.*

Ii, ad quos pertinet officium admittendi eos qui ingredi volunt Societatem, possunt commutare votum simplex ingrediendi aliam Religionem, etiam determinatam, in vota consueta Societatis, quando is, cui facienda est commutatio, devotionem ad id sentiret, vel Societas, aut qui ipsum admittit, vocationem ejus esse potius ad Societatem nostram, quam ad aliam Religionem existimaret. Concessum est hoc à summo Pœnitentiario, habente ad id facultatem, ut est in Vivæ vocis oraculis, pag. 13.

### §. 3.

*Facultas dispensandi in voto simplici Religionem ingrediendi, etiam arctiorem.*

Omnes Præpositi Domorum, ac Rectores, seu Visitatores Societatis, sine prædicta limitatione de qua in §. præcedenti, possunt dispensare cum ingredientibus in Societatem in voto Religionis, etiam si arctiorem Religionem ingredi vovissent: si quis tamen à Societate ante professionem recesserit, dispensatio nulla erit. Concessit hoc EVGENIVS IV. Congregationi S. Iustinæ, ut habetur in privilegiis Dominicanorum fol. 252. Per Privilegium

gium vero ejusdem EUGENII IV. concessum Congregationi S. Georgii in Alga, de quo in impressis fol. 113. possunt recipi in Societatem quicumque aliquam Religionem intrandi, & ibi permanendi ex quavis causa votum fecerint.

*Hac facultate soli, & magna cum consideratione utentur Provinciales, nisi ipsi eam in casu aliquo alicui communicarent: & cum usi fuerint, admoneant Præpositum Generalem.*

*Solis Provincialibus communicatur.*

§. 4.

Per facultates concessas Prælati Ordinis Minorum possunt omnes nostri Præpositi ac Rectores commutare ex uno usu ad alium necessarium legata, quæ relinquuntur nostris Collegiis aut Domibus, dummodo id fiat sine scandalo eorum, ad quos solutio talium legatorum pertinet. SIXTUS IV. in Supplem. Min. fol. 95. concess. 317. referturque in eorum Comp. verb. *Commutare*. §. 1. quam concessionem ampliavit LEO X. in rebus donatis per viventes, si tamen, ut dictum est, non sequatur scandalum prædictorum: habetur in dicto Supplem. fol. 93. pag. 2. concess. 293. & refertur in Comp. ubi supra. §. 2.

*Facultas communicandi legata, &c. Generali reservata.*

*Hanc commutationem poterunt concedere Superiores Novitiis, sicut & cæteris.*

De

De commutatione ultimæ voluntatis in alienationibus, vide verbo *Alienatio*. §. ult.

## CONCILIVM TRIDENTINVM.

### §. 1.

*Declarationes Concilii Tridentini circa res & Institutum Societatis.*

**Q**uotiescumque à Societate, vel à Præposito Generali dubia aliqua circa Concilium Tridentinum proponuntur, quæ Institutum vel res Societatis concernant, mens PII V. fuit, ut Cardinales ad declarationem ejusdem Concilii deputati postquam ea declaraverint & determinaverint, reddant publicum testimonium declarationis & determinationis factæ: habetur in Vivæ vocis oraculo. fol. 44.

### §. 2.

*Non obstante definitione per Concil. Trident. remanet integrum Institutum quoad renuntiationem, &c.*

Declaravit PIVS V. non ob stare definitionem Concilii Trident. sess. 25. cap. 16. de Regul. quin licitum sit Societati, perinde atque ante dictam Synodum licebat, facere quæcumque ad ejus Institutum pertinent, quoad renuntiationem, obligationem, professionemque faciendam finito tempore Novitiatus. ita declaravit PIVS V. ut in Vivæ vocis orac. fol. 47. & seq. juncto fol. 50. in fine. cum seq.

### §. 3.

§. 3.

Possumus uti in foro conscientia omnibus  
gratiis per antecessores P I I V. Minoribus  
concessis, etiam quoad illas ex eis, quæ sunt  
restrictæ seu derogatæ per Concilium Trident.  
prout eisdem concessit idem P I V S V. Vivæ  
vocis orac. die X I I I. Martii, an. M D L X V I.  
& refertur in manuscript. fol. 79. pag. 2.

*In foro con-  
scientia uti  
possumus  
omnibus  
gratiis,  
etiam deroga-  
tis per  
Concilium.*

*Quæ hoc §. dicuntur, intelligantur de privilegiis  
hoc Compendio contentis, ut dicitur verbo Com-  
municatio, in fine, & de occultis seu non manife-  
stis. Nam pro huiusmodi tantum fieri solent similes  
concessionibus vivæ vocis oraculo.*

*Intelligentia  
huius para-  
graphi.*

## CONFESSARIUS.

§. I.

**O**Mnes Christi fideles possunt confiteri  
Nostri, licentia suorum Rectorum mi-  
nime requisita. P A V L V S I I I. pag. 48.

*Nostri ar-  
nes confiteri  
possunt.*

*Hæc facultas communicatur omnibus Confessa-  
riis, de quibus supra verbo Absolutio. §. I.*

*Communicatur  
omnibus  
Confessariis.*

§. 2.

Confessarii nostri ac Prædicatores ab ali-  
quo Ordinario semel approbati, & à suis Su-  
perio-

*Nostri con-  
fessionarij, &  
confessiones  
ubique audi-*

re possunt  
non repug-  
nantibus cu-  
ratis, &c.

perioribus ad hujusmodi munera deputati, quandocumque, sive mari, sive terra iter faciunt, possunt, non repugnantibus tamen Curatis Parochialium Ecclesiarum, verbum Dei prædicare, & quorumcumque Christi fidelium confessiones audire, dummodo id non faciant in oppidis, aut locis, in quibus Ordinarii existunt, nisi eorum licentia desuper obtenta. GREGORIUS XIII. pag. 146. & seq.

Ad missio-  
nes missi per  
diocesim  
excurrere  
non possunt.

*Qui è nostris mittentur fructificaturi in aliqua diœcesi, & si in itinere poterunt, sicut & reliqui Societatis operarii, uti hac facultate, etiam intra eandem diocesim, ad quam destinati sunt, per eam tamen excurrere non debent, antequam recta ad Episcopum, vel eo absente ad ejus Vicarium, tendant, illi se offerant, & facultatem fructificandi obtineant: quod si longe absint, petant per litteras.*

## §. 3.

Facultas  
aperiendi  
litteras Pœ-  
nitentiariæ.

Possunt nostri Sacerdotes designati per Præpositum Generalem, aut de ejus licentia per alios Superiores Societatis, & à locorum Ordinariis approbati, vel approbandi, etiamsi nullo gradu sint insigniti, aperire litteras sacræ Pœnitentiariæ, destinatas Magistris in Theologia, vel in jure Canonico Doctoribus: & auditis confessionibus recurrentium ad ipsos, impositâ illis pœnitentiâ in litteris expressa, vel de jure infligenda, eos absolvere, ac in foro

con-

conscientiæ quascumque sibi verbo vel scripto commissas absolutiones, dispensationes, & pœnitentiarum injunctiones excipere, & exequi. GREGORIUS XIII. pag. 198.

*Ad hanc facultatem aperiendi dictas litteras designantur omnes Superiores, aliàs approbati juxta hanc concessionem, & omnes alii Confessarii, quos ipsi ad id deputaverint.* *Conceditur Superioribus.*

§. 4.

Quilibet de Societate debet confiteri Præposito, vel ab eo secundum Ordinationes Societatis designato Confessario, nisi super hoc à dicto Præposito alium Confessarium eligendi habuerit facultatem. PAULVS III. pag. 41. *Nostri Superiores, aut per eum designato confiteri debent.*

§. 5.

Fratres, quibus per litteras INNOCENTII IV. concessa est facultas, ut confessiones generaliter audiant, non possunt Nostrorum confessiones audire. Concessit INNOCENTIVS IV. Ordini Prædicatorum, ut habetur in Monum. Min. fol. 72. & in eorundem Supplem. fol. 115. ad princ. *Fratres nostrorum confessiones audire non possunt.*

§. 9.

Confessarii nostri quælibet juramenta, si- ne præjudicio tertii, relaxare possunt Nostris. CLEMENS VII. Confraternitati hospitalis imaginis Salvatoris S. Ioannis Later. ut in privilegiis impressis fol. 132. pag. 2. *Relaxatio juramenti.*

*Communicatur etiam Superioribus.*

*Hæc facultas communicatur Superioribus & aliis Confessariis, quibus ipsi judicaverint communicandam.*

§. 7.

*Quas indulgentias Nostri possunt concedere.*

Indulgentias, quas nostri Confessarii nonnumquam possunt concedere, & quibus, vide verbo *Indulgentiæ*. §. 9. 15. & 25. Item qualiter sint nullæ confessiones Nostrorum factæ aliis quam deputatis Confessariis, vide supra verbo *Absolutio*. §. 11. vide etiam verbo *Dispensatio*. §. 6.

## CONFESSIONALE.

*Impetrans confessionale, qua pena plectendus.*

Quicumque Nostrorum Confessionale aliquod absque expressa licentia impetrare præsumit, eo ipso impetratis caret, ac per decennium præeminentia Societatis, si quam habet, ipso facto privatur: nec super privatione hujusmodi ab alio ullo quam à Romano Pontifice dispensari potest. CLEMENS VII. Congregationi S. Georgii in Alga, ut in privilegiis impressis fol. 116. Vide verbo *Absolutio*. §. 11.

## CONFIRMATIO.

GREGORIUS XIII. Societatis Institutum, (de quo latius pag. 222. & seq. Con-



Constitutiones & privilegia confirmavit pag.  
214. & 220. GREGORII XIV. pag. 279.  
PAVLVS V. pag. 305.

Vide etiam quæ notantur infra verbo *Privilegia*. §. II. & verbo *Constitutiones*.

## CONGREGATIONES SOCIETATIS.

### §. I.

Primariæ quædam electiones in Congregatione fiunt. GREGORIUS XIV. in sua Constit. pag. 278.

### §. 2.

In Congregationibus procedatur juxta Constitutiones & decreta. idem pag. 280.

## CONSERVATOR.

### §. I.

SOCIETAS, & singulæ ejus personæ, & familiares Clerici, tam in caussis civilibus quam criminalibus & mixtis, sive actores sint, sive rei, omnes & singulos Archiepiscopos, Episcopos & Abbates, necnon alias personas in dignitate Ecclesiastica constitutas, Canonicos Metropolitanarum

*Facultas  
Conseruato-  
res assumen-  
di.*

Ecclesiarum, vel Cathedralium, & Vicarios Archiepiscoporum, & Episcoporum in spiritualibus, eorumque Officiales generales, ubilibet constitutos, contra quascumque Communitates, & Collegia huiusmodi in suos Conservatores, & Iudices ordinarios assumere possunt. PIVS V. in Bulla per GREGORIVM XIII. edita pag. 127.

*Limitatio  
huius para-  
graphi.*

*Circa id quod hoc §. dicitur quoad familiares, ad-  
vertatur admonitio, quæ ponitur verbo Familiares.  
§. 5.*

§. 2.

*Conservato-  
res etiam  
extra loca in  
quibus depu-  
tantur ha-  
bent auctori-  
tatem.*

Conservatores & Iudices sic electi, etiam si sunt extra loca, in quibus deputati fuerint, habent potestatem, ut tam per se quam per alios Societatem defendant: nec permittant illam super bonis, & privilegiis tam Apostolica, quam ordinaria, & alia rite Regia auctoritate concessis, aliisque rebus ad ipsam pertinentibus, à quibuscumque personis tam secularibus quam Ecclesiasticis indebite molestari aut gravari. d. pag. 127. & seq.

§. 3.

*Conservato-  
res possunt  
procedere  
per censuras,  
etiam per  
auxilium  
brachii secu-  
laris.*

Conservatores, & Iudices sic electi, cum fuerint requisiti super nostrorum bonorum restitutione, & privilegiorum observatione, necnon super injuriarum & damnorum compensatione, possunt appellatione post-  
posita

posita per censuras Ecclesiasticas quoties opus fuerit usque ad auxilii brachii secularis invocationem procedere. In d. litteris, p. 128. & seq.

§. 4.

Quando Iudicibus & Conservatoribus hujusmodi tutus non pateret accessus ad loca, in quibus morari contingeret eos, qui monendi, inhibendi, atque citandi sunt; possunt hæc per edicta publica efficere, locis publicis ea affigendo, de quibus esset verisimilis conjectura, quod ad ipsorum monitorum, citatorum, & inhibitorum notitiam valerent pervenire. ubi supra pag. 129.

*Quando Conservatoribus tutus non patet accessus, per edicta publica præstare possunt suum officium.*

§. 5.

Possunt præterea eisdem detentoribus, injuriatoribus, contradictoribus, & rebellibus inhibere sub censuris, & pœnis, etiam pecuniariis, suo arbitrio moderandis, libereque suam jurisdictionem exercere: non obstantibus, quibusvis inhibitionibus sibi factis, etiam prætextu quarumvis litterarum conservatoriarum, aut privilegiorum concessorum & concedendorum. In d. litteris pag. 130.

*Possunt variis pœnis coercere rebelles.*

§. 6.

Possunt item Ecclesiastico subicere interdicto

*Possunt interdicere.*

dicto loca, ad quæ prædictas personas declinare contigerit, & in quibus scienter stare permissæ fuerint. Ibidem.

## §. 7.

*Inchoata per  
alium perfici  
possunt.*

Quilibet Conservatorum & Iudicum præfatorum potest prosequi articulum per alium inchoatum, etiam si idem inchoans nullo canonico impedimento præpeditus sit. Iisdem litteris pag. 131.

## §. 8.

*Ut in Ecclesiastica dignitate constituti nobis faveant.*

Mandatur cuilibet in Ecclesiastica dignitate constituto, & Metropolitanæ vel alterius Cathedralis Ecclesiæ Canonico, quatenus à nobis, vel procuratoribus nostris requisiti, per se vel alios, privilegia nostra concessa & concedenda, solemniter publicent, & efficacis defensionis præsidio nobis assistentes, faciant pacifica possessione, seu quasi eorundem gaudere. Concessit SIXTVS IV. Minoribus, ut in eorum Monum. fol. 144. & seq. concess. 354. juncta concess. 356. Tenenturque præterea omnes personæ alias de jure capaces, pro parte Nostrorum requisitæ, nisi legitimo impedimento detentæ fuerint, jurisdictionem & conservationem nostram sub excommunicationis poena suscipere. Habetur in d. Monum. fol. 126. concess. 279.

*Etiā alii  
de jure capaces  
sub poena  
excommunicationis.*

§. 9.

Item per privilegium in amplissima forma concessum Minimis per CLEMENTEM VII. ut in eorundem privil. libello fol. 86. possumus eligere nobis Conservatores contra quascumque personas Ecclesiasticas tam Regulares quam seculares, nec non laicos, Communia civitatum & dioecesum.

*Facultas eligendi Conservatores contra Ecclesiasticos.*

§. 10.

Hi quos in Conservatores eligere possumus per Bullam P I I. V. concessam Ordini Prædicatorum XXIII. Septembr. an. MDLXXI. & impressam Romæ anno MDLXXII. excommunicationis, seu suspensionis latæ sententiæ poenam incurrunt, statim quod munus sive officium Conservatoris huiusmodi acceptare, ac debite & plenarie exequi neglexerint, & reservatur absolutio Summo Pontifici.

*Conservatores volentes exequi, ipso facto excommunicantur.*

*Privilegiis huius verbi uti poterunt Provinciales, & alii subordinati Superiores de eorum licentia. Circa superiora autem advertantur ea loca Concilii, quæ citantur infra verbo Exemptio. §. 1. nec non & cap. 11. de Reform. sess. 24.*

*Provinciæbus conceditur.*

## CONSTITUTIONES.

## §. I.

*Præpositus cum Generali Congregatione condendi jus habet quascumque Constitutiones, etiam mutandi, declarandi.*

**P**RÆPOSITVS cum Sociis in Congregatione Generali, accedente majori suffragiorum parte, quascumque particulares Constitutiones, quas ad finem in Societate propositum conformes esse judicaverint, condendi jus habent. PAVLVS III. pag. 6. juncta pag. 10. Itemque eas mutare, alterare, cassare, & alias de novo condere possunt, quæ simul ac conditæ erunt, auctoritate Apostolica confirmatæ censentur. Idem PAVLVS pag. 22. Possunt iidem eodem modo, quæ dubia esse poterunt in Societatis Instituto declarare. IVLIVS III. pag. 62.

## §. 2.

*Potest Generalis alia non ita magni momenti ex consilio A. A. ordinare.*

In aliis, quæ non sunt ita magni momenti, Præpositus Generalis, fratrum consilio, quantum ipse opportunum judicaverit, adjutus, quæ ad Dei gloriam, & commune bonum pertinere videbuntur, per seipsum ordinandi, & jubendi jus totum habet. IVLIVS III. pag. 64. & 65.

*De declaratione Institutionis, vide infra.*

Circa declarationem Constitutionum, Vide infra verbo *Generalis* §. 5. & 6. & circa confirmationem, verbo *Confirmatio*; & circa earum

rum aut instituti impugnationem, aut interpretationem verbo *Institutum*. §. 1. & 2.

## CONTRACTVS.

### § 1.

**S**OCIETATIS contractus non capitulariter. *Contractus celebrandi Societatis consuetudo.*  
sed more ipsius Societatis, ac juxta illius Constitutiones & Decreta, per Præpositum Generalem, vel ipsam Societatem, esse celebrandos, concessit PIVS V. confirmans circa hoc easdem Constitutiones, & Decreta. pag. 107. juncta pag. 108.

### §. 2.

Habentur rati omnes contractus Societatis, celebrati usque ad diem 12. Maij Anno Domini 1568. quibus solemnitates, & ceremoniæ de jure observandæ, bona fide fuerunt omissæ. PIVS V. in vivæ voc. orac. fol. 53. in fine, & sequenti.

Vide verb. *Alienatio* §. 2. & seq. & verbo *Generalis* §. 4. & verbo *Titulus*.

## CORPORALIA.

**A**N nostri laici possint tangere ac lavare corporalia, Vide verbo *Sacra*. §. 1. Vide etiam, quæ circa eorum benedictionem habentur. verbo *Benedicere*. §. 2. & 3. *Tactus & benedictio corporalium.*

COR-

## CORRECTIO.

## §. 1.

*Forma in  
correctioni-  
bus tenenda.*

**I**N infligendis correctionibus & punitio-  
bus Nostrorum delinquentium, Prælati So-  
cietatis, ad quos id noscitur spectare, postposi-  
tis juris apicibus, libere procedere possunt, se-  
cundum consuetudines approbatas, & gene-  
ralia Instituta Societatis facta, aut facienda,  
observatis in hoc deliberatione ac maturitate  
debita. Concessit BONIFACIUS IX. Minori-  
bus, ut in Monum. eorum fol. 202. pag. 2.  
concess. 449.

*Omnibus Su-  
perioribus.*

*Hæc facultas communicatur omnibus Superiori-  
bus.*

## §. 2.

*Facultas  
excommuni-  
candi no-  
stros, incar-  
cerandi, &c.*

Omnes Præpositi, per se vel alios quosvis,  
Societatis insolentes, & qui id mereri videbun-  
tur, possunt libere excommunicare, capere, in-  
carcerare, & aliàs suæ disciplinæ submittere;  
& ad id, si opus fuerit, auxilium brachii secu-  
laris invocare. PAVLVS III. pag. 4.

*Quibus Su-  
perioribus  
communicetur.*

*Communicatur omnibus Superioribus quoad alia  
ab excommunicatione, respectu cuius facultas sit pe-  
nes Provincialem, prout dictum est verbo Apostata.  
§. 4.*

An



An à correctione Regulæ liceat appellare.  
Vide supra verbo *Appellatio*.

## DECIMÆ.

Vide verbo *Exemptio*. §. 4. §. & seq.

## DECLARATIO.

**C**Irca declarationem nostrarum Constitu-  
tionum & privilegiorum ac nostri institu-  
ti, Vide quæ dicuntur verbo *Generalis*. §. 5. &  
6. Item vide quæ peculiariter circa privilegio-  
rum declarationem habentur verbo *Privilegia*.  
§. 4. Pro declaratione autem dubiorum con-  
scientiæ, vide verbo *Scrupuli*.

*Declaratio  
privilegio-  
rum & con-  
stitutionum.*

## DIGNITAS.

**P**Ræpositus Generalis absque Societatis  
consensu, vel aliquis ex Sociis hujusmodi  
absque Generalis Præpositi expressa licentia,  
electioni seu provisioni de illius in quamcum-  
que dignitatem per quemcumque Principem,  
vel quodcumque Capitulum, aut alios ad id au-  
ctoritatem habentes, factæ consentire, aut ut  
ad illam admitti, seu alicujus prælationis & di-  
gnitatis in eadem Societate, si eam occulta aut  
manifesta ambitione quæsisse convincetur, ca-  
pax esse nullatenus potest. PAVLVS III.  
pag. 39.

*Omnibus, et-  
iam Genera-  
li, interdi-  
tur accepta-  
tio cujus-  
cunque di-  
gnitatis ex-  
tra Societa-  
tem.*

Ad

Ad sacerdotium vel ad professionem, ad cuiusvis gradus mutationem nemini adspirare licet, GREGORIUS XIV. const. pag. 284.

## DISPENSATIO.

### §. I.

*Facultas dispensandi super irregularitate.*

**P**Otest Præpositus Generalis, per se vel per alios ad id deputatos, dispensare cum iis omnibus, qui sub Obedientia Societatis degunt, super irregularitate, si quam incurrerint, eo quod excommunicati, aut suspensi, aut interdicti, aut in loco interdicto divina officia celebrarint, aut Ordines susceperint, nisi excessus dispensandorum sit adeo gravis, ut ad Sedem Apostolicam sint remittendi juxta explicationem SIXTI IV. Sic tamen dispensati, nisi mox Ordinem intrare, & peractis experientiis secundum Societatis Constitutiones vota emittere parati sint, etiamsi super hoc induciæ eis à Prælatis Societatis concedantur, eo ipso in pristinas sententias reincidant. PAVLVS III. pag. 40. & seq.

*Communicatur omnibus Superioribus.*

*Hac facultate uti possunt omnes Superiores.*

### §. 2.

Præpositus Generalis, & de ejus licentia Provinciales, ac eorum Vicarii, & loca tenentes, possunt cum Religiosis Societatis defectum,

ctum natalium quovis modo patientibus, & quavis ex causa irregularibus, præterquam homicidii, voluntarii, bigamiæ, & mutilationis membrorum, postquam in Societatis Ordine vota emiserint, dispensare, ut ad sacros Ordines, ac eorum usum; & ut prædictum defectum natalium patientes ad quamvis administrationem Societatis eligi, recipi, & assumi, liciteque eam exercere possint. PAVLVS III. pag. 48. idemque ferme habetur in Monum. Minor. fol. 144. concess. 352.

*Facultas dispensandi super defectus natalium irregularitate, non omni.*

*Hæc facultas conceditur Provincialibus. Siquis vero post ingressum in Societatem inciderit in irregularitatem, quæ dicitur ex defectu lenitatis, conceditur etiam reliquis Superioribus, & Confessariis facultas cum eo dispensandi.*

*Conceditur Provincialibus.*

§. 3.

Possunt Præpositus Generalis ac Provinciales dispensare cum Nostri sibi subditis in irregularitate homicidii: dummodo tales homicidæ non sint certi, quod ipsi actualiter occiderunt, nec pro certo sciant, quod fuerunt tales mandatores vel auxiliares homicidii, quod sine illis nullo modo fuisset tale homicidium perpetratum. Concessit hoc SIXTVS IV. Ordini Min. ut in eorum Monum. fol. 66. concess. 102.

*Facultas dispensandi cum nostris super irregularitate homicidii cum lenitate.*

*Hæc facultas reservatur Præposito Generali.*

§. 4

## §. 4.

*Facultas  
dispensandi  
in omnibus  
cum nostris  
in foro con-  
scientia.*

Potest Præpositus Generalis , & alii quin-  
quaginta ex Præpositis Domorum ac Recto-  
ribus, ab eo pro tempore nominandi, cum No-  
stris dispensare in omnibus casibus , nullo ex-  
cepto, in foro conscientia tantum. Dispensa-  
tio autem in homicidio voluntario citra altaris  
ministerium conceditur. SIXTVS IV. Carthu-  
siensibus sub Datis Romæ apud S. Petrum  
Anno Domini 1481. xvij. Kal. Aprilis Ponti-  
ficatus sui anno 11. & habetur in Manuscript.  
fol. 48.

*Quibus Su-  
perioribus  
concedatur.*

*Hæc facultas communicatur Provincialibus.  
Sed in irregularitate ex bigamia , & ex homicidio  
voluntario procedente , soli Præposito Generali reser-  
vatur.*

## §. 5.

*Facultas  
dispensandi  
cum nostris  
super omni  
irregulari-  
tate etiam  
in casibus  
Papa refer-  
vatis.*

Potest Præpositus Generalis in foro con-  
scientia dispensare cum personis nostræ So-  
cietatis super omni irregularitate etiam in illis  
casibus, in quibus Papa sibi vicem reservat, sci-  
licet in morte, in membrorum obtruncatione ,  
& enormi sanguinis effusione ; dum tamen ali-  
quid eorum trium notorium non sit , & hoc  
propter scandalum. Concessit MARTINVS V.  
Prioribus S. Benedicti Vallis Oleti , ubi habe-  
tur originale, & refertur in Comp. Min. verb.  
*Dispensatio. §. 24.*

## §. 6.

§. 6.

Per Privilegium Monachorum S. Hieronymi in Hispania, quilibet Nostrorum potest semel in vita dispensari in foro conscientiae à Confessario per Superiorem deputato super irregularitate, quacumque occasione contracta. Concessit SIXTUS IV. ut in libro Privilegiorum dicti Ordinis, titulo 12. fol. 36. & refertur in Manuscriptis fol. 59. pag. 2.

*Quilibet enim Nostris potest semel in vita dispensari à Confessario deputato super irregularitate quacumque.*

*Hac facultas communicatur omnibus Superioribus, & aliis Confessariis, quibus ipsi eam commiserint, præterquam in irregularitate ex bigamia, & aliis tribus casibus in superiori §. contentis, qui Præposito Generali reservantur.*

*Communicatur omnibus Superioribus.*

*Facultatum, quæ proxime præcedentibus quatuor §§. continentur, usus esse non potest, in quibus ea Concilio Tridentino sess. 14. cap. 7. repugnant; nisi in foro conscientiae tantum, in quo licet illis uti juxta ea, quæ habentur Verbo Concilium Tridentinum §. 3.*

*Vsu facultatum dictarum.*

§. 7.

Potest Præpositus Generalis, per se vel per alios Professos quos elegerit, dispensare cum nostris circa jejunia & cibos prohibitos. IULIUS III. pag. 73. Per extensionem tamen GREGORII XIII. de qua verbo

*Facultas dispensandi circa jejunia, & cibos prohibitos cum hostijs*

*Communicatio gratiarum.* §. 4. id facere potest per quemlibet alium Societatis. Per concessionem autem *EUGENII IV.* factam Monachis *S. Hieronymi*, ut refertur in *Comp. Minor. Verb. Ieiunium.* §. 7. Præpositi Domorum ac Rectores possunt dare licentiam de consilio Medici, vel sine eo, si commode non possit haberi, ut nostri familiares Domorum aut Collegiorum infirmi, seu debiles, possint comedere carnes, & ova, seu alia sanis interdicta in *Quadragesima*, & aliis jejuniis Ecclesiasticis sine licentia Dicciesani; vel quod non teneantur jejunare in prædictis temporibus etiam sine consilio Medici.

*Etiā cum  
nostri fami-  
liaribus.*

*Quibus com-  
municetur.*

*Hæc facultas, quoad gratiam à IULIO III. factam communicatur omnibus Superioribus, & iis quibus ipsi commiserint. Facultas vero EUGENII solis Superioribus.*

### §. 8.

*Facultas  
dispensandi  
ad petendum  
debitum  
cum consan-  
guineis.*

Possunt nostri Confessarii, si sint viri docti, & juxta formam Concilii Trid. approbati, ex commissione Provincialis dispensare in foro conscientie ad petendum debitum cum iis, qui consanguineum vel consanguineam sui conjugis post Matrimonium carnaliter cognoverunt. *PIVS V.* Franciscanis de observantia 27. Septembris anno 1569. ut in *Manuscrip. fol. 79.*

*Fa-*

*Facultas hæc conceditur Provincialibus, & aliis Con-  
fessariis, quibus ipsi per se, vel per alios eam com-  
miserint; admonito pœnitente, ut si conjugi sit super-  
stes, iterum ne contrahat absque dispensatione impe-  
dimenti incestus impediens; si eo loco voluerit con-  
trahere, ubi illud non fuerit consuetudine legitime  
abrogatum.*

*Conceditur  
Provinciali-  
bus.*

§. 9.

*Possunt nostri Confessarii, si sint viri docti,  
& juxta formam Concil. Trid. approbati, ex  
commissione Provincialis dispensare ad peten-  
dum debitum cum his, qui post votum simplex  
Castitatis matrimonium contraxerunt. Con-  
cessit PIVS V. Franciscanis 26. Octobris  
anno 1569, ut in Manuscrip. fol. 79.*

*Facultas  
dispensandi  
ad petendum  
debitum  
cum legatis  
voto simplici  
castitatis.*

*Communicatur iis, quibus & præcedens gratia  
fuit communicata, admonito pœnitente, ut si conjugi  
supervivat, votum servet.*

*Communica-  
tur Provin-  
cialibus.*

§. 10.

*Per facultatem Benedictinis concessam à  
MARTINO V. possunt nostri Confessores  
deputati dispensare in votis, etiam Episcopo  
reservatis. habetur in manuscript. fol. 39. pag.  
2. & in Compendiolo Benedictinorum Vallis  
Oleti pag. 45. & seq.*

*Facultas  
dispensandi  
in votis,  
etiam Episc-  
opo reservan-  
ti.*

*Hæc facultas communicatur omnibus Superiori-  
bus, & aliis Confessariis, quibus ipsi eam commise-  
rint.*

*Communica-  
tur omnibus  
Superiori-  
bus.*



*Vide plura  
de dispensa-  
tione.*

Vide quæ habentur verbo *Commutatio*. §. 2.  
Et qualiter nostri Superiores possint per se  
ipsum dispensare cum nostris sibi subditis in  
omnibus irregularitatibus, & aliis, perinde ac  
possunt Episcopi cum Clericis & laicis sibi  
subjectis, etiam vigore Concilii Trid. Vide  
juxta ea, quæ habentur infra verbo *Praelati*.  
§. 3. Vide item quod peculiariter dicitur cir-  
ca Ultramontanos quoad relapsum in hære-  
sim, vel apostasiam verbo *Absolutio*. §. 8. Et  
quod contentis hoc verbo non obstet Conci-  
lium Trident. in foro conscientiae, Vide verbo  
*Concilium*. §. 3.

## D O M V S.

### §. I.

*Facultas  
ubique ha-  
bendi domos,  
&c.*

**Q**UOMODO Domos ubique possit ha-  
bere Societas; & eo ipso quod sunt con-  
structæ, vel donatæ, censentur erectæ & con-  
firmatæ Apostolica auctoritate, Vide verbo  
*Bona*. §. 2.

### §. 2.

*Domus pro-  
bationis ha-  
bere possunt  
reditus.*

Domus probationis Societatis possunt ha-  
bere redditus. PIVS IV. 19. Augusti. 1561.  
confirmavit pag. 89. & GREGORIUS XIII.  
in sua Constitutione VIII. Kal. Julii. 1584.  
pag. 224. adjuncta pag. 229.

D O-



## DONATIONES.

Utrum donationes piæ commutari possint, ex uno usu in alium, Vide verbo *Communitio*. §. 3. & alia circa donationes, Vide verbo *Bona*. §. 1. 4. & 6.

## DVBIA.

Vide quæ dicuntur supra verbo *Declaratio*.

## ECCLESIA.

### §. 1.

**P**ossunt nostri facere benedici aut consecrari Ecclesias Societatis cum Cœmeteriis, & primum lapidem poni per quoscunque Episcopos, si Diœcesani ultra quatuor menses id facere distulerint. **P A V L. V S I I I.** pag. 47. Idem quoad altaria consecranda concessit **H O N O R I V S** Minoribus, ut in eorum Mon. fol. 101. concess. 212,

*Facultas benedicendi, & consecrandi Ecclesias, & Cœmeteria.*

### §. 2.

Possunt omnes Præpositi, ac Rectores, etiam aqua per eos benedicta, præsertim in locis remotis, ubi Episcopum aquam benedictentem per duas dietas adire non possunt,

*Facultas etiam qualis reconsecrandi Ecclesias.*

E 3

libere

libere & licite, reconciliare nostras Ecclesias, Cœmeteria, & Oratoria, & eorum quodlibet, sanguinis seu feminis effusione, seu alias quomodolibet pollutas, seu polluta, quoties opus fuerit. Concessit LEO X præfatis Minoribus, ut habetur in eorum Supplem. fol. 16. pag. 2. & refertur in eorundem Compendi verbo *Benedicere*. §. 14.

*Communicatur omnibus Superioribus.*

*Hæc facultas omnibus Superioribus communicatur.*

### §. 3.

*Facultas corpora exhumandi.*

Possunt omnes Præpositi ac Rectores, in suis ecclesiis & capellis exhumare corpora defunctorum, & ad alias sepulturas in eisdem ecclesiis suis transferre de consensu illorum, quorum interest. Concessit LEO X. Minoribus, ut in eorum Supplemen. fol. 58. pag. 2. concess. 162. adjuncto fol. 60. pag. prima ante finem.

*Ufus sit privatus.*

*Hujus facultatis usus sit privatus tantum non solemnis vel publicus.*

### §. 4.

*Facultas transferendi & mutandi Ecclesias.*

Adveniente casu necessitatis, possunt ecclesiæ nostræ transferri & mutari de uno loco ad alium; & locus prioris Ecclesiæ reduci ad usus humanos secundum commoditatem

tem dictorum locorum , & Collegiorum , seu Domorum, modo tamen materia ædificiorum ponatur in ecclesia alia. Concessit L E O X. Vivæ vocis orac. Minor. ut habetur in eorum Supplem. fol. 92. pag. 2. concess. 277.

*Hæc facultas communicatur omnibus Provincia-* *Communica-*  
*libus : cā tamen non utantur , nisi raro , & erecta* *tur Provin-*  
*ex uce.* *cialibus.*

## §. 5.

Qui ausu temerario præsumpserint Eccle- *Nostas Ec-*  
 fias, aut loca nostra infringere , aut in illis vio- *clesias aut*  
 lentiam damnabilem exercere , ipso facto in- *locā infrin-*  
 currunt excommunicationem , à qua absolvi *gentes ex-*  
 nequeunt, nisi per Sedem Apostolicam, vel per *communi-*  
 Conservatores ab eadem Nostis aut Societati *cantur ipso*  
 deputatos. Concessum est Franciscanis, ut in *facto.*  
 eorum Monum. fol. 105. concess. 226. &  
 Dominicanis, ut in eorum privilegiis, fol. 55.  
 pag. 1.

Quas indulgentias consequantur, qui nostras Ecclesias , aut alia pia loca Societatis visitant, Vide infra verbo *Indulgentiæ*. Vide etiam quod habetur verbo *Missa*. §. 2. & verbo *Immunitas*, & verbo *Benedicere*. §. 1.

## E L E E M O S Y N Æ.

*Nobis eleemosynis prohibere conantes quibus pœnis subjacent.*

**M**ANDATUR Ordinariis, eorumque Vicariis, seu Officialibus, & Curatis, ac aliis quibuscumque, qui ne Christi fideles nobis eleemosynas erogare præsumant, suadere, ac etiam sub censuris inhibere, ac erogantes excommunicatos fore, prædicare, seu prædicari facere, seu pronunciare præsumunt, ut ab hujusmodi persuasionibus, inhibitionibus, & mandatis omnino abstineant: persuadentesque, & inhibentes, & huic mandato non curantes obtemperare, nisi pœnituerint, & persuasiones, & inhibitiones, ac prædicta revocaverint, intra triduum postquam fuerint requisiti, eo ipso Ordinarii incurrunt interdictum ingressus ecclesiæ, ac suspensionem à regimine, & administratione suarum ecclesiarum: inferiores vero ab eis, sententiam excommunicationis ipso facto incurrunt. Concessit Sixtus IV Minor. ut in eorum Monum. fol. 149. pag. 1. concess. 363.

*Communicatur Provincialibus.*

*Facultas requirendi, de qua in hoc §. communicatur Provincialibus, & iis, quibus ipsi commiserint.*

Vide quod circa eleemosynas habetur verbo *Commutatio*. §. 4.

E M-

## EMPHITEVSIS.

**A**N Emphiteutica bona possint nobis donari, Vide verbo *Bona*. §. 6. An & quomodo possint bona Societatis dari in Emphiteusim, Vide verbo *Alienatio*. §. 2.

## EVCHARISTIA.

## §. 1.

**P**OTEST Societas in suis Ecclesiis decenter tamen, sacrosanctam Eucharistiam servare. **P A V L V S** III. pag. 49.

*Facultas Euchar. tenendi.*

## §. 2.

Omnes Christi fideles, quovis anni tempore, Rectorum Parochialium Ecclesiarum licentia minime requisita, possunt à Nostri sacram Eucharistiam accipere, præterquam in festo Paschæ Resurrectionis Dominicæ, & in mortis articulo, nisi necessitas urgeat. **P A V L V S** III. pag. 49.

*Omnibus licet quocumque tempore Euchar. sumere à nostris, Paschate excepto.*

*Quamvis in Societatis Constitutionibus parte 7. cap. 4. D. exponatur festum Paschæ juxta communem consuetudinem, intelligi eam hebdomadam, quæ ipsum diem Resurrectionis præcedit, & simul eam, quæ subsequitur; excipi vero eos, quos*  
**E 5** *jus*

*Quomodo intelligatur dies Paschæ.*

ius ipsum excipit, nec non qui jam suis parochiis satisfecerint; per privilegia tamen Minorum restringi potest prædicta expositio ad ipsum diem Resurrectionis: is enim solus dies exceptus est Minoribus de Observantia, per NICOLAVM V. & SIXTVM IV. juxta id, quod in §. sequenti dicitur: cujus quidem facultas, & hujus etiam §. communicatur omnibus Sacerdotibus, numquam tamen in alienis Ecclesiis sine licentia eorum, ad quos pertinet, hoc Sacramentum ministrabunt.

## §. 3.

*Etiam die  
Paschatis de  
licentia  
Parochi.*

Possunt Nostri Sacerdotes ministrare Sacramentum Eucharistiæ omni tempore, præterquam in die Resurrectionis Domini, imo etiam dicto die licebit, sed tunc non nisi accedente Rectoris Parochialis, aut Diocesani licentia, ut constat ex Monum. Min. fol. 114. concess. 149. & 150. juncto Supplem. fol. 58. concess. 160.

## §. 4.

*Potest in no-  
stris Ecclesiis  
Sacramen-  
tum mini-  
strari a no-  
stris, aliisque  
personis.*

Possunt Nostri, in nostris ecclesiis ministrare, ac ministrari facere Sacramentum Eucharistiæ quibuscumque personis, quoties opus fuerit. Concessit IVLIVS II. Minimis, ut habetur in Supplem. Minor. fol. 11. pag. 2. concess. 143.

Com-

*Communicatur Superioribus, & iis quibus ipsi commiserint.* *Communicatur Superioribus.*

Vide quæ habentur iufra verbo *Sacramenta*, & fupra verbo *Altare*.

## EXCOMMVNICATIO.

### §. 1.

**S**I Præpositi aut Rectores sententiam excommunicationis in aliquem nostræ Religionis in Congregatione vel Communitate ferre velint, non tenentur eam scripto proferre, non obstante pœna juris. LEO X. Min. ut in eorum Supplem. fol. 93. pag. 2. concess. 291

*Quomodo excommunicatio proferenda.*

*Si in aliquo casu opus esset hac facultate, quilibet Superior, qui excommunicare potest, ea uti poterit.*

*Quilibet Superior uti potest.*

### §. 2.

Nostri Confessores absolvendo in foro conscientiae excommunicatos, non tenentur servare formam, quæ observatur in publicis absolutionibus, scilicet flagellationem cum Psalmo *Miserere mei*, &c. LEO X. Minorib. ut in eorum Suppl. fol. 59. concess. 174.

*In absolutione ab excommunicatione non tenentur servare formam.*

### §. 3.

NICOLAUS IV. noluit Fratres ligari aliqua

*Nisi nomi-  
natum nostri  
non possunt  
excommunic-  
ari, &c.*

aliqua sententia excommunicationis, suspen-  
sionis, & interdicti, vel hominis, nisi nomina-  
tim fieret mentio : nec sufficeret, si diceret in  
sententia generali, ut perinde valeant, ac si es-  
sent nominati expresse. Habetur in Cæremo-  
niali, seu Pontificali in Bibliotheca Vaticana.

A quibus Excommunicationibus Nostri  
possint absolvere, Vide verbo *Absolutio*. Et an  
Nostri possint commorari in terris excommu-  
nicatorum, &c. Vide verbo *Hæretici*. §. 1. Vi-  
de etiam circa hoc verbum, quæ habentur ver-  
bo *Correctio*. §. 2. & verbo *Apostata*. §. 7. ver-  
bo *Interdictum*, ac verbo *Prelati*. §. 2.

## EXEMPTIO.

### §. 1.

*Societas.  
ejusque bo-  
na eximun-  
tur ab ordi-  
nariis.*

**S**ocietas, & universi illius Socii, ac personæ,  
illorumque bona quæcumque ab omni Su-  
perioritate, jurisdictione, & correctione Or-  
dinariorum sunt exempta, ac libera, suscepta-  
que sub Sedis Apostolicæ Protectione. PAU-  
LVS III. pag. 42. & idem corroboratur privi-  
legio concessio Prædicatoribus, de quo in Sup-  
plemen. Minor. fol. 80. pag. 1. & seq. Iuxta  
quod tam personæ, quam res Societatis exi-  
muntur à jurisdictione quorumlibet Ordina-  
riorum,



riorum, & Prælatorum, ac personarum Ecclesiasticarum, ac in jus & proprietatem B. Petri, & Sedis Apostolicæ & sub eorum speciali & immediata protectione suscipiuntur : ita quod præfati Prælati, aut quævis alia persona nequeat etiam ratione delicti, seu contractus, vel rei de qua agitur, ubicumque committatur delictum, ineatur contractus, aut res ipsa consistat, jurisdictionem quomodolibet exercere. *Immediate subji-  
ciuntur  
Sedi Apo-  
stolica.*

Pariter qui sunt de Societate per litteras Apostolicæ Sedis ; aut Legatorum, seu Delegatorum ipsius conveniri à quocumque minime possunt, nisi hujusmodi Apostolicæ litteræ de hoc indulto, & Ordine nostro expressam faciant mentionem. Concessum est Min. ut in eorum Monum. fol. 140. concess. 120. *Neque ab  
aliquo con-  
veniri pos-  
sunt.*

*Quibus tamen casibus Tridentina Synodus nos Episcopis subjecerit, patet multis locis, ut sess. 5. c. 2. de Reform. sess. 6. c. 3. de Reform. sess. 7. c. 7. & 14. de Reform. à versu Addendo & infra. Item sess. 23. c. 16. §. Nullus, & sess. 24. c. 1. de Refor. Matrim. vers. Quod si quis Parochus, & c. 2. de Refor. & ibidem c. 4. versu Nullus. Item sess. 25. c. 4. vers. Qui vero, & seq. & c. 11. & 13. quoad præcedentias, & 14. ac 16. in fine de Regul. præter alia, quæ suis locis in hoc Compendio nonnumquam reperiuntur.*

*Quibus in  
casibus per  
Concil. Trid.  
subji-  
ciuntur  
Episcopis.*

## §. 2.

*Nostri post  
tria vota  
substantialia  
etiam sim-  
plicia, ab  
ordinariis  
eximuntur.*

Eos, qui in Societatem admissi, biennio probationis peracto, tria vota substantialia, tametsi simplicia emiserint, aut in futurum emit- tent, à quorumvis Ordinariorum, & Delegato- rum, seu aliorum Iudicum jurisdictione omni- no exemptos esse. Habetur in Constitutione GREGORII XIII. pag. 230.

## §. 3.

*Nostri sine  
Superioris  
consensu ad  
quodvis offi-  
cium seu  
exercitium  
etiam à Car-  
dinatibus,  
&c.*

Nullus ex Religiosis, sub Obedientia So- cietatis degentibus, à quibusvis quacumque Ecclesiastica, vel seculari dignitate seu aucto- ritate fungentibus, etiam si Cardinales sint; vel Patriarchæ, Synodi, Communitates, Capitu- la, aut officii hæreticæ pravitatis Inquisitores, ac Commissarii, vel Iudices, tam ipsius officii, quam Ordinarii, vel Delegati, ad quodvis mu- nus, officium, vel exercitium, etiam in defe- ctum aliorum, absque expresso sui Superioris consensu, ac etiam mandato adigi, vel cogi po- test. GREGORIVS XIII. pag. 235.

## §. 4.

*Non tenen-  
tur solvere  
Decimam  
etiam Papa-  
lem.*

De Domibus, ac Collegiis, & eorum præ- diis, hortis, aliisque locis, quæ juxta nostrum institutum habere possumus; aut de iis, quæ pro eisdem emendis, nobis pro tempore le- gari, aut donari contigerit; & denique de aliis

aliis bonis per Societatem, ejusque Collegia  
 possessis & obtentis; non tenemur solvere ali-  
 quam Decimam etiam Papalem, seu Canonica-  
 cam portionem exhibere, nec ad præstationem  
 procurationum, aut exactionum, collectarum,  
 vel provisionum quarumcumque, nec ad id  
 etiam per litteras Apostolicas compelli, nisi  
 ejusmodi litteræ de hoc indulto de verbo ad  
 verbum, ac de Societate fecerint mentionem.  
 Quod si per Sedem Apostolicam ex piis lega-  
 tis, dispositis, vel relictis aliqua pars alteri piæ,  
 vel non piæ causæ sit concessa, aut concede-  
 tur; Nostri, ac nostra, seu nobis legata & re-  
 licta, aut aliàs in nostrum favorem disposita,  
 sub his concessionibus non comprehenduntur;  
 nisi de nobis, & hoc indulto, & Pontificis  
 voluntate specifica fiat mentio in eisdem, &  
 non per clausulas generales idem importantes.  
 P A V L V S III. pag. 45. & seq.

## §. 5.

Ea quæ præcedenti §. sunt præscripta, cum  
 specifica mentione Domuum probationis con-  
 firmavit P I V S IV. pag. 90. & seq. exem-  
 ptionemque pro potiori cautela concedendo à  
 quibusvis Decimis, etiam Papalibus, prædia-  
 libus, personalibus, quartis, medietatibus, &  
 aliis fructuum partibus, subsidiis etiam cari-  
 tativis, & aliis ordinariis oneribus, etiam  
 pro

*Præcedentis  
 §. ampliatio  
 per Gregor.*

pro expeditione contra infideles, defensione patriæ, ac alias quomodolibet, etiam ad Imperatorum, & inferiorum Principum instantiam impositis; & quamvis in ipsa impositione caveatur, quod nulla prorsus exemptio cuiquam adversus illa suffragetur. Idemque per omnia confirmavit GREGORIUS XIII. pag. 181. & seq. ubi quoad hoc derogat dispositioni cap. *Nuper.* de Decimis.

## §. 6.

*Eximuntur  
etiam à ga-  
bellis, &c.*

Eadem exemptione, quoad pleraque ex dictis, gaudet Societas per privilegium EVGENII IV. concessum Monialibus S. Claræ; quod habetur in Monum. Min. fol. 40. pag. 2. & seq. ubi & quoad gabellas expresse exemptio conceditur: habetque præfatum privilegium insignes clausulas, ne derogari possit. Similiter & quoad pleraque ex prædictis suffragatur aliud privilegium EVGENII concessum Dominicanis, de quo in Supplem. Min. fol. 80. ubi expresse etiam eximuntur, ne pedagia, & thelonea, & alias exactiones quibusvis Regibus, seu aliis personis Ecclesiasticis, vel secularibus solve teneantur.

## §. 7.

*Eximuntur  
aquecuræ,  
collecta seu  
contributio-*

Per privilegium concessum Ordini S. Iohannis Hierosolymitani, eximuntur etiam Nostri amplissime à quacumque jurisdictione,

ne, & à quacumque collecta, seu contributio-  
ne ratione personarum, vel rerum, etiam ad re-  
fectionem pontium, fontium, furnorum, mu-  
rorum, seu ecclesiarum, etiamsi forsan eatenus  
per abusum, seu alterius privilegium, vel ne-  
gligentiam, etiam per longissimum tempus ta-  
liter observatum non fuisset. Concessit CLE-  
MENS VII. ut habetur in Manuscrip. fol.  
74. pag. 1.

*ne ratione  
personarum,  
vel rerum  
ad refectionem  
pontium, &c.*

## §. 8.

Per Privilegium item Congregationis Ca-  
nonicorum S. Salvatoris, definitum est, ne  
quis Rex, Principes, Duces, Marchiones, Ba-  
rones, Milites, Nobiles, Laici, Communita-  
tes, Universitates, Magistratus, Rectores, &  
Officiales Civitatum, Terrarum, Castrorum,  
& diocesum quarumcumque nostris seu rebus  
seu personis audeant vel præsumant gabellas,  
talias, datia, collectas etiam pro pontium re-  
fectionibus, aut viarum reparationibus, aliave  
onera seu gravamina inferre, indicare, vel im-  
ponere; aut indicta & imposita exigere, sub  
excommunicationis & maledictionis æternæ  
pœnis: quas, nisi præsentium habita notitia  
prorsus destiterint, ipso facto incurrant. Ha-  
betur in Manuscript. fol. 68. pag. 1. Simile-  
que omnino ex privilegiis Camaldulensium  
habetur eodem libro fol. 22. pag. 2.

*Supradicta  
non possunt  
nostris impo-  
ni à Regibus  
& Principi-  
bus.*

*Supradictorum notificatio communicatur Provincialibus.*

*Facultas, ut fiat dicta notificatio, communicatur Provincialibus, & iis quibus ipsi commiserint.*

§. 9.

*Imponentes ipso facto excommunicantur.*

Per privilegium Minorum, de quo in Monum. eorum fol. 260. concess. 656. imponentes angarias, vel alias impositiones, vel alia quævis damna Nostri, sunt excommunicati ipso facto: & si contumaces ab his non destiterint, à solo Papa possunt absolvi.

§. 10.

*Nostri non tenentur visitare aut inquirere, vel Monialium curam suscipere.*

Non tenentur Nostri etiam per litteras Apostolicas nisi de hoc indulto, & Societate expressam fecerint mentionem, officium correctionis, seu visitationis, aut inquisitionis Monasteriis, vel Ecclesiis, seu quibuscumque personis impendere, vel procedere ad cognitiones causarum, citationes partium, & denuntiationes sententiarum, interdicti, vel excommunicationis: nec denique recipere curam Monialium, seu quarumlibet personarum religiosarum. PAVLVS III. pag. 44. & seq. Nec item cogi possunt ad audiendas Monialium confessiones, ut à CLEMENTE concessum est Minoribus, prout habetur in eorum Monum. fol. 140. concess. 321.

*Notanda circa Concil. &c.*

*Observandum nihilominus est circa hoc, quod definitum est in Conc. Trid. sess. 25. c. 12. de Reg. §. II. §. II.*

## §. II.

Nostri non tenentur jurare de calumnia. *Non possunt cogi ad testimonium perhibendum.*  
 Concessit HONORIVS III. Carthusiensibus, ut in manuscript. fol. 48. pag. 1. Nec inviti cogi possunt ad testimonium perhibendum. IULIVS II. Canonicis S. Salvatoris, ut d. Libro fol. 67. pag. 2.

## §. 12.

Per privilegium EVGENII IV. concessum Monachis S. Benedicti Congregationis Italiae, quod refertur in Compen. Minor. verbo *Exemptio*. §. 33. cogi non possumus ad hoc ut in nostris locis Missæ, aut alia divina celebrentur, Ordines conferantur, vel agitentur causæ civiles, seu criminales, processiones convocentur, aut Synodus, conventus, seu quævis congregationes tam Ecclesiasticarum, quam laicarum personarum congregentur, seu quod loca nostra deputentur ad usum, hospitium, habitationem, detentionem, & incarcerationem Ecclesiasticarum, vel laicarum personarum. Et præsumens attentare contra omnia, aut aliquod prædictorum, cujuscunque conditionis, aut status sit, nisi facta ei de hujusmodi indulto notitia, destiterit, ipso facto sententiam excommunicationis incurrat. *Plures Non solum exemptiones, Contravenientes excommunicantur.*



*Provinciali  
communicatur.*

*Facultas notificandi, cujus in hoc §. fit mentio, communicatur Provincialibus, & iis, quibus ipsi commiserint.*

Vide verbo *Praelati*. §. 2. & verbo *Processiones*, & verbo *Privilegia*. §. 11. & verbo *Inquisitores*.

## EXTREMA VNCTIO.

*Infirmis intra nostras domos administrari potest Extrema unctio.*

**P**ossunt Nostri iis, qui intra septa Collegiorum seu Domorum infirmati fuerint, Extremam unctionem Apostolica auctoritate libere & licite, Parochialis Presbyteri, vel alterius cujuscunque Episcopi, vel Superioris licentia, vel assensu nullatenus requisito, ministrare. Concessum est Benedictinis, ut in Compend. Minor. verbo *Unctio extrema*. §. 1.

Vide verbo *Sacramenta*, & verbo *Familiares*. §. 1. & 2.

## FAMILIARES.

§. 1.

*Quibus nostri ministri ministrare possint Sacramenta.*

**P**OSSVMVS administrare omnia Sacramenta iis omnibus, qui in nostris morantur obsequiis, eosque in nostris Cœmeteriis sepelire: PAVLVS III. pag. 42. Et per concessionem MARTINI V. Monachis S. Benedicti factam, ut in Compend. Minor. verbo

*Famili-*



*Familiaries.* §. 10. possunt Nostri ministrare familiaribus nostris, tam intra, quam extra septa Collegiorum seu Domorum commorantibus, Ecclesiastica Sacramenta, quoties opportunum fuerit.

*Præter Confessionis & Eucharistiæ Sacramenta, familiaribus Extrema unctio poterit administrari, atque adeo iis solis, qui in Domibus, Collegiis, Residentiis, & aliis locis Societatis habitaverint. Id etiam de sepultura intelligatur. Extra septa vero cum illis perinde, atque cum aliis agatur, prout habetur verbo Sacramenta.* *Declaratio præcedentis.*

## §. 2.

Possunt Nostri famulis nostrarum Domorum ac Collegiorum in habitu seculari deservientibus, quoties opus fuerit, etiam Paschatis tempore, & in mortis articulo, in nostris Domibus, Collegiis, & Ecclesiis, Eucharistiæ & Extremæ unctionis Sacramenta ministrare: & sepulturæ beneficium, cujusvis licentia super hoc minime requisita impendere. L E O X. Minimis, ut in eorum privilegiis fol. 57.

*Nostri famuli etiam Paschatis tempore omnia Sacramenta ministranda.*

*Hæc facultas conceditur Superioribus, & quibus ipsi eam communicaverint.* *Communicatur Superioribus.*

## §. 3.

Famuli & servitores nostri possunt eligere

*Nostri famuli possunt.*

*absolui à  
Nostris à  
quibuscum-  
que, homici-  
dio voluntario  
exceptio.*

re Confessorem de Societate, qui audita eorum confessione, pœnitentiam salutarem eis injungendo, absolvat eosdem ab omnibus criminibus, excessibus, & censuris Ecclesiasticis: & dispenset cum eis in omnibus irregularitatibus, si quas forte contraxerint (homicidio voluntario, & mutilatione membri semper exceptis) & eis remissionem generalem, & plenariam omnium peccatorum impertiri valeat: & hoc idem possit in articulo mortis. SIXTVS Minor. Vivæ vocis oraculo, ut in Monum. eorum fol. 68. concess. 131.

*Declaratio  
precedentis.*

*Per hoc tamen non conceditur Nostris in casibus Bullæ Cœnæ se immiscere. Et quod attinet ad facultatem dispensandi in irregularitatibus, electus ex Nostris ea non utatur, nisi fuerit Superior, aut de Superioris licentia; idque in foro conscientie tantum.*

#### §. 4.

*Qui sunt in  
servitio Societatis con-  
sequuntur  
plenariam  
indulgentiam.*

Omnes qui sunt in servitio Societatis, consequuntur indulgentiam plenariam in morte, & semel in vita de reservatis. SIXTVS IV. Ordini Minorum, ut in eorum Monum. fol. 66. concess. 96. & in Comp. eorundem verbo *Familiares*. §. 6.

#### §. 5.

*Dum sunt  
in nostra do-  
mo, non pos-*

Per privilegium ALEXANDRI IV. concessum Fratribus Hospitalis S. Ioannis Hieroso-

rosolymitani, nemo, sine speciali mandato Romani Pontificis, servientes Societati, etiam laicos, donec in servitio Domus fuerint, excommunicationi vel interdicto potest subiicere: & aliter lata, irrita est sententia & inanis. Referatur in Comp. Minor. verbo *Familiare*. §. 11.

*sunt excommunicari.*

*Advertatur tamen ad id quod habetur in Concilio Trident. sess. 7. cap. 14. de Reform. & sess. 14. cap. 4. & 5. de Refor. & sess. 24. cap. 10. & 11. de Refor. Item advertatur, quod in casibus, in quibus privilegia nostra nobis non inserviunt, privilegium §. istius circa eosdem casus nostris familiaribus nil proderit.*

*Advertenda ex. Conc. Trid.*

Vide verbo *Interdictum*. §. 2. & 4. cum admonitione, quæ ibi habetur in fine ejusdem verbi. Vide etiam quod habetur verbo *Conservator*. §. 1.

## FEUDALIA BONA.

Vtrum bona feudalia possint donari Societati, Vide supra verbo *Bona*. §. 6.

## FUNDATORES.

Vide verbo *Indulgentie*. §. 30.

## G E N E R A L I S.

## §. 1.

*Generalis  
statim post  
electionem  
fit verus So-  
cietatis Præ-  
positus cum  
libera admi-  
nistratiōe,  
&c.*

**P**RÆPOSITVS Generalis cum primum electus est juxta Societatis Constitutiones eo ipso fit verus ipsius Religionis Præpositus, cum libera & omnimoda cura & administratione omnium, quæ ad felix regimen, & prosperam directionem Societatis pertinent: potestque plenam exercere jurisdictionem in omnes sub ejus Obedientia degentes, ubicumque commorantes, etiam exemptos, etiam quascumque facultates habentes. PAVLVS III. pag. 37. Per privilegium vero Eremitarum S. Augustini, eo ipso quod electioni de se factæ consentit, auctoritate Apostolica confirmatus intelligendus est; & libere administrare & exercere potest, quæ ad suum officium pertinent, rejecta quavis appellatione subditorum sibi ratione dicti officii, quæ ab ejus præceptis, monitionibus, ordinationibus, mandatis & decretis Regulari disciplina eorundem quomodolibet interponi continget. Habetur in privileg. dicti Ordinis fol. 35. pag. 2. & refertur in Supplem. Minor. fol. 133. pag. 1.

## §. 2.

Præpositus Generalis potest suos quocumque locorum, etiam inter fideles mittere ac revocare : & à Sede Apostolica sine certi temporis limitatione missos, cum expedire ad Dei gloriam, & animarum auxilium judicabit, alio transferre. PAVLVs III. pag. 38.

*Potest suos  
mittere etiã  
ad infideles  
& revocare.*

## §. 3.

Si qui è Nostreis ad prædicandum crucem, vel ad inquirendum contra hæreticam pravitatem, seu ad alia similia negotia deputati fuerint, potest Præpositus Generalis, cum expedire judicabit, eos remove, & alio transferre: ipsisque, ut supersedeant iniungere, ac alios in eorum locum substituere. PAVLVs III. pag. 39.

*Etiã cum  
ad inquiren-  
dum contra  
hæreticos  
mittuntur.*

## §. 4.

Omnis facultas celebrandi contractus est penes Præpositum Generalem. PIVs V. pag. 107. & seq.

*Facultas ce-  
lebrandi con-  
tractus.*

## §. 5.

Facultate concessa Ordini Prædicatorum, possunt Præpositi Generales Societatis, auctoritate Apostolica declarare (quoad serenitatem illarum conscientiarum, quæ sibi subiectæ sunt dumtaxat) dubia, quæ super nostris Constitutionibus, privilegiis, indulgentiis, gratiis, & exemptionibus à Sede Apostolica concessis & concedendis emerferint. IVLIVS II. in privilegiis Prædicat. fol. 173.

*Facultas de-  
clarandi du-  
bia Constitu-  
tionum, &c.*

## §. 6

*Dubia Constitutionum  
Eccl. ad Generalem remittenda.*

Si quid dubii de pertinentibus ad Institutum, Constitutiones, & privilegia Societatis oriri contigerit, ad Sedem Apostolicam vel ad Generalem Præpositum, aut ad eos, quibus id ipse commiserit, referatur. GREGORIUS XIII. in sua Constit. pag. 231.

*Declaratio præcedentis.*

*Hæc facultas intelligitur juxta Canonem xxj. quartæ Congregationis generalis.*

## §. 7.

*Facultas communicandi bona spiritualia Societatis.*

Facultate concessa Minoribus, potest Præpositus Generalis communicare suffragia indulgentiarum, orationum, ac beneficiorum spiritualium totius Societatis, Procuratoribus, & aliis quibuscumque devotis, & benefactoribus ejusdem Societatis. URBANUS V. in Monum. Minor. fol. 261. pag. 1. concess. 671.

## § 8.

*Transsumpta seu copia privilegiorum valent, si manu alicujus Notarii signata sint.*

Per privilegia Eremitarum S. Augustini, omnia exemplaria, seu transsumpta privilegiorum, quæ Societati fuerint concessa per Breve, vel supplicationem cum clausula, ut sola signatura sufficiat, si manu alicujus Prælati, aut publici Notarii signata, aut Generalis Præpositi sigillo firmata fuerint, eam-

eamdem omnino vim habent, tam in iudicio, quam extra, ac si plumbeo sigillo obfirmata essent. IULIUS II. & LEO X. in privilegiis ejusdem Ordinis fol. 42. & 47. Habeturque in Monum. Minor. fol. 267. pag. 2. & seq. concess. 698. & in Supplem. eorumdem fol. 123. pag. 1.

## § 9.

Electio Superiorum tam Provincialium & *Eligere Superiores est Generalis.* Visitatorum, quam quorumcumque localium, est penes Præpositum Generalem. GREGORIUS XIV. in Constit. pag. 280.

## §. 10.

Graduum discretio, & officiorum distinctio *Gradum conferre.* est in manu generalis. idem pag. 281.

## §. 11.

Omnis auctoritas, omnesque facultates per dictæ Societatis Constitutiones, & Apostolica diplomata Generali concessæ, inviolatæ conserventur. idem pag. 281. *Auctoritas &c. Generali conservantur.*

## §. 12.

Omnes facultates ad correctionem & punitionem aliis Ordinibus concessæ, Societati ejusque Præposito conceduntur. idem pag. 283. *Facultas corrigendi. &c.*

## §. 13.

Perpetuitas Generalis, & electio ad vitam, ejus- *Perpetuitas &c. Generalis.*

ejusque in Vrbe ordinaria residentia; & sub uno capite omnium nationum collectio, confirmantur & approbantur. PAVLVS V. pag. 314.

Vide verbo *Benedicere.* verbo *Communicatio gratiarum.* §. 4. verbo *Notarius.* verbo *Collegia.* & alibi sæpe in hoc Compendio.

## GRADVS.

### §. 1.

*Facultas  
promovendi  
ad gradus in  
Vniuersitat.*

Scholares Collegiorum Societatis existentium in Vniuersitatibus alicujus Studii generalis degentes, si prævio riguroso & publico examine in eisdem Vniuersitatibus reperti fuerint idonei, & Rectores Vniuersitatum eos gratis promovere recusaverint; in prædictis Collegiis à Præposito Generali, vel de ejus licentia à quovis ex inferioribus Præpositis, vel Rectoribus hujusmodi Collegiorum, cum duobus vel tribus Doctoribus seu Magistris, per eosdem eligendis, promoueri possunt ad Baccalaureatus, & Magisterii, Licentiaturæ, ac Doctoratus gradus. IVLIVS III. pag. 75.

### §. 2.

Iidem Scholares Collegiorum existentium  
extra



extra Vniversitates, absoluto suorum studiorum cursu, & riguroso examine præcedente, à Præposito Generali, vel de ejus licentia à quovis ex Præpositis vel Rectoribus hujusmodi Collegiorum, cum duobus vel tribus Doctoribus vel Magistris per eosdem eligendis ad prædictos gradus possunt promoveri. IULIVS III. ubi supra.

*Facultas  
promovendi  
extra Vni-  
versitates.*

*Nomine Scholarium in iis duobus §§. intelliguntur Scholares qui sunt de Societate.*

*Quinam  
Scholares.*

## §. 3.

Præpositus Generalis, per se vel aliquem ex Præpositis vel Rectoribus Collegiorum nostrorum, tam in Vniversitatibus studiorum generalium, quam extra illas existentium, in quibus ordinarie studiorum Artium liberalium & Theologiæ lectiones habentur, cursusque ordinarii peragentur, nostræ Societatis Scholares, & pauperes externos, qui dictas lectiones frequentaverint, & etiam divites, si Vniversitatum officiales, eos promovere recusaverint, cum per examinatores nostræ Societatis idonei sunt inventi (solutis tamen per divites suis juribus Vniversitatibus) in nostris Collegiis quarumcumque Vniversitatum, & in aliis extra Vniversitates consistentibus, quoslibet alios Scholares, qui sub eorundem Collegiorum obedientia, directione, vel disciplina studuerint,

*Quinam ex  
externis pro-  
movendi.*

rint, ad prædictos gradus, ac alias in reliquis juxta tenorem litterarum IVLII III. promovere possunt. PIVS IV. pag. 91. & seq.

## §. 4.

*Possunt promoveri per Præfectum.*

Potest Præpositus Generalis prædictos gradus, prout dictum est, conferre per præfectum studiorum cujuslibet Collegii Societatis, in quo Artium vel Theologiæ facultates pro tempore legentur. GREGORIUS XIII. pag. 190.

## §. 5.

*Gaudent privilegiis, &c.*

Quicumque per Nostros modo prædicto ad gradus promoventur, gaudere possunt omnibus privilegiis & prærogativis, quibus gaudent qui in Vniversitatibus, riguroso examine prævio, ac alias juxta inibi observari solitos & requisitos usus, promoventur. IVLIVS III. ac PIVS IV. pag. 75. & seq. & pag. 92.

## §. 6.

*Gradus judicium, &c. Generali reservatur.*

Graduum discretio & judicium, atque Coadjutorum, tam spiritualium quam temporalium, simulque Professorum promotio juxta Constitutiones in manu Præpositi Generalis est. GREGORIUS XIV. constit. pag. 281.

## §. 7.

## §. 7.

Tempus promotionis ad hujusmodi gradus nullo modo certum, seu determinatum esse oportebit. GREGORIUS XIV. constit. pag. 281. *Tempus promotionis.*

## §. 8.

Selecti tantum spiritus & doctrinæ viri, & multum diuque exercitati, ac in variis probationibus virtutis & abnegationis ipsorum, cum omnium ædificatione & satisfactione satis cogniti, admittendi sunt ad gradus, & nonnisi cum Societati, vel ejus Generali fuerit ab eis plene in Domino satisfactum. GREGORIUS XIV. constit. pag. 282. *Qui ad gradum admissi tendi.*

## §. 9.

Ad professionem, & cujuscumque gradus mutationem nemini aspirare licet. GREGORIUS XIV. constit. pag. 284. *Mutatio gradus prohibita.*

Facultates promovendi, de quibus in superioribus §§. quoad nostros reservantur Præposito Generali; quoad externos vero conceduntur Provincialibus, per se vel per Rectores aut studiorum Præfectos exercenda. Nam Rectoribus & cancellariis Universitatum quoad externos manet sua facultas. *Quibus Superioribus reservantur.*

Vide verbo Schola. §. 3.

## GRATIARVM VSVS.

## §. 1.

*Ubique gaudemus privilegiis, &c.*

**P**osse Præpositum Generalem & Societatem ubique locorum juxta nostri Institutionem, Constitutiones, ac modum procedendi proprium, peculiareque observationes & consuetudines, uti, frui, & gaudere omnibus facultatibus, & privilegiis, aliisque gratiis sibi, seu Domibus, Collegiis, locisque nostris, communiter vel divisim, vigore quarumcumque facultatum etiam ad instar aut æque principaliter, etiam per communicationem, seu alias quomodolibet concessis. Decrevit, & concessit GREGORIUS XIII. pag. 143.

Vide verbo *Absolutio*. §. 11.

## §. 2.

*Per bullam Cruciatæ & Iubilæi non derogatur privilegiis & regulis.*

GREGORIUS XIII. die 29. Octobris 1584. Vivæ vocis oraculo declaravit, mentis suæ non esse, ut per Bullas Cruciatæ, aut Iubilæorum, vel alias similes concessiones sub quacumque derogatione aut tenore, etiam si in eis dicatur, quacumque prohibitionem sublata, vel etiam Vivæ voc. orac. Pœnitentiariis S. Petri, aut quibuscumque aliis hætenus factas,

factas, vel in posterum faciendas, censeatur derogatum privilegiis, regulis, aut ordinationibus Societatis, præcipue vero indulto illi per eundem GREGORIUM XIII. die *Interdicitur  
usus talium  
bullarum.* iij. Maji 1575. concessio, scilicet ne personis Societatis, absque expressa Superiorum eorundem licentia, uti liceat facultatibus in Iubilæis, Bullis Cruciatae, Confessionalibus, aut aliis quibuscumque Apostolicis indultis, quomodo-cumque hætenus concessis, & in posterum concedendis. Declaravit præterea posse Superiorem, dum hujusmodi licentiam concedit, limitare eam ad usum unius aut alterius facultatis, & prohibere usum reliquarum, etiam eadem Bulla aut indulto contentarum. In Vivæ voc. orac. fol. 134.

## HABITVS.

Sacerdotes Societatis, quod ad habitum *Qualis habitus  
Societatis  
III.* pertinet, honestorum Sacerdotum communem, & approbatum usum sequentur. IULIUS III. pag. 67.

## HÆRETICI.

POSSUNT Nostri in excommunicatorum, & hæreticorum vel schismaticorum, seu infidelium terris libere commorari, & cum eisdem conversari (de licentia tamen Præpositi *Facultas in  
terris hæreticorum, &c.  
commorandi.*

positi Generalis ) & ab eis tunc , & etiam quando per ipsas illos transire contigerit , necessaria vitæ deposcere ac recipere. P A V L V S III. pag. 44.

*Communicatur omnibus.*

*Omnes hoc privilegio uti poterunt.*

Vide quæ habentur verbo *Absolutio*. §. 2. & §. adjunctis iis, quæ ad verbum *Bulla Cœnæ* dicuntur. Vide etiam & quæ habentur verbo *Inquisitor hæreticæ pravitatis*.

## HOMICIDIUM.

Vide verbo *Dispensatio*.

## HORÆ CANONICÆ.

§. 1.

*Facultas postponendi officium Missæ.*

**P**OSSUNT Nostri ex facultate Præpositi Generalis , aut ejus quem ipse ad id substituerit , sine scrupulo officium divinum Missæ postponere justis de causis , super quo conscientia licentiam impertientis oneratur. I V L I V S III. pag. 75.

*Quibus communicetur.*

*Hac facultate, dum opus fuerit, uti poterunt itinerantes. Reliqui vero ex concessione Superioris.*

§. 2.

Ratione itineris , aut alterius occupationis,

nis, quando creditur; quod majori cum devotione dicetur Divinum officium; potest illud à Nostreis recitari mane totum usque ad Completorium inclusive. P I V S V. Minor. ut in manuscrip. fol. 79. pag. 2.

*Quando  
tempus offi-  
cii præveniri  
possit.*

## §. 3.

Potest à Nostreis absque ullo scrupulo matutinum officium ante solis occasum recitari. Idem P I V S V. eisdem ubi supra.

*Ante solis  
occasum.*

## §. 4.

Quando aliquid Divini officii ( non tamen ex dolo ) omittitur, possunt Nostri illud supplere, dicendo psalmum aliquem, aut orationem Dominicam, aut salutationem Angelicam. INNOCENTIUS VIII. Minor. ut habetur in Monum. fol. 69. concess. 149. & in Supplem. fol. 99. concess. 362.

*Defectus  
quomodo  
supplendi.*

## §. 5.

Nostri in foro conscientie dicendo horas & alia officia Divina, satisfaciunt præcepto cap. *Dolentes.* de celebrat. Miss. de dicendo studiosè pariter & devote, etiamsi propter aliquam fatigationem, vel aliam causam dicant sedendo, aut deambulando, vel non integre proferendo verba, prout sunt scripta propter negligentiam, aut imperitiam, vel malam prolationem naturalem; propter defectum linguæ, seu alias qualitercumque ore

*Quomodo  
defectus sup-  
plendi in ho-  
ris recitan-  
di.*

imperfecto dicant, aut cum mentis distractione, & sensuum vagatione, dum tamen non ex malitia hoc faciant. Et quod qui cum talibus male proferentibus, vel alios supradictos defectus facientibus, dicunt officium, non teneantur recitare ab aliis imperfecte dicta, aut ab eis non integre audita propter distantiam localem, vel strepitum, seu aliam causam: sed satisfaciant præcepto Ecclesiæ qualitercumque audiendo; quæ alii debent dicere. Concessit L E O X. Minor. ut in eorum Supplem. fol. 59. pag. 1. concess. 169. adjuncto. fol. 60. pag. 1.

## §. 6.

*Non tenemur in choro recitare.*

Non tenentur Nostri dicere horas Canonicas in choro. P A V L V S III. I V L I V S III. & G R E G O R I V S XIII. pag. 14. 67. & 136.

*Indulgentia in horis recitandis.*

Quam Indulgentiam consequantur Nostri recitantes divinum officium ex libro, Vide infra verbo *Indulgentiæ*. §. 18. Vide etiam, quæ habentur verbo *Interdictum*. §. 7. & verbo *Infirmi*.

## I E I V N I V M.

## §. 1.

*Tentaculum matutinum.*

P O S S V N T Nostri per facultatem factam omnibus de Congregatione S. Iustinae de Padua, dum in Quadragesima, & Vigiliis quæ



quæ jejunantur de præcepto, equitando iter faciunt, sumere mane aliquid per modum consuetæ collationis, & vesperi cœnare. SIXTUS IV. ut in impressis fol. 123. pag. 1.

## §. 2.

Per facultates Minorum possunt Nostri sine violatione jejunii, maxime Concionatores, cum actu concionantur, juxta suam consolationem anticipare, vel postponere horam comestionis, & serotinæ collationis. Concessit LEO X. ut in Supplem. fol. 39. pag. 1. concess. 282.

*Anticipatio  
hora jejunii.*

*Hanc facultatem ex causa communicare poterunt omnes Superiores.*

Vide verbo *Dispensatio*. §. 7.

## IMMUNITAS.

## §. 1.

CONFUGIENTIBVS ad nostras ecclesias, manus violentæ injici prohibentur à quocumque sub poena excommunicationis latæ sententiæ. Concessit CLEMENS VII. Ordini S. Ioannis Hierosolymitani, & litteræ sunt insertæ & confirmatæ à PIO IV. Anno 1560. & habentur in libro privilegiorum ejusdem Religionis. fol. 19. & apud nos in manuscrip. fol. 74. pag. 1.

*Confugientes  
ad nostras  
Ecclesias non  
possunt capi.*

## § 2.

Nomine Eccle-  
siarum  
veniunt  
etiam Do-  
mus, &c.

Fugientes ad nostras Ecclesias securitate gaudent : appellatione autem Ecclesiarum veniunt Domus nostræ seu Collegia Societatis , cum hortis , hortaliis , claustris , officinis , & locis omnibus infra illarum ambitum inclusis. Concessit INNOCENTIUS VIII. Servitis , sub Datum Romæ apud S. Petrum Anno 1487. vi. Kal. Iunii. Pontificatus sui anno iij. & refertur in manuscript. fol. 51. pag. 1.

Vide verbo *Communicatio gratiarum*. §. 2. & quod habetur verbo *Ecclesia*. §. 5.

## IMPETRARE.

Vide loca quæ citantur infra verbo *Indulta*.

## INCARCERARE.

Vide verbo *Correctio*. §. 2. & verbo *Exemptio*. §. 12. & verbo *Apostata*. §. 5.

## INDVLGENTIÆ.

Indulgentia  
Stationum  
Vrbis.

POSSUNT Nostri Indulgentias omnium Stationum Urbis eisdem diebus in propria Ecclesia vel Domo consequi , dummodo visitent quinque altaria , vel in uno quin-

quinque Psalmos, aut si nesciunt legere, alias Orationes dicant. PIVS V. in Vivæ voc. orac. pag. 52.

## §. 2.

Easdem Stationum Indulgentias consequuntur Nostri visitando aliquam Societatis Ecclesiam, vel aliam, in qua pro tempore ex Obedientia esse contigerit, si inibi ante illius altare majus quinques orationem Dominicam, & toties salutationem Angelicam devote dixerint, ut concessum est Minimis per IULIUM II. prout habetur in Comp. Minor. verbo *Indulgentiæ Stationum quoad Fratres* §. 10. & per concessionem factam Minoribus, & Prædicatoribus; ab INNOCENTIO VIII. Easdem Indulgentias, & alias nobis concessas, in nostris Ecclesiis consequuntur Nostri, qui per Obedientiam extra Domos & Collegia reperiuntur, dicendo quinques *Pater noster*, & *Ave* in quacumque ecclesia & loco ea dixerint pro intentione, & proposito illius Indulgentiæ. Similiter infirmi eadem recitando in valetudinariis, & cellis, ac etiam lectulis, quando commode aliter non possunt. Habetur in Monument. fol. 69. concess. 160. & in Supplemen. fol. 100. concess. 390. Et generaliter quando aliqua necessitate vel infirmitate essent præpediti, vel in itinere constituti, ita quod ecclesias pro consequendis

Idem.

Consequuntur etiam Nostri extra Domos, & Collegia.

Similiter infirmi.

dis indulgentiis, & aliis gratiis Societati concessis adire non possunt, illas consequentur, dicendo dumtaxat illud quod in Ecclesia dicturi erant. Habetur in summario privilegiorum S. Iustinæ in privilegiis impressis fol. 121. pag. 2.

## §. 3.

*Quomodo  
consequi pos-  
simus Indul-  
gentias Vr-  
bis, &c.*

Quicumque Nostrorum quinquies *Pater*, & *Ave*, cum *Gloria Patri* ad finem cujuslibet profelici statu Sanctæ Matris Ecclesiæ, & semel *Pater*, & *Ave* pro intentione concedentis cum *Gloria Patri*, similiter ad finem dixerit, quacumque hora diei, vel noctis, & quocumque loco dicantur, scilicet choro, Ecclesia, Clauetro, Oratorio, ac Cella, consequetur Indulgentias tam Urbis, quam Hierusalem, & S. Iacobi in Compostella, ac quam consequuntur visitantes secunda die Augusti Ecclesiam S. Mariæ Portiunculæ, sive de Angelis in Assisio. LEO X. Minor. Habetur in Comp. Minor. verbo *Indulgentiæ Stationum*, quoad *Frates*. § 15. & in Supplem. fol. 60. p. 2. concess. 180. adjuncto fol. 42. pag. 2. ad finem concess. 134.

## §. 4.

*Plenaria pro  
ingressu, &c.*

Omnes personæ quæ recipiuntur in Societatem, in earum ingressu, & morte, Plenariam

om-

omnium suorum peccatorum veniam & Indulgentiam consequuntur. IVLIVS II. Minimis, ut in eorum privilegiis fol. 33. pag. 1.

## §. 5.

Sacerdotes nostri, qui Dominicis diebus, aut in solemnitatibus Domini, aut B. Mariæ celebrant; item & Nostri omnes, quando communicant, Indulgentiam plenariam consequuntur. INNOCENTIVS VIII. ut in Monum. fol. 69. concess. 148. & 150. & in Supplemen. fol. 43. pag. 1. concess. 137.

*Plenaria  
diebus Do-  
minicis, &  
Festis B. Vir-  
ginis.*

## §. 6.

Toties quoties Nostri Coronam Domini IESV, quæ dicitur continere 33. *Pater noster*, & totidem *Ave Maria*, & Coronam B. Mariæ Virg. 63. *Ave Maria*, & de decem in decem unum *Pater noster*, dixerint; Plenariam Indulgentiam consequuntur. Infirmi verò ac senes in decrepita ætate constituti, eandem lucrabuntur dicendo unum Psalmum, vel Hymnum Virginis, vel Domini Nostri. Concessit LEO X. ut in Supplem. Minor. fol. 42. pag. 2. ad finem cum sequen. adjuncto fol. 60. pa. 2. concess. 180.

*Indulgentia  
pro Corona  
D. N.*

## §. 7.

Prædictæ Indulgentiæ de Corona Domini Salvatoris, & B. Virginis, & similes concessæ per LEONEM X. usque ad quartum sui

*Supradicta  
Indulgentia  
per modum  
suffragii.*

Pontificatus annum die 3. Februarii, ejusque Prædecessores, possunt per Nostros animabus Defunctorum per modum suffragii applicari. Concessit idem LEO X. Minor. ut in eorum Supplemen. fol. 94. concess. 302.

## §. 8.

*Plenaria pro  
Cantico gra-  
duum.*

Dicentes Canticum Graduum, Indulgentiam plenariam consequuntur. LEO X. Minor. S. Claræ, ut refertur in Compen. Minor. verbo *Indulgentia plenaria quoad Frares.* §. 19.

## §. 9.

*Plenaria pro  
ad Congre-  
gationem ge-  
neralem ve-  
nientibus.*

Possunt nostri Confessarii iis qui ad generalem Congregationem veniunt: vel tunc, vel infra 20. dies sequentes. Plenariam Indulgentiam impertiri, SIXTUS IV. Cisterciens. in manuscr. fol. 47.

## §. 10.

*Plenaria in  
visitatione  
Collegiorum,  
&c.*

Omnes Provinciales, peracta visitatione ordinaria in Domibus, & collegiis suæ Provinciæ, habent facultatem concedendi Indulgentiam plenariam omnibus cujuslibet domus, seu collegii sic visitati. Concessit LEO X. Minor. ut in eorum Supplem. fol. 93. pag. 1. concess. 285, Et hoc ipsum possunt Visitatores finita visitatione. ut infra verbo *Visitatores.*

## §. II.

Omnes Indulgentias plenarias , & non plenarias , quæ sunt Romæ in singulis Ecclesiis, quocumque tempore & die , eodem tempore & die possunt Nostri in nostris ecclesiis lucrari. SIXTVS IV. Minor. ut in eorum supplemento. fol. 97. pag. 2. concessi. 351. Et per litteras GREGORII XIII. nobis concessas, Nostri in qualibet mundi parte existentes , ante altare sanctissimi Eucharistiæ Sacramenti in nostris ecclesiis orationes ad Deum fundendo pro sanctæ Ecclesiæ Romanæ exaltatione , hæresum extirpatione , & inter Principes Christianos fovenda pace , aut alias pro cujuscunque peculiari devotione , consequuntur omnes Indulgentias etiam plenarias , & peccatorum remissiones , quas consequerentur , si Indulgentiarum ipsarum diebus ecclesias ; & loca pia his decorata in locis in quibus Nostros moram trahere continget, visitarent, GREGORIVS XIII. pag 196.

*Possimus in nostris Ecclesiis lucrari plenarias & non plenarias Roma.*

*Indulgentia pro nostris ubique.*

## §. 12.

Per concessionem vero LEONIS X. omnes Indulgentiæ concessæ visitantibus Domos , Ecclesias , & Oratoria Mendicantium , sunt concessæ similiter nobis visitantibus nostras Ecclesias , Domos , vel Oratoria , perinde ac si cuilibet Ecclesiarum nostrarum,

*Pro visitantibus Ecclesias nostras.*

*Pro nostris  
visitantibus  
nostras Ec-  
clesias.*

rum, Domuum, & Oratoriorum ubilibet con-  
sistentium concessæ fuissent. Habetur in sup-  
plemen. Minor. fol. 56. concess. 157. Et si-  
militer Nostri visitando Ecclesias nostras, con-  
sequi possunt eodem modo Indulgentias, quas  
tunc consequerentur, si visitarent quasvis eccle-  
sias aliorum Ordinum, etiam non Mendican-  
tium, Congregationum, & Confraternitatum,  
& aliorum piorum locorum, juxta communi-  
cationem quam habemus, de qua supra verbo  
*Communicatio gratiarum. §. 3.*

*Quanam  
excipiantur.*

*Excipi tamen debent ab his, quæ hoc §. continen-  
tur Indulgentiæ concessæ pro festivitibus Sancto-  
rum cujusvis prædictorum Ordinum, aut Congrega-  
tionum, &c. Pariratione juxta ea quæ dicuntur à  
Collectore in Compen. Minor. Verbo Interdictum.  
2. Concess. 10.*

### §. 13.

*Indulg. ple-  
naria pro  
Miserere.*

Dicentes unum *Miserere*, Indulgentiam ple-  
nariam consequuntur. Concessit SIXTVS IV.  
ut est in privilegiis Canonorum Regular.  
Lateranen. & habetur in manuscript. fol. 50.  
pag. 2. in fine. Dicentes autem unum *Misere-  
re* in quolibet altari, consequuntur Indulgen-  
tias Urbis, illius diei. Concessum eisdem, ut  
habetur in d. p.

*Indulgentia  
Verbu.*

### §. 14.

Nostri, qui dicunt Missam Conceptionis  
B. Vir-



B. Virginis, vel audiunt illam, ac intendunt orare pro LEONE X. quid id concessit, & pro universali Ecclesia, Indulgentiam plenariam consequuntur. Habetur in Compen. Min. verbo *Indulgentia plenaria quoad Fratres.* §. 17. & 18.

*Indulg. plenâ dicentibus Missam Con- cept. B. V.*

§. 15.

In mortis articulo Confessarius Societatis potest Nostros plenissimam Indulgentiam impertiri, & reservatur vero articulo mortis. Concessit SIXTVS IV. Cistercien. ut est in manuscrip. fol. 47. pag. 1.

*Indulgentia plenissima pro nostris in mortis articulo.*

§. 16.

Quicumque ex Nostros pœnitens & contritus nomen IESV in mortis articulo nominaverit, plenariam omnium peccatorum suorum, etiam de quibus, nisi morte præveniretur, confiteretur, Indulgentiam consequitur. Concessum est per Leonem X. Confraternitati Caritatis de Vrbe, ut habetur in privilegiis impressis. fol. 72. pag. 2. & 135. pag. 2.

*Indul. plenâ pro nostris in mortis articulo nomen IESV nominantibus.*

§. 17.

Nostri dicentes in ecclesia singulis diebus in perpetuum Psalmum *Miserere* cum Oratione pro Pontifice, scilicet, *Deus omnium fidelium Pastor*, &c. Vel *Omnipotens sempiterne Deus*, &c. lucrantur omnes, & singulas Indul-

*Nostri sectantes Psal. Miserere, &c. Indul. totius orbis consequuntur.*

dulgentias, quæ sunt concessæ Ecclesiis & locis totius orbis. Concessit IULIUS II. personis Congregationis Lateranensis, Anno 1506. j. Iul. in manuscript. fol. 50. pag. 2.

## §. 18.

*Recitanti  
officium per  
librum, In-  
dulg.*

Qui solverint officium divinum per librum, consequuntur remissionem dimidiæ partis peccatorum commissorum illa die, qua prædictum solvunt officium. Concessit LEO X. Minor. ut in Supplement. fol. 94. pag. 1. concess. 294.

## §. 19.

*Euntium ad  
Congreg. ge-  
ner. Indulg.*

Euntibus per Obedientiam ad Congregationem generalem, conceditur Indulgentia unius anni, & 40. dierum. Euntibus autem ad Congregationem provincialem, centum dierum. Habetur in Comp. Minor. verbo *Indulgentia non plenaria, quoad Fratres.* §. 1.

## §. 20.

*Flectentium  
genua in  
versu Te  
ergo In-  
dulg.*

Cum cantatur in Matutino *Te Deum Laudamus*, flectentes genua, in versiculo, *Te ergo quæsumus*, &c. tres quarantenas. Et ad *Gratias agamus*, in Præfatione, centum dies Indulgentiæ consequimur: sufficit tamen Sacerdotibus si in Missa, ad *Gratias agamus*, se inclinent. Ita ex privileg. Carthusien. habetur manuscrip. fol. 48. pag. 1.

## §. 21.

## §. 21.

Sabbato in Ramis Palmarum, possumus liberare unam animam à Purgatorio, dicendo Psalmos pœnitentiales, vel quinquies *Pater noster*, & *Ave Maria*, ante Sacramentum Altaris; & pro Papa LEONE X. qui id concessit; unam Coronam B. Virginis. Idemque pariter possumus in die festo S. Ioannis Evangelistæ, & die ejusdem ante portam Latinam. Concessum est Minoribus, ut in eorum Suppl. fol. 61. pag. 1. concess. 148.

*Indulg. liberandi animam a Purgat.*

## §. 22.

Tam Nostri, quam quilibet alii Christi fideles dicentes 15. *Pater*, & *Ave*, pro existentibus in peccato mortali, toties quoties id fecerint, tertiæ partis peccatorum remissiones consequuntur. Habetur in Supplemen. Minor. fol. 94. pag. 2. concess. 300.

*Indulg. pro Nostro orantibus pro existentibus in peccato mortali.*

## §. 23.

Omnes Christi fideles, qui vere pœnitentes, & confessi, ac communicati, in die Circumcisionis, vel alio, per Præpositum Generalem, seu per Superiorem loci visitandi, semel pro semper nominando, aliquam Ecclesiam, seu Capellam, aut pium locum Societatis, ubicumque Nostros habitare contigerit, (dummodo si sint plures Ecclesiæ Societatis in eadem

*Indulg. plen. pro visitantibus nostras Ecclesias.*

dē civitate, terra, aut loco, una tantum ad id per Præpositum Generalem statuatur, annis singulis, præterquam Iubilæi, à primis Vesperis usque ad occasum Solis ejusdem diei, devote visitaverint, & ibi quinquies orationem Dominicam, & totidem salutationem Angelicam recitaverint, vel alias ad Deum orationes sanctæ Matris Ecclesiæ exaltatione, fideique Catholicæ incremento effuderint, plenariam Indulgentiam in forma Iubilæi consequentur. GREGORIUS XIII. pag. 188. adjunctis litteris PAULI III. pag. 49. & seq.

*Electio locorum.*

*In electione autem locorum præferatur semper Ecclesia Domus professæ.*

§. 24.

*Indulg. pro visitantibus Ecclesias nostras in die Circumcisionis, &c.*

Quicumque Christi fideles, qui vere pœnitentes, & confessi, aut propositum temporibus à jure statutis confitendi habentes, ecclesias, & alia pia loca Societatis in diebus Nativitatis, Circumcisionis, Epiphaniæ, Corporis Christi, necnon diebus Veneris, & Dominicis totius anni, ac Quadragesimalibus, usque ad octavam Paschæ visitaverint, & inibi semel *Pater*, & *Ave* recitaverint, & verbum Dei, si in illis prædicetur, devote audierint, septem annos, & totidem quadragenas, de injunctis eis pœnitentiis consequentur. PAULUS III. pag. 50.

Om-

## §. 25.

Omnes Christi fideles, qui confessi, & corde contriti fuerint, aut confitendi firmum propositum habuerint, ac in honorem & devotionem Passionis Christi preces devote effuderint, & postea idoneo alicui Societatis Presbytero, aut Societati, Præpositove Generali Obedientiam præstanti confitentur, plenariam Indulgentiam semel in vita consequuntur, in forma Ecclesiæ consueta. P A V L V S III. in Vivæ vocis orac. pag. 6. & seq.

*Indulg. plen.  
semel in vi-  
ta, &c.*

## §. 26.

Quolibet anni die, visitans ecclesias nostras, consequitur annum, & 244. dies, & quolibet die Quadragesimæ, consequitur annos quatuor, dies 236 Indulgentiæ. Habetur in Monum. Minor. fol. 71. concess. 181. & 182.

*Indulgentia  
pro quotidiana  
visitantibus  
Ecclesias nos-  
tras.*

## §. 27.

Venientibus communiter ad sermones annuales audiendos ad loca nostra, conceduntur similiter anni tres, & dies duo indulgentiarum. Habetur in Supplem. Minor. fol. 3. concess. 491. Et per concessionem Minoribus factam, conceduntur iis qui audiunt Prædicationes Nostrorum, anni quindecim Indulgentiarum. Habetur in Monum. Minor. fol. 260. concess. 649.

*Indulg. pro  
audientibus  
conciones  
nostrorum.*

## §. 28.

*Indulg. plen.  
pro parenti-  
bus Nostro-  
rum.*

Patres & matres eorum, qui sunt de Societate, præsentium & futurorum, etiam defunctorum in Purgatorio existentes, Indulgentiam plenariam consequuntur. Concessit CALIXTUS III. Minoribus, ut in Monum. fol. 65. pag. 2. concess. 90. prout refertur in Compen. Minor. verbo *Indulgentiæ, quoad seculares.* 8. §. 1.

## §. 29.

*Indulg. pro  
Procuratori-  
bus nostris,  
&c.*

Procuratores nostri, & eorum Substituti, necnon eorum filii, parentes, fratres, & uxores, possunt promereri Indulgentias Stationum Romæ, sicut Nostri, recitando in nostris ecclesiis quinque *Pater noster*, & *Ave Maria* pro Summo Pontifice, & felici statu Sanctæ Romanæ Ecclesiæ illis diebus, sicut sunt Romæ. Concessit INNOCENTIUS VIII. ut habetur in Supplem. Minor. fol. 99. pag. 2. concess. 367. Per concessionem autem eisdem Minoribus factam, de qua in eorum Monum. fol. 70. pag. 2. ante finem, Medici ordinarii Nostrorum gaudent eisdem indulgentiis, quibus & Procuratores locorum.

## §. 30.

*Indulg. plen.  
semel in vita  
pro Nostri,  
& fundato-  
ribus, &c.*

Nostri de Societate, ac ejusdem utriusque sexus Tutores, & Fundatores, & Procuratores,

res, ac eorum liberi semel in vita. & in morte plenariam omnium peccatorum veniam, & indulgentiam consequuntur. Concessum est Minimis, ut in eorum Libello fol. 33. pag. 1. & in Supplem. Minor. fol. 11. concess. 45.

*Omnibus Nostreis, etiam Novitiis, fit facultas consequendi non solum indulgentias hoc verbo contentas, sed & quascumque alias quomodocumque concessas, seu in posterum concedendas.*

*Communicatur etiam Novitiis.*

## INDULTA.

Non licet Nostreis uti indultis Pontificum, aut ea postulare, aut obtenta retinere, absque facultate Superiorum Societatis, juxta ea quæ habentur verbo *Absolutio*. §. 9. & verbo *Privilegia*. §. 3. Similiter de Confessionali impetrato, vide supra verbo *Confessionale*.

*Interdicitur usus indultorum Pontificiorum.*

## INFIRMI.

### §. 1.

**P**RÆPOSITVS Generalis, & alii quibus ipse suam auctoritatem ad id communicaverit, commutare possunt Divinum officium Nostrorum, quos infirmitate excusandos judicaverint, in aliud opus pium, seu leviolem orationem, durante tamen infirmitate. IULIVS III. pag. 75.

*Communitio officii divini pro infirmis.*

## §. 2.

*Satisfaciunt  
recitando  
aliquos psal-  
mos.*

Per privilegium Fratrum S. Hieronymi, Nostri infirmi, senes, ac valetudinarii, qui tenentur ad Horas Canonicas, satisfaciunt recitando aliquos psalmos, vel id quod suis Confessoribus visum fuerit. Concessit MARTINVS V. ut refertur in Comp. Minor. verbo *Infirmi*. §. 11.

## §. 3.

*Satisfaciunt  
audiendo ab  
alio.*

Per privilegium concessum ab EVGENIO IV. Fratribus S. Hieronymi, Nostri infirmi seu debiles satisfaciunt Horis Canonicis, ad quas tenentur, audiendo eas ab alio, vel ab aliis recitari. Refertur in Compend. Minor. verbo *Infirmi*. §. 13.

*Quibus com-  
municetur.*

*Facultatibus huius Verbi uti possunt omnes Superiores, & etiam Confessarii, si Superiori videbitur.*

Vide verbo *Indulgentia*. §. 2. & 6. & vide etiam verbo *Professi*. §. 1.

## INQUISITORES.

Vide verbo *Exemptio*. §. 3.



# INSTITVTVM.

## §. 1.

**O**MNIBVS cujuscumque status, gradus, *Interdicitur disputatio, vel impugnatio nostri Instituti, &c.* & præeminentiae existant, præcipitur in virtute sanctæ Obedientiae, ac sub poënis excommunicationis latae sententiae, necnon inhabilitatis ad officia, & beneficia secularia, & quorumvis Ordinum Regularia, eo ipso absque alia declaratione, incurrendis, Sedi Apostolicæ reservatis; ne Societatis institutum, Constitutiones, aut Constitutionem ipsam, quam præmissorum occasione GREGORIUS XIII. VIII. Kal. Iunii 1584. edidit, aut quemvis hujus, vel supradictorum omnium articulum, vel aliud quid supradicta concernens, quovis disputandi, vel etiam veritatis indagandæ quæsito colore; directe vel indirecte impugnare, vel contradicere audeant. GREGORIUS XIII. in eadem Constitutione pag. 237. & 238.

## §. 2.

Distriktius inhibetur, ne quis, siue extra, *Distriktior præcedentis inhibetio.* siue intra Societatem, nisi de illius Præpositi Generalis, aut inferiorum Præpositorum licentia, notationes, declarationes, glossas, vel scholia ulla super Instituto, Constitutionibus, privilegiis, ac aliis contentis in Constitutione

tutione GREGORII XIII. edita viij. Kal. Iunii 1584. facere; vel ea, nisi quantum verba ipsa sonant, interpretari, aut de eis disceptare, seu scrupulum cuiquam iniicere, vel in controversiam, aut dubium revocare audeat quoquo modo: nec glossas, aut interpretationes, live impressas, live scriptas ad id pertinentes legere, docere aliisve tradere, vendere, vel apud se retinere præsumat. GREGORIUS XIII. in eadem sua Constit. pag. 238.

De Societatis Instituti declaratione vide verbo *Constitutiones*. §. 1. & 2. & verbo *Generalis*. §. 5. & 6.

## §. 3.

*Idem per  
GREGOR.  
XIV.*

Ne Societatis Institutum, Constitutiones, aut Decreta, vel ex iis, aut illa concernentibus quippiam impugnent, vel alterari curent; aut contra, vel præter ea agant, vel quippiam ulli alii alterandum, præterquam Romano Pontifici, idque immediate, vel per Legatum, aut Societati, vel Præposito proponant. GREGORIUS XIV. Constit. pag. 284. & 285.

## INTERDICTVM.

## §. 1.

*Facultas  
celebrandi  
tempore in-  
terdicti.*

**P**OSSUNT Nostri in locis, in quibus degunt, & eos pro tempore morari contingit,

gerit, tempore interdicti quavis, etiam Apostolica, auctoritate appositi, januis clausis, & excommunicatis ac interdictis exclusis, submissa voce, Missas & alia Divina Officia celebrare, Sacramenta recipere, & aliis ministrare, dummodo ipsi causam non dederint interdicto, nec contingat id ipsis specialiter interdicti. PAVLVS III. pag. 42.

## §. 2.

Si quando in terris, in quibus aliqui ex No-

*Idem pro  
nostris fami-  
liaribus, &c.*

stris resederint, vel in eorum personas sententiam excommunicationis, aut interdicti promulgari contigerit; pueri, seu familiares, nostris servitiis deputati, & eorum, ac Societatis negotiorum procuratores, & operarii hujusmodi sententiis obnoxii minime habeantur: ibique possunt audire divina, nisi eisdem causam dederint, vel eosdem specialiter excommunicari, seu interdicti contigerit. PAVLVS III. d. pag. 42. & seq.

## §. 3.

Per privilegia Augustinianorum, quæcumque concessa sunt Societati pro tempore interdicti generalis, ea omnia concessa intelliguntur pro tempore interdicti specialis. I V L I V S II. prout habetur in privilegiis ejusdem Ordinis fol. 43. pag. 2. ante finem, ut in Supplemen. Minor. fol. 95. concess. 310.

*Idem privilegium de  
interdicto  
speciali.*

## H 4

## §. 4.

## §. 4.

*Privilegium  
pro admini-  
strandis Sa-  
cramentis  
familiaribus,  
&c.*

Per privilegium Monachorum S. Benedicti in Hispania, possunt Nostri tempore interdicti generalis, vel specialis, à jure vel ab homine quomodocumque lati, libere in nostris Domibus, & Collegiis suis, Ecclesiis, aut capellis recipere ad audiendum Missam, & alia divina officia, quoscumque familiares, officiales, & servitores cujuscumque Domus, aut Collegii Nostrorum, ac eis Eucharistiam & alia Ecclesiastica Sacramenta ministrare, eorumque corpora tumulare, sive tumulari facere, dum tamen nullus istorum dederit causam interdicto, secreto tamen modo, januis clausis, & campanis non pulsatis. Concessit EVGENIVS IV. ut refertur in Comp.Minor.verbo *Interdictum* 3. §. II.

*Quomodo  
intelligatur.*

*Quod hic de Sacramentis dicitur, intelligatur juxta id quod verbo Familiares, §. 5. in Communionem dictum est.*

## §. 5.

*Quanam  
possint Nostri  
tempore in-  
terdicti.*

Possunt Nostri tempore interdicti & cessationis à divinis, quacumque auctoritate etiam Apostolica impositorum ( dummodo hujusmodi interdicto causam non dederint, nec id eis contigerit specialiter interdici ) apertis januis, pulsatis campanis, nominatim interdictis & excommunicatis exclusis.

Mis-

Missas, processiones, & alia divina officia solemniter in cantu celebrare, quoties professionem emiserint, aut primam Missam celebraverint, seu eos in ecclesiis, vel cœmeteriis Domorum, vel Collegiorum, seu aliorum locorum nostræ Societatis humanda cadavera Ecclesiasticæ tradere sepulturæ contigerit. LEO X. eisdem Religiosis Congregationis S. Benedicti in Hispania; & refertur in Comp. Minor. verbo *Interdictum*. 2. §. 10.

*Possunt Nostri in Divinis Officiis more Societatis celebrandis, & Nostorum sepulturis, uti hoc privilegio, ubi ceteri Religiosi uterentur, & Prælati non offenderentur, alioquin ne utantur.* *Qualis usus.*

## §. 6.

Ex declaratione facta Minoribus per LEONEM X. concessum est Nostis in foro conscientiæ, quod in forma observationis nulla sit differentia inter cessationem à divinis, & interdictum quodcumque. Habetur in Supplem. Mino. fol. 59. concess. 165. *Idem tempore cessationis à Divinis.*

## §. 7.

Tempore interdicti aut cessationis à Divinis possumus in foro conscientiæ duo vel plures extra ecclesiam in domibus nostris officium Divinum dicere: & quando extra chorum horas dixerimus, si transeuntes perso-

*Hora canonica tempore interdicti.*

*Non tene-  
mur evitare.  
C. 6.*

næ interdictæ casu aliquid audierint, nullam propterea censuram incurremus. Nec tene-  
mur evitare laborantes in nostris Domibus,  
aut Collegiis, diebus quibus laboraverint,  
etiamsi non sint famulares, & servitores,  
continui commensales nostri, & eis solvatur  
salarium. Concessit SIXTVS IV. & habetur in  
Supplem. Minor. fol. 56. concess. 166. & 167.

*Quævis usus.*

*Non obstantibus his, quæ in hoc verbo dicta sunt,  
mandante Episcopo, Nostri interdicta non solum à  
Sede Apostolica, sed etiam ab Ordinariis promulga-  
ta publicare ac servare debent, ut decrevit Conc.  
Trid. sess. 25. c. 12. de Regul.*

Vide verbo *Conservator*. §. 6. & verbo *Prela-  
ti*. §. 2.

## INTERPRETATIO.

Vide verbo *Declaratio*.

## IRREGVLARITAS.

Vide verbo *Dispensatio*. & verbo *Titulus*.

## IUBILÆVM.

*Tempore  
Iubilæi con-  
fessiones.  
Nostrorum.*

**C**Vi possint confiteri Nostri tempore Iubi-  
læi, vide verbo *Absolutio*. §. 11. Iubilæum  
vero, quod Societati conceditur, habetur ver-  
bo *Indulgentiæ*. §. 23. ubi etiam vide quod in  
fine ejusdem Verbi habetur.

## I V D E X.

Vide verbo *Appellatio*. & verbo *Conservator*.

## I V R A M E N T V M.

Vide verbo *Confessarins*. §. 6 & verbo *Commutatio*. §. 1.

## L A I C I.

Vide verbo *Sacra*, §. 1.

## L E C T O R E S.

**P**RÆPOSITVS Generalis habet potestatem Facultas deputandi lectores Theologiae, &c.  
 ubilibet deputandi Lectores Theologiæ  
 & aliarum facultatum, quos ex Nostreis in Do-  
 mino idoneos judicaverit, alterius licentia ad  
 id minime requisita. PAVLVS III. in litter.  
 Apostolicis. pag. 50.

*Hæc facultas conceditur Provincialibus juxta ordinem præscriptum in eorum Regulis.* Communicatur Provincialibus.

## L E G A T A.

Legata pia, quæ Societati relinquuntur, an à Superioribus commutari possint, vide verbo *Commutatio*. §. 3. & 4.

## LIBRI PROHIBITI.

## §. 1.

*Facultas le-  
gendi libros  
hæreticos, ad  
oppugnand-  
um.*

**P**Ræpositus Generalis consideratè, cum de-  
lectu, & re consultata cum suis Assistenti-  
bus, potest concedere Nostreis facultatem le-  
gendi libros hæreticos, & alios prohibitos, ad  
oppugnandum. GREGORIUS XIII. post PIVM  
V. ut habetur in litter. Apostolicis pag. 138.

## §. 2.

*Facultas le-  
gendi libros  
non hæreti-  
cos, prohibi-  
tos tamen.*

Possunt Nostri uti libris non hæreticis, licet  
habeant annotationes & scholia auctorum hæ-  
reticorum, aut auctores ipsi mali sint si libri  
non sint editi ad stabilienda dogmata hæreti-  
ca, dummodo nomen auctoris, si sit hæreticus,  
aut in Indice prohibitus, & si quid inter legen-  
dum impium occurrerit, deleatur. *ibid.* & pag.  
seq.

*Communica-  
tur Provin-  
cialibus.*

Soli Provinciales possunt hanc facultatem, & se-  
quentes concedere, nisi judicarent eamdem potesta-  
tem alicui Præposito, aut Rectori magnæ alicujus  
Domus, aut Collegii, aut alicui idoneæ personæ esse  
communicandam; quod tamen faciant considerate  
& cum delectu.

## §. 3.

Conceditur Nostreis, qui à Superiore depu-  
tati



tati fuerint, facultas emendandi libros eorum qui ad nos vel in Scholis vel extra illas recurrere solent, quando auctores pii sunt, sed habent prava scholia vel annotationes; aut quando auctores, aut impressores sunt impii, non tamen libri: aut cum auctores sunt ethnici, sed habent scholia, annotationes, vel quid hujusmodi, propter quod prohibiti sunt, donec purgentur, dummodo errores, & nomina maiorum auctorum, vel impressorum deleantur. in d. litteris GREGORII pag. 138.

*Facultas  
emendandi  
libros.*

§. 4.

Concessit item GREGORIUS, quod Nostri, non solum nostros, quos in Collegiis, aut Domibus haberent; sed etiam Scholasticorum ad nostras scholas confluentium libros ethnicorum auctorum propter scholia, annotationes, commentaria, aut impressorum in Indice prohibitos, si ad id à Præposito Generali per se ipsum vel per alios deputati forent, emendare, & scholasticis prædictis utendos relinquere possint, deletis tamen erroribus, & nominibus auctorum prohibitorum. pag. 135.

*Etiam Scholasticorum.*

§. 5.

Nostri in libris suis, possunt mandare executioni ea, quæ in catalogo & decreto Sanctæ

*Nostri possunt exequi*

ea, quæ in  
catalogo,  
&c.

etæ Romanæ & Vniversalis Inquisitionis præ-  
cipiuntur, ad effectum ut illi retineri possint.  
Ibidem.

## §. 6.

Supplentur  
omnes defe-  
ctus.

Omnes prædictæ facultates, quæ à Pio V.  
GREGORIO XIII. vivæ voc. orac. & quæcum-  
que aliæ super hujusmodi libris habendis, le-  
gendis, aut corrigendis, usque ad 8. Ianuarii,  
Anni Domini 1575. Societati concessæ sunt,  
approbantur & confirmantur: omnes defe-  
ctus, si qui forsan in eis intervenerunt, supplen-  
tur: & facultates ipsæ, quatenus opus sit, de  
novo conceduntur. in d. litteris p. 140.

Conceduntur  
omnia præ-  
missa, non  
obstantibus  
Bullis.

Præmissa omnia conceduntur non obstanti-  
bus Bullis in Cœna Domini legi consuetis, ce-  
terisque contrariis quibuscumque. Ibidem, &  
verbo *Bulla Cœnæ*.

## LICENTIA.

Votorum  
commutatio.

An licentia nobis facta ad commutanda ali-  
qua vota, &c. per Prælatos Ecclesiarum, expi-  
ret eorum morte, vide verbo *Sede vacante*.

## LITES.

Vide verbo *Causa*. & verbo *Conservator*.

## MATRIMONIUM.

**O**Mnes, qui in Societatem admissi, ben-  
 nio probationis à quolibet eorum per-  
 acto, tria vota substantialia, tametsi simplicia,  
 emisierint, emittentve in futurum, inhabiles  
 esse antequam à Societate dimittantur, ad ma-  
 trimonium contrahendum; contractusque hu-  
 jusmodi nullos & irritos decrevit GREGORIUS  
 XIII. edita Constitutione pag. 237.

*Post tria  
vota inhabi-  
litas ad ma-  
trimonium.*

## MEDICI.

**O**Mnes Nostri, qui Medicinæ periti fue-  
 rint, possunt mederi quibuscumque per-  
 sonis infirmis, sive nostræ Societatis sint, sive  
 extranei & seculares, absque ullo conscientiae  
 scrupulo, aut aliquarum sententiarum & cen-  
 surarum Ecclesiasticarum, vel aliarum pœna-  
 rum incurso; quando tamen Medici seculares  
 commode haberi non possunt: dummodo id  
 faciant de suorum Superiorum licentia, & citra  
 adustionem, & incisionem per seipsos facien-  
 dam. GREGORIUS XIII. pag. 152. & seq.

*Facultas  
medendi.*

*Hanc facultatem concedere possunt omnes Supe-  
 riores.*

Quas indulgentias consequantur Medici  
 nostri Ordinarii, vide supra verba *Indulgentiæ*.  
 §. 29.

*Conceditur  
Superiorib.*

MIS-

## M I S S A.

## §. 1.

*Omnes pos-  
sunt audire  
Missas in no-  
stris Eccle-  
siis.*

**O**Mnes Christi fideles, qui concionibus Nostrorum intervenerint, possunt ejusmodi diebus in Ecclesiis, in quibus Nostri concionabuntur, Missas & alia Divina Officia audire, & Sacramenta recipere, ita ut non teneantur pro his adire suas parochias. PAVLVS III. pag. 43.

## §. 2.

*Audientes  
Missas in  
nostris Eccle-  
siis satisfac-  
iunt præ-  
cepto.*

Audientes Missas in nostris Ecclesiis, Dominicis aliisque festivis diebus, non contempto proprio Sacerdote Parochiali, satisfaciunt præcepto Ecclesiæ, nec in aliquam labem peccati mortalis, pœnamve propterea incurrunt. Concessit LEO X. ut habetur in Suppl. fol. 27. pag. 2. concess. 90. Idemque postea confirmavit ipsemet LEO, ut in eodem Suppl. fol. 46. in fine, & sequenti.

## §. 3.

*Possunt No-  
stri celebra-  
re ante au-  
roram, &c.*

Possunt Presbyteri Societatis celebrare Missas per horam ante auroram, & infra horam post meridiem, itineris, vel alterius legitimi impedimenti causa, de licentia Præpositi Generalis, vel cujuslibet alterius ad id ab eo deputati. GREGORIUS XIII. pag. 189.

*Hæc*

*Hæc facultas communicatur omnibus Superioribus, & iis quibus ipsi commiserint.* *Communicatur Superioribus.*

Vide verbo *Altare.* & verbo *Horæ Canonicae.*  
§. 1. & §. & verbo *Interdictum.* §. 4. & §.

## MISSIONES.

Vide verbo *Generalis.* §. 2. & 3. & verbo *Praelati.* §. 1.

## MONIALES.

**A**N Nostri possint compelli ad Monialium curam recipiendam, &c. Vide verbo *Exemptio.* §. 10.

## NOTARIUS.

**P**Ræpositus Generalis, ac Provinciales in unaquaque eorum Provincia possunt creare & deputare in Notarios, unum, duos, tres, quatuor, vel quinque, aut plures Religiosos Societatis, qui probi sint, & fide doctrinaque idonei, qui intimare possint, quoties requisiti fuerint, omnia & singula mandata, privilegia, concessionem, & indulta, ac Societati, seu ejus personis concessa, & emanata, rescripta Apostolica, quibuscumque personis secularibus, aut Ecclesiasticis: eosque

*Facultas deputandi Notarios &c.*

I

mone

monere, & requirere, juxta prædictorum tenorem, aliaque omnia opportuna exequi, & de his publica coram testibus requisitis instrumenta conficere, quibus eadem adhibeatur fides in judicio & extra, ac si per alios authenticos Notarios fuissent authenticata; ac eosdem sic intimatos, monitos, & requisitos eis arctari debere. Concessit PIVS V. Ordini Prædicatorum, adjecta pœna suspensionis à Divinis quoad Archiepiscopos & Episcopos; & excommunicationis ipso facto quoad inferiores, adjectis item maximis clausulis derogatoriis. Habetur in privilegiis impressis. fol. 192. cum seq. & in dicto privilegio fit ampla derogatio etiam Conciliorum.

*Communicatur Provincialibus.*

*Facultas hæc communicatur Provincialibus: quatenus tamen non utantur nisi quando prædicta per externos commode fieri non poterunt.*

## NOVITII.

### §. I.

*Superiores admittunt.*

**T**Am in eorum admissiones ad Societatem, quam ad Scholasticorum vota post biennium novitiatus juxta Societatis morem per Superiores admittendi sunt. GREGORIUS XIV. Constit. pag. 281.

### §. 2.

## §. 2.

Tam in Novitiis, cujuscumque generis illegitimis admittendis, quàm in dispensationibus ad quælibet officia, gradus, & dignitates in Societate ipsis cujuscvis generis illegitimis concedendis formam, & rationem omnimodam in illis Apostolicis diplomatis, ac privilegiis quibuscvis, necnon in Constitutionibus, Decretis, & Regulis expressam libere & licite prosequi & retinere posse Societatem decernit, & quatenus opus sit de novo concedit GREGORIUS XIV. in litteris pag. 294.

*Superiores tam in Novitiis admittendis, quàm in dispensationibus cum eis retinent auctoritatem, &c.*

## OFFICIA.

## §. 1.

**A**bsolutio ab Officiis, aut privatio, à nullo Iudice peti potest. PAVLVS III. pag. 39. Propriique cujusque gradus judicium, & officiorum discretio, ac distributio tota est in manu Præpositi Generalis, vel eorum, quos ipse sibi ea cum auctoritate substituerit. IULIUS III. pag. 61.

*Absolutio ab officiis.*

*Officiorum distributio.*

## §. 2.

Facultas Officium antepponendi, & postponendi penes est Societatem. IULIUS III. pag.

*Facultas circa Officium.*

pag. 74. Eamque facultatem extendit, ut illud possit etiam Missæ sacrificio ex causa postponi. Idem Pontifex.

*Omnibus  
Sacerdotibus  
conceditur.*

*Hæc facultas conceditur omnibus Sacerdotibus.*

## ORACULA.

*Valor viva  
vocis oracula.*

**N**on minoris sunt efficacix & valoris Vixæ vocis oracula, quam si per Bullam aut Breve ad perpetuam rei memoriam essent concessa, & hoc in foro conscientix tantum. Concessit LEO X. Minoribus, ut in Suppl. fol. 58. pag. 2. & concess. 161.

*Vide verbo Communicatio gratiarum. §. 6.*

## ORATORIA.

*Facultas celebrandi in  
Oratoriis,  
&c.*

**D**atur facultas, ut in Oratoriis & Capellis, quæ Provinciales Societatis per se ipsos in Domibus, Collegiis, & aliis locis, ubi aliqui Societatis residebunt, approbaverint; & ad Divinum cultum dumtaxat deputaverint, Missæ, & alia Divina Officia celebrari possint, nullius alterius, ad id requisita licentia. GREGORIUS XIII. pag. 147.

*Conceditur  
Provinciali-  
bus.*

*Non utentur Provinciales hac facultate, nisi in locis remotis ab oppidis, in quibus Ordinarii existunt,*

*ant*



*aut ubi probabiliter timetur, quod illi cum opus fuerit, difficiles se exhibebunt ad hujusmodi Oratoria deputanda.*

## ORDINES.

### §. 1.

**P**otest Præpositus Generalis præsentare Facultas ad sacros Ordines, &c. promovendi. nostros cuicumque Catholico Antistiti, gratiam & communionem Sedis Apostolicæ habenti : isque sic præsentatos, absque omni promissione vel obligatione ipsorum ordinandorum, ad omnes sacros Ordines promovere. **PAVLVS III.** pag. 43.

*Advertatur, hanc facultatem declarari per §. sequentem.* Declaratio.

### §. 2.

Nostri, qui tria vota Paupertatis, Castitatis, & Obedientiæ in Societate emisunt, de licentia Præpositi Generalis possunt promoveri ad omnes sacros Ordines, etiam ante solemnem professionem emissam, si modo sint ætate, moribus, & doctrina idonei; non obstante Constitutione **PII V.** quæ decretum Concilii Tridentini sess. 22. cap. 2. de Reform. ad Regulares non professos extendit. **GREGORIUS XIII.** pag. 136. & seq.

## § 3.

*Debent ab  
Episcopis  
promoveri  
Nostri sine  
interstitiis,  
&c.*

Præcipitur & interdicatur omnibus Episcopis, & aliis Antistitibus, ne à Nostris promovendis, qui licentiam à Præposito Generali Societatis pro tempore existente, vel ab eo delegatis habuerint, quædam requirant vel exigant, in litteris Apostolicis proxime citandis contenta: sed ipsos etiam absque ulla functione in ipsis Ordinibus, aut observatione interstitiorum ad illos suscipiendos; aut Inquisitione de cantu, officiis, & cæremoniis Ecclesiasticis idoneitate, proprii Ordinarii licentia, & aliis in alios requisitis, ad minores, ac etiam extra tempora à jure statuta, tribus Dominicis, vel aliis Festis diebus, etiam continuis, ad sacros, etiam Presbyteratus, ordines promoveant, ac si illi omnibus requisitis essent præditi. GREGORIUS XIII. pag. 212. & sequent. Vbi etiam prohibet hujus gratiæ communicationem, etiam iis qui sua privilegia cum Societate participant & participare poterunt.

*Extra tempora Gene-  
rali reservatur  
147.*

*Facultates quæ præcedentibus §§. continentur. communicantur omnibus Provincialibus, excepta facultate extra tempora, quæ in Europa reservatur Præposito Generali.*

## §. 4.

Societatis Religiosi emissis votis simplicibus promoveri possunt ex GREGORII XIV. Constit. ad Sacerdotium. pag. 283.

*Nostri post  
vota promo-  
veri possunt.*

## PARAMENTA.

Vide verbo *Sacra*. §. 2.

## PRÆDICATORES.

**P**ossunt Nostri, qui idonei reperti fuerint, deputari à Præposito Generali ad prædicandum in quibuscunque locis, atque adeo in plateis. PAVLVS III. pag. 20. Etiam si in sacris Ordinibus non sint constituti. GREGORIUS XIII. pag. 250.

*Facultas  
concionatores  
deputandi,  
&c.*

Deputatio approbatorum Provincialibus conceditur, & quibus ipsi commiserint. Ceterum per Concilium Tridentinum sess. 5. c. 2. Nostri in ecclesiis nostris, ut prædicare possint, ultra deputationem Superiorum, egent benedictione Episcoporum: in alienis autem, egent eorundem Episcoporum licentia. Ipsis vero Episcopis contradicentibus Nostri nec in nostris nec in alienis ecclesiis possunt prædicare: ut habetur eodem Concilio sess. 24. cap. 4. de Reform. Privilegium tamen, de quo supra verbo Confessarius. §. 2, vim suam retinet.

*Conceditur  
Provincia-  
libus.*

Vide verbo *Confessarius*. §. 2.

## PRÆLATI.

## §. 1.

*Deputati ad  
ministeria  
Prælatorum  
sub corre-  
ptione Socie-  
tatis sunt.*

**P**Ræpositi nostræ Societatis non tenentur deputare nostros ad ullum ministerium Prælatorum, nisi auctoritate litterarum Sedis Apostolicæ, quæ expressam de Societate, & hoc indulto mentionem faciant: quod si aliquos deputent, nihilominus deputati sub correctione Ordinis existunt, possuntque ab eisdem Superioribus, cum id expedire judicaverint, removeri. PAVLVS III. pag. 39.

*Notandum.*

*Servetur tamen quod habetur in Concilio Tridentino sess. 25. cap. 12. de Regul.*

## §. 2.

*Nullus No-  
strorum ab  
externo ex-  
communicatione, &c. po-  
test.*

Nullus Prælatus potest contra aliquem Nostrorum; aut contra alios nostra causa ferre sententiam excommunicationis, suspensionis, vel interdicti contra privilegia Societatis, per PAVLVM III. concessa usque ad xv. Kalen. Novembris, anno Domini 1549. & si feratur, est irrita. PAVLVS III. pag. 43.

*Vide tamen, quæ notantur verbo Exemptio.  
§. 1. in fine.*

## §. 3.

## §. 3.

Omnes Præpositi Societatis, ac Rectores, *Facultas Superiorum in subditos.*  
 quæ ad Religiosos Societatis sibi subditos, pos-  
 sunt per seipsos idem omnino, quod possunt  
 Episcopi in Clericos & laicos sibi subiectos,  
 tam quoad facultatem absolvendi, & dispen-  
 sandi in irregularitatibus, de quibus in Conci-  
 lio Tridentino sess. 24. cap. 6. quam alias quas-  
 cumque facultates. Concessit PIVS V. Fratri-  
 bus Prædicatoribus xxij. Iulii anno 1571. &  
 refertur in libro privilegiorum Minorum. fol.  
 127. pag. 2.

*Hæc facultas reservatur Præposito Generali, nisi Reservatur Generali.*  
 prout in particulari suis locis reperitur communicata  
 in hoc compendio.

Vide verbo *Sede Vacante.*

## P R Æ S C R I P T I O.

N Vlla præscriptio minor quam sexagin- *Præscriptio non minor 66. annis valet contra Societatem.*  
 ta annorum, vel contra bona, personas,  
 & loca Societatis, etiam de rebus forsan præ-  
 scriptis, in quibus adhuc istud tempus non  
 est absolutum, & aliis in posterum omnibus  
 futuris temporibus. Concessit EVGENIVS IV.  
 de plenitudine potestatis, Ordini S. Benedi-  
 cti Vallisoleti, ut habetur in manuscriptis  
 fol. 38. pag. 2. Et simile concessit etiam

IVLIVS II. Congregationi Sancti Salvatoris,  
ut in eisdem manuscriptis. fol. 68. pag. 2

## PRIVILEGIA.

### § 1.

*Interpreta-  
tio privile-  
giorum Papa  
reservatur.*

**N**OSTRORVM privilegiorum per  
**P**AULVM III. usque ad xv. Kalend.  
Novembris anno Domini 1549. concessio-  
rum, interpretatio reservatur Sedi Apostoli-  
cæ. **P**AULVS III. pag. 43. Quin vero inhi-  
bitum est omnibus Prælatiſ, ne præſumant in-  
terpretari privilegia nobis concessa, five clara  
ſint quæ interpretatione non indigent, five  
dubia contineant. Concessit **C**LEMENS IV.  
Prædicatoribus, ac Minoribus, ut patet ex li-  
bro privilegiorum Eremitarum S. Augustini.  
fol. 77. pag. 2. Vide verbo *Inſtitutum*. §. 2.

*Per hoc privilegium non derogatur illi de quo in-  
fra §. 4. Et ſupra verbo Generalis §. 5.*

### §. 2.

*Per unum  
aut plures  
actus non  
derogatur  
privilegiis,  
&c.*

Si quando contigerit per unum aut plures  
actus contra privilegia, indulta, gratias, &  
immunitates Societati concessa, aut ipſorum  
ali-

aliquod à quocumque, cujuscumque conditionis, dignitatis, gradus, & status existat ex negligentia, seu ignorantia præsentium, & futurorum, quibus ea conceduntur, aut alia quavis causa aliter attentari, vel observari, scienter vel ignoranter; nullum tamen propter hoc præjudicium indultis, gratiis, & immunitatibus ipsis generatur: sed illa in suo vigore, & pleno robore firmitatis perpetuo permanent. Sic habetur ex privilegiis Canoniorum Regul. Lateranen. in manuscript. fol. 50. pag. 1.

## §. 3.

Nulla persona Societatis privilegium aliquod contra communia ipsius Societatis statuta postulare audeat, aut obtentum retinere. Concessit hoc **VRBANVS IV.** Præmonstratensibus, ut in manuscriptis fol. 59. pag. 1. Si qui vero impetrabuntur hujusmodi à Sede Apostolica, vel ejus Legatis, sub quacumque forma, vel expressione verborum, irrita sunt & inania. Concessit **CLEMENS VII.** Abbatibus & Conventui Cistercii Cabilon. diocesis, habeturque in manuscriptis fol. 44. pag. 1. Et hoc idem latius habemus per litteras **LEONIS X.** pro Eremitis S. Augustini, juxta quas, si privilegia à Nostreis fuerint impetrata contra Regulam, aut Constitutiones, aut mo-

*Interdicitur  
nostreis pro-  
curatio, &  
usus exem-  
ptionis.*

res

res Societatis, nullius momenti, ac pro infectis habenda sunt, etiam si à Sede Apostolica sint concessa, nisi eisdem LEONIS litteris de verbo ad verbum, consentiente Societate, sit derogatum. Habetur in privilegiis, dicti Ordinis. fol. 47. pag. 1.

## §. 4.

*In dubio in  
favorem So-  
cietatis in-  
terpretan-  
dum.*

Quoties dubium fuerit in intellectu privilegiorum nostræ Societatis, semper per Iurisperitos, & alios Iudices, in favorem Societatis fiat interpretatio. Concessit ALEXANDER VI. Congregationi Benedictinorum Vallisoleti, sub datis Romæ Kalendis Aprilis Anno 1501. Pontificatus sui anno octavo, & habetur in manuscriptis fol. 39. pag. 2.

## §. 5.

*Per non  
usum non  
derogatur  
privilegiis.*

Possumus uti privilegiis nobis concessis, etiam si propter simplicitatem, aut juris ignorantiam, eis non fuerimus usi retroactis temporibus, dummodo eis non sit per præscriptionem, vel alias legitime derogatum. Concessit NICOLAUS IV. Carthusiensibus, referturque in Compend. Minor. verbo *Privilegia*. §. ult. & habetur brevius in manuscript. fol. 48. pag. 1.

## §. 6.



## §. 6.

Omnia privilegia facta Præposito Generali, vel Societati, sive per se, sive per communicationem, sive sint facta in forma Brevis, sive per supplicationes expedita, in quibus placuit ut signatura sola sufficeret, eamdem omnino vim & efficaciam habent, tam in iudicio, quam extra iudicium, ac haberent si plumbeo sigillo essent obsignata. Concessit IULIVS II. pro Eremitis S. Augustini, in eorum privilegiis fol. 42. pag. 2. Idemque constat ex alia LEONIS concessione, facta pro eisdem Eremitis, ut in eisdem privilegiis. fol. 47. pag. 1.

*Qua privilegia facta Generali videntur.*

## §. 7.

Privilegiis originalibus, aut transumptis authenticis Ordinum Eremitarum S. Augustini, Carmelitarum, Minorum, Minimorum, ac Servorum B. MARIE, exhibitis in favorem Ecclesiarum, Domorum, ac Collegiorum, seu personarum Societatis, eadem fides, tam in iudicio, quam extra habenda est, ac si pro & in favorem Societatis à Sede Apostolica emanassent, & eidem immediate concessa forent. Concessum est Dominicanis, ut in eorum privilegiis. fol. 157. lit. B. & C. in Supplemen. Min. fol. 69.

*Originalibus privilegiorum aliorum Ordinum uti possumus.*

## §. 8.

## §. 8.

*Privilegia  
aliis concessa  
contra no-  
strum teno-  
rem Societa-  
ti non præju-  
dicant.*

Nullæ litteræ, seu privilegia Apostolica, quibusvis personis & quibusvis Collegiis, Capitulis, Vniversitatibus, seu Conventibus, concessa contra tenorem privilegiorum, quæ nobis concessa sunt, præjudicant Societati, ejusve Domibus, locis, aut personis, nisi in eis cum expressione Ordinum, etiam Mendicantium, & illorum Religiosorum de Societate, & illius, ac ejus Domibus, ac nobis concessis privilegiis, necnon quoad concedenda privilegia, & litteras, de Præposito Generali Societatis, qui pro tempore erit, specialiter & expresse, ac de verbo ad verbum mentio facta fuerit. Concessit EVGENIVS IV. Dominicanis, ut in eorum privilegiis. fol. 108. pag. 1. & seq. Per privilegia vero Benedictinis per EVGENIVM LEONEM concessa, de quibus in manuscriptis. fol. 42. pag. 2. & seq. alia etiam debent concurrere, ut aliquod ex nostris privilegiis derogatum censendum sit.

## §. 9.

*Læsiō facta  
personis, ju-  
ribus, &c.  
non tenet,  
&c.*

Si qua læsiō facta sit per quosvis cujusvis status, quocumque modo vel forma, vel in futurum fiet personis, juribus, & rebus, ac bonis Societatis, licet culpa Nostrorum, aut Procuratorum Societatis, seu Domorum, aut Col-  
legio-

legiorum, ipso jure non tenent, nec est opus restitutionem in integrum pro læsione hujusmodi impetrare. Concessit IOANNES XXIII. in favorem Monachorum Congregationis Montis Oliveti, ut habetur in privilegiis impressis. fol. 18. pag. 2. voluitque idem Pontifex ibidem, ut ea Constitutio etiam ad præterita traheretur.

## §. 10.

Quicumque alicui concessionum nostrarum temere contraire ausi fuerint, excommunicationem incurrent, & ut tales sunt publicandi: quod si sint Clerici, præter hoc privantur dignitatibus & beneficiis Ecclesiasticis, ita ut libere possint impetrari. Concessit LEO X. Augustinianis, ut in eorum privilegiis. fol. 46. pag. 2.

*Excommu-  
nicantur te-  
mere contra-  
dicentes.*

## §. 11.

Omnia privilegia Societatis, facultates, exemptiones, immunitates, gratiæ, & indulgentiæ, tam per suos Prædecessores, quam à se concessa, Motu proprio, certaqué scientia, ac de plenitudine Apostolicæ potestatis approbat atque confirmat GREGORIUS XIII. pag. 220. & 235.

*Omnia pri-  
vilegia, &c.  
approban-  
tur. à Gre-  
gorio XIII.*

Vide verbo *Communicatio gratiarum.* & verbo *Generalis.* §. 8. Et qualiter personæ Ecclesiasticæ, in dignitate constitutæ, teneantur nostra

nostra

nostra privilegia publicare, &c. Vide juxta ea quæ habentur verbo *Conservator*. §. 8. Et quod non derogentur per Bullam Cœnæ tempore GREGORII XIII. Vide verbo *Bulla Cœnæ*. §. 2.

## PROCESSIONES.

*Exemptio à  
processioni-  
bus.*

**E**Ximuntur & liberantur Nostri ab interestia in supplicationibus seu precibus, & processionibus publicis; inhihenturque Ordinarii quavis dignitate fulgentes, ne Nostros ad interessendum dictis processionibus quovis modo cogere, seu super præmissis inquietare, seu inquietari facere audeant, vel permittant. GREGORIUS XIII. pag. 155. & seq.

## PROCURATOR.

*Facultas  
Procuratoris  
generalis.*

**P**rocurator Generalis Societatis à Præposito Generali institutus, eo ipso omnium Provinciarum, locorum, ac personarum Societatis quasvis causas, etiam speciale mandatum requirentes, juxta, potestatem sibi à Generali Præposito traditam agere potest. Concessum est à MARTINO V. Dominicanis, ut in eorum privilegiis fol. 106. pag. 2. & à BONIFACIO VIII. ut in privilegiis Augustin. fol. 79. pag. 1. & præced.

*Potestas ordinaria ea censebitur à Præposito Generali tradita, quam Procurator in officio suo præscriptam habuerit.* *Explicatur in regulis.*

De indulgentiis, quas Nostri Procuratores externi consequuntur, vel consequi possunt, vide verbo *Indulgentiæ*. §. 29. & seq. & vide etiam quod habetur verbo *Interdictum*. §. 2.

## P R O F E S S I.

### §. I.

**N**ostri, qui senio confecti sunt, vel infirmitate gravati, & ad operandum in vinea Domini non idonei, etiam si Professi sint, possunt de licentia Præpositi Generalis, vel inferiorum, quibus hanc facultatem communicaverit, habitare in Collegiis; & ex eorum redditibus sustentari. *Ipsum habetatio in Collegiis.* *Ipsum habetatio in Collegiis.*  
 I V L I V S I I I. pag. 77.

*Hanc licentiam possunt Provinciales concedere, si prius Præpositus Generalis commode admoneri nequeat: postquam vero concesserint, Præpositum Generalem admoneant.* *Reservatus Generalis.*

### §. 2.

Potest Præpositus Generalis etiam Professos, quos judicaverit, à Societate emit- *Facultas mittendi nostros ad*  
 K tere;

quascunque  
eligiones.

tere ; ipsique de ipsius licentia non tantum ad Carthusiensem, sed ad quemvis alium Mendicantium, vel non Mendicantium, paris, laxioris, aut arctioris observantiæ Ordinem, per ipsum Præpositum Generalem illis præscribendum (de consensu tamen superiorum loci illius quo destinabuntur) demigrare : in eisque professionem per illius Monachos, aliosve Regulares emitti solitam, emittere, habitumque suscipere, eorumque consueta uti disciplina. Ipsisque inhibetur sub pœna excommunicationis latæ sententiæ, ne quid contra præsentium tenorem audeant attentare. GREGORIUS XIII. pag. 209. ubi & prohibet hujus gratiæ communicationem etiam his, qui sua privilegia cum Societate participant, & participare poterunt.

An hodie post Concilium Tridentinum sit licitum differre professionem finito novitiatu, ut ante Concilium licebat, vide supra verbo *Concilium Tridentinum*. Vide etiam quod habetur supra verbo *Apostatæ*. §. 10.

## PROVINCIALES.

Provincialis  
electio in lo-  
cum de mor-  
tuo.

Mortuo Provinciali in partibus longinquis ac remotissimis, potest alius ejus loco eligi, dum alius per Generalem Præpositum mittitur. PAVLVS III. pag. 51.

*Non utantur Nostri hoc privilegio : sed ubi opus Qualis usus.*  
 erit sequantur etiam extra Europam quod IV. Con-  
 gregatio generalis præscripsit Can. 22.

Vide verbo *Indulgentiæ*. §. 10. & verbo *No-  
 tarius*.

## Q V A R T A.

Vide verbo *Exemptio*. §. 5.

## RELIGIOSVS.

Motu proprio, certaue scientia, ac de *Tria vta  
 Apostolicæ plenitudine potestatis, declarando simplicita  
 statuit ac decernit GREGORIUS XIII. emittentet  
 non solum eos, qui in Coadjutorum formato in Societate  
 rum, sive spiritualium sive temporalium, Socie vere religiosi  
 tatis gradus & ministeria admittuntur, sed & sunt.*  
 alios omnes, qui in ea biennio probationis  
 peracto tria Castitatis, Paupertatis, & Obe-  
 dientiæ vota publica, licet simplicia, emiserint,  
 emittentve in futurum, vere & proprie reli-  
 giosos fuisse, & esse, & ubique semper ab om-  
 nibus censerî & nominari debere, non secus  
 atque ipsos tum Societatis, tum quorumvis  
 aliorum Regularium Ordinum Professos. pag.  
 220. adjuncta nova ejusdem Pontificis confir-  
 matione pag. 236.

Vide verbo *Vota*.

## RELIQUIÆ.

*Facultas  
reliquias  
mittendi ex  
Urbe.*

**P**ossunt Nostri mittere Reliquias extra Urbem pro consecratione altarium. Concessum est Minoribus, ut in Monum. fol. 70. concess. 174. Ceterum Vivæ vocis oraculo, concessit PIVS V. ut quas reliquias ab amicis habere possemus, absolute extra Urbem fas esset mittere. Habetur in Vivæ voc. orac. p. 46.

*Reservatur  
Generali.*

*Nemo hac facultate utatur sine speciali licentia  
Præpositi Generalis.*

## RESERVATIO.

Vide verbo *Casus reservati.*

## RESTITVTIO.

*Quomodo à  
nostri aliena  
restituenda.*

**S**I ii qui Societatem ingrediuntur, diversis personis, quæ sciri & inveniri non possunt, aliqua bona restituere tenentur; possunt omnes Præpositi ac Rectores in locis sibi commissis, bona ipsa in pios usus convertere, prout secundum Deum viderint expedire. Concessum est Franciscanis, ut in Monum. fol. 141. pag. 2. concess. 334. & simul in privilegio Dominicanorum, de quo in eorum privilegiis fol. 153. pag. 2. ac alio Canonico-  
rum



rum Regularium Lateran. de quo in manuscriptis fol. 50. hoc ipsum concessum est.

*In rebus parvi momenti, hoc est, usque ad summam viginti ducatorum, fit facultas Superioribus localibus applicandi extra Societatem: Provincialibus vero, extra Societatem fit libera facultas quamcumque summam applicandi; intra Societatem vero usque ad ducentos ducatos tantum.*

*Quibus Superioribus reservetur.*

Vtrum in læsionibus necessaria sit restitutio in integrum, vide quæ habentur suprà verbo *Privilegia. §. 9.*

## S A C R A.

### §. I.

**N**ostri qui inserviunt ecclesiis Societatis in Sacristæ officio, & si sacros ordines non habeant, si modo primam habeant tonsuram, possunt tangere calices & corporalia. Concessit summus Pœnitentiarius, habens tunc ad id potestatem, ut in Vivæ voc. orac. pag. 12. & seq. Per privilegia tamen Minorum omnes laici possunt tangere Ecclesiastica paramenta, calices, & corporalia debita cum reuerentia, ac eadem corporalia lavare cum expenderit. Concessit SIXTVS, ut in Suppl. fol. 97. concess. 343. juncta concessione. CALIXTUS III. quæ habetur in Monum. fol. 65. pag. 2. concess. 9.

*Facultas pro laicis tangendi calices, &c.*

*Communicatur Superioribus.*

*Hac facultate uti poterunt ii quibus Superior commiserit.*

§. 2.

*Vfus profanorum in paramenta.*

Vestes & pannos profanos in paramenta, & alios Ecclesiasticos usus, secura conscientia convertere possumus. Concessit SIXTVS IV. Minoribus, ut in Supplemen. fol. 97. pag. 2. concess. 344.

## SACRAMENTA.

*Facultas ministrandi Sacramenta.*

**P**OSSUNT Nostri Christi fidelibus Eucharistiam & alia Sacramenta, sine alicujus præjudicio, ministrare, Dioecesanorum locorum, Rectorum, Parochialium, & aliarum Ecclesiarum, aut quorumvis aliorum licentia minime requisita. PAVLVS III. pag. 26.

*Communicatur omnibus Sacerdotibus.*

*Facultas quidem ministrandi Eucharistiam omnibus Sacerdotibus conceditur, juxta id quod dictum est verbo Eucharistia. §. 2. De Pœnitentiæ autem Sacramento jam dictum est verbo Absolutio, & verbo Confessarius.*

Vide verbo *Eucharistia*. §. 2. & 3. & verbo *Absolutio*. §. 1.

*De ceteris Sacramentis.*

*De extrema unctione quoad familiares, vide verbo Extrema unctio, & verbo Familiares: quæ quoad reliquos poterit etiam, in necessitate tamen, & sine præjudicio, administrari. Baptismus autem in necessi-*

*necessitate omnibus, quod jus commune habet. Matrimonium vero nulli, nisi in Provinciis illis, in quibus necessitatis causa id à Generali Præposito permissum fuerit.*

## SCHOLÆ.

### §. 1.

**P**RÆCEPTORES Societatis tam qui litteras humaniores, quam qui liberales artes ac Theologiam docent, etiam in locis ubi sunt Vniversitates, lectiones suas publice legere in nostris Collegiis possunt, dummodo per duas horas mane, & per unam horam post meridiem cum lectionibus Vniversitatum non concurrant. **P I V S V.** pag. 112. Quin vero satis erit per unam horam de mane, & alteram de sero non concurrere cum Vniversitatum Lectoribus, qui id postulaverint. **G R E G O R I V S X I I I.** pag. 190.

*Facultas docendi etiam in locis Vniversitatum.*

*Provinciales hac facultate uti poterunt: cum Vniversitatibus tamen prudenter agant.*

*Communicatur Provincialibus.*

### §. 2.

Omnes Scholastici hujusmodi lectiones audire possunt, & alias Scholasticas exercitationes in nostris Collegiis frequentare. **P I V S V.** pag. 112. & seq.

*Facultas audiendi.*

## §. 3.

*Nostri prae-  
moveri pote-  
runt ad gra-  
dus.*

Quicumque Scholastici in nostris Collegiis Philosophiæ aut Theologiæ auditores fuerint, in quavis Universitate ad gradus admitti possunt: & cursuum, quos in prædictis Collegiis confecerint, ratio habeatur; ita ut si in examine sufficientes inventi fuerint, non minus, sed pariformiter ac si in Universitatibus ipsis studuissent, ad gradus quoscumque admitti possint & debeant. Idem pag. 112.

## §. 4.

*Excommuni-  
cantur mole-  
stare auden-  
tes, &c.*

Districtius inhibetur Rectoribus Universitatum, & aliis quibuscumque sub excommunicationis infligenda pœna, ne Collegiorum nostrorum Rectores aut Scholares in præmissis per PIVM V. concessis, quovis quæsito colore molestare audeant. Ibidem.

## SCHOLASTICI.

Vide quæ dicuntur præcedenti verbo *Schola.* & verbo *Gradus.*

## SCRVPVLI.

## §. 1.

*Potestas in  
rebus dubiis*

**P**Ræpositus Generalis, ac Provinciales, adhibito, si res magni momenti fuerint, aliquo-

aliquorum Patrum consilio, in rebus dubiis & scrupulis conscientias subditorum tangentibus, auctoritate Apostolica determinare possunt in foro conscientiae, ac eorum determinationi subditi secura conscientia possint ac debeant stare. Concessit LEO X. Minoribus, ut in Suppl. fol. 59. pag. 2. concess. 172.

*ad scrupulos tollendos.*

*Ut hoc auctoritate Apostolica possint facere, conceditur Provincialibus: quod tamen raro facient, & cum fecerint, Generalem admoneant.*

*Conceditur Provincialibus.*

§. 2.

Omnes Nostri qui sunt nimis scrupulosi, possunt in omnibus dubiis, suam conscientiam tangentibus, secura conscientia stare determinationi sui Præpositi, vel Rectoris. Concessit LEO X. ut habetur in Suppl. fol. 93. pag. 1. concess. 287.

*Nostri in scrupulis acquiescere poterunt Superioribus.*

SEDE VACANTE.

**L**icentia nobis concessa à Patriarchis, Archiepiscopis, Episcopis, & aliis Ecclesiarum Prælati, audiendi confessiones subditorum suorum, prædicandi, & aliqua vota in alia pietatis opera commutandi in suis civitatibus, & diocesis, ipsis mortuis, uti possumus, donec viduatis Ecclesiis provi-  
sum fuerit de Pastore. Concessum est Domi-  
K 5 nicanis,

*Facultates ab Episcopis concessa durant Sede vacante.*

nicanis, ut in eorum privilegiis, fol. 55. pag. 2.  
& Franciscanis, ut in Monum. fol. 113. concess. 244.

*Notandum.*

*Advertatur quod etsi in hac gratia aliud videatur innui, tamen dicta facultas non expirat etiam donec per successorem revocetur.*

## S E N E X.

Vide quæ habentur verbo *Infirmi*. §. 2. & verbo *Indulgentiæ*. §. 6.

## S E P V L T V R Æ.

*Interdicitur  
omnibus jus  
sepeliendi in  
nostra Eccle-  
sia.*

*Facultas se-  
peliendi, &c.*

**I**Nhibitum est omnibus religiosis, & aliis secularibus, ne aliquorum defunctorum corpora in nostris cœmeteriis sepelire, aut in ecclesiis nostris Missarum solemnias, vel pro animabus eorum, qui ad loca nostra tumulandi feruntur, ibidem exequias celebrare sine nostro assensu præsumant. Concessum est Minimis, ut in eorum Mari magno, de quo in eorundem libello fol. 38. pag. 2. Possumus autem libere in ecclesiis & cœmeteriis nostris omnes, qui in eis se sepeliri deliberaverint (exceptis excommunicatis, interdictis, ac publice usurariis) salva tamen iustitia illarum Ecclesiarum, à quibus mortuorum corpora assumuntur, sepelire: ut eisdem Minimis concessum est, & habetur dicto fol. pag. 1. & seq.

*Hac*

*Hæc facultas, quod attinet ad inhibendum, omnibus Superioribus communicatur: quoad sepeliendum autem Præposito Generali reservatur, juxta institutum.*

*Reservatur  
Generali.*

Vide verbo *Ecclesia*. §. 3. & verbo *Familiares*. §. 1. & verbo *Interdictum*. §. 4. & 5.

## SIMONIA.

**I**N unionibus, annexionibus, incorporationibus, & reformationibus, seu receptionibus Monasteriorum, Prioratuum, vel aliorum Beneficiorum Ecclesiasticorum pro nostra Societate faciendis, possunt omnes Præpositi ac Rectores cum Prælatis, & personis quæ monasteria, seu beneficia hujusmodi obtinent, voluntque dimittere in commodum Societatis, vel alicujus Domus, seu Collegii ejusdem Societatis, inire conventiones, & pacta, quæ illicita, & quando Apostolica confirmatione carerent, expresse prohibita censerentur. Concessit **LEO X.** Camaldul. ut in manuscrip. fol. 22. pag. 2. Et idem ferme concessit **ALEXANDER** Benedictinis, ut eodem, fol. 41. pag. 2.

*Dispensatio  
in conventionibus  
circa  
beneficia.  
&c.*

*Hæc facultate nullus utatur: Et si quid de præfenti occurrat, consulatur Generalis.*

*Reservatur  
Generali.*

## SOCIETAS IESV.

## §. 1.

*Declaratur  
Societas  
mendicans.*

**S**ocietas, ejusque personæ mendicantes esse declarantur à Pio V. pag. 118. & seq. & omnes qui tria vota elapso novitiatus biennio, in Societate emittunt, esse vere religiosos, habetur in declaratione GREGORII XIII. de qua latius supra verbo *Religiosus*.

## §. 2.

*Impedientes  
vel mole-  
stantes in-  
gressuros no-  
stram Socie-  
tatem ex-  
communi-  
cantur.*

Iuxta privilegium EVGENII IV. concessum Benedictinis, prohibitum est, ne quis cujuscumque status sit aut conditionis, audeat venientem de seculo ad religionem in nostra Societate, impedire, vel alienare, vel molestare, sub poena excommunicationis, à qua non nisi in articulo mortis valeat absolvi ab alio quam per Sedem Apostolicam. Habetur in manusc. fol. 38. pag. 2. Item per privilegium concessum Congregationi Sancti Salvatoris, de quo in dicto loco fol. 66. pag. 2. qui supradictis, vel eos recipientibus occasione prædicta injuriam vel molestiam irrogare præsumperint, si hujus privilegii notitiam habuerint, vel qui illud ignoraverint, postquam ad illius notitiam pervenerint, si à præmissis injuriis & violentiis non destiterint, excommunicationis sententiam



tentiam ipso facto incurrunt, à qua præterquam in mortis articulo constituti, nisi à Sede Apostolica absolutionis beneficium nequeant obtinere.

*Habita notitia non desistentes, ipso facto excommunicantur.*

*Facultas hæc notificandi communicatur Superioribus. De facultate autem declarandi, vide verbo Apostatæ.*

*Vfus.*

Vide verbo *Commutatio*. §. 2. & 3. & verbo *Exemptio*. & verbo *Communicatio gratiarum*. Item & verbo *Alienatio*. §. 2. & alibi sæpe in hoc Compendio, sed præcipue in dictis locis.

### §. 3.

Potestatem dimittendi tamquam rem magni momenti ad Societatis conservationem esse omnino retinendam. GREGORIUS XIV. Constit. pag. 283.

*Potestas dimittendi.*

## SODALITAS.

### §. 1.

**P**rimaria Congregatio auctoritate Apostolica erigitur & instituitur, cum Indulgentia plenaria pro sodalibus in ingressu, & mortis articulo. GREGORIUS XIII. in litteris pag. 256. Plenaria pro omnibus in die Annuntiationis, & quinque in anno pro Sodalibus. Item Indulgentia toties quoties pro

*Indulgentia plenaria.*

pro Sodalibus, qui corpora Defunctorum affociaverint, & similes. Idem pag. 257.

## §. 2.

*Possunt Sodales ubique consequi.*

Sodales ubivis locorum possunt consequi prædictas Indulgentias. Idem pag. 258. Item Indulgentias stationum Urbis, visitantes Ecclesiam Societatis, ubi adsit, vel aliam quamcumque. Idem pag. 259.

## §. 3.

*Generalis potest erigere, &c. Congreg.*

Præposito Generali, seu Vicario pro tempore existenti, facultas conceditur quascumque alias Congregationes in Collegiis extra Urbem erigendi & aggregandi. Idem pag. 259. Aggregatis quævis Primariæ indulta & Indulgentias concedendas. Idem pag. 260. Item facultas Congregationes visitandi, statuta concedendi, examinandi, & approbandi. Idem pag. 261.

## §. 4.

*Extenditur prædicta facultas.*

Præcedentis facultatis extensio ad plures etiam non Scholarium, Congregationes, in quibusvis Societatis locis erigendi, aggregandi, & aggregatis Primariæ, & aliarum Congregationum Indulgentias communicandi & concedendi. SIXTVS V. in Bulla extensionis pag. 269. & seq.

## §. 5.

## §. 5.

Extenditur facultas quascumque alias similes Congregationes erectas, & in posterum erigendas instituendi & aggregandi, Primariæ Collegii Romani : illiusque Indulgentias, & gratias spirituales per quoscumque Romanos Pontifices concessas communicandi, ad quascumque Residentias Societatis, concessit CLEMENS VIII. anno 1602. pag. 301.

*Extenditur  
ad Residentes  
1561.*

## SVBSIDIA.

Vide verbo *Exemptio.*

## TITVLVS.

**P**ER gratiam concessam Prædicatoribus, omnes tituli à Sede Apostolica, vel illius Legatis, bonorum temporalium, ac uniones beneficiorum Societatis usque ad diem xviii. Ianuarii anno Domini 1570, concessi, confirmantur, & de novo conceduntur : defectus quicumque illi sint, suppleantur : absolutio à fructibus male perceptis, & à censuris propterea incurfis in utroque foro conceditur, & in irregularitate dispensatur. Tenentur tamen Nostri adimplere poenitentias, quas Confessores, quos ipsi ad id elegerint, propter præmissa injunxerint. PIVS V. ut in privilegiis impressis. fol. 185. & seq.

*Defectus in  
titulis, &  
unionibus  
beneficiorum  
ad annum  
1570. sup-  
plentur.*

*De*

Vfus.

De electione Confessarii ferretur regula & privilegium Societatis, de quo verbo Absolutio. §. 11. & verbo Gratiarum usus. §. 2. Quod attinet ad uniones, præcedens privilegium revocatum fuit per GREGORIUM XIII. ut in eius Bulla sub data Kalendar. Martii anno 1572. quæ incipit, In tanta.

## TRANSLATIO AD aliud Ordinem.

Vide quæ habentur verbo Apostata. §. 10. & 11. & verbo Professi. §. 2.

## VISITATORES.

Indulg. plen.  
pro nostris in  
visitatione.

POssunt Visitatores nostræ Societatis in singulis Collegiis & Societatis locis absoluta visitatione concedere Nostri benedictionem & Indulgentiam plenariam, & hoc in perpetuum. Vivæ vocis oraculo, concessit GREGORIUS XIII. ut in Vivæ vocis orac. pag. 126. in fine.

## UNIONES.

Revocationes unionum, &c.

UNionibus Monasteriorum, Ecclesiarum, Prioratum, aut aliorum beneficiorum Ecclesiasticorum factis Societati, vel faciendis per Sedem Apostolicam, nullum præjudicium fit per qualcumque revocationes & annulationes unionum per LEONEM X. ejus-

ejusque successores factas; nisi in eis litterae unionum de verbo ad verbum infererentur; & fieret individua & specifica mentio de ipsis Monasteriis, & locis, & Societate. Concessit LEO X. Camaldulen. ut in manuscriptis fol. 23. pag. 1. & seq. Simileque omnino privilegium quoad revocationes per se aut successores suos factas, concessit IVLIVS II. Congregationi Sancti Salvatoris, ut in eisdem manuscriptis. fol. 69. pag. 1. & seq. Habetur & circa hoc privilegium ab EVGENIO IV. Benedictinis concessum, ut in dicto loco. fol. 38. & latius fol. 41. pag. 1.

Potest nihilominus Episcopus examinate uniones, an sint subreptitiae, juxta dispositionem Concilii Trident. sess. 7. c. 6. de Reform. & sess. 24. c. 13. Vers. *In unionibus.*

Vide verbo *Simonia.*

## V O T A.

### §. I.

**T**Ria Paupertatis, Castitatis, & Obedientiae vota, post biennium probationis in Societate emissa, etsi simplicia, ex Apostolica institutione & declaratione, vere substantialia religionis vota esse, & in illis non nisi per Sedem Apostolicam dispensari posse, nulloque

*Tria vota simplicia est Apostolica institutione & declaratione, vere substantialia esse.*

L

alio

alio modo, quam per legitimam à Societate  
dimissionem ea cessare, habetur in Constit.  
GREGORII XIII. pag. 236.

*Non claudi-  
cat contra-  
tus, &c. in  
votis simpli-  
cibus.*

## §. 2.

In simplicibus Societatis votis, nec con-  
tractus vitiose claudicat, nec iniustitia ulla in-  
tercedit. GREGORIUS XIII. in sua  
Constit, pag. 279.

De votorum commutatione, vide verbo  
*Commutatio*; & de eorum dispensatione, vide  
quæ dicuntur verbo *Dispensatio*. §. 10.

Vota Societatis, vide verbo *Religiosus*. §. 1.  
Et quoad irritationem Matrimonii, vide verbo  
*Apostata*.

F I N I S.

**R.** P. Everardus piæ mem. Compendium facultatum, & gratiarum Societatis nostræ ad Provincias transmitti mandaverat : cuius usum voluit per triennium Nostros experiri. Cumque varia ex variis locis in Urbem postea allata essent, & ab omnibus Compendium absolutum, atque perspicuum, ut maxime necessarium, efflagitaretur; R. P. N. Claudius Aquaviva ejusdem Societatis Generalis Præpositus, recognitum & auctum tandem evulgari atque communicari decrevit. Porro ipsorum privilegiorum verba ita sunt ex suis locis desumpta, ut erant, stylo nihil immutato, quo & fidelius ac syncerius referrentur, & melius ac certius intelligi possent. Meminerint vero Provinciales quod ad librum hunc communicandum attinet, Regulam xxxviiij. Communium, ab omnibus esse diligentissime servandam, atque adeo ipsis Superioribus magna in ea re prudentia, ac circumspeditione agendum. Usus vero cum ex præfatione libello præfixa, tum ex communicatione ipsis facultatum paragraphis adjuncta, facile cuique patebit. Datum Romæ xxv. Novemb. M. D. LXXXIV.

Mandato ejusdem R. P. N. Generalis Præpositi,

*Iacobus Ximenez Secretarius.*

## ANIMADVERSI O

circa Libros Privilegiorum, qui in  
hoc Compendio citantur.

**N**E quis ob varias impressiones librorum, qui in hoc Compendio citantur, decipiatur; advertendum est, eos citari ex impressionibus, quæ sequuntur. Compendium Minimorum, ex impressione Neapolitanæ, anni 1573. Compendium Minorum, impressum Salmanticæ, anno 1532. Monumenta, impressa Salmanticæ, Anno 1511. mense Junii. Supplementum, impressum Barcinonæ, anno 1523. Privilegia Augustin. ex impressione, quæ caret anno, & loco. Privilegia Dominicanorum, ex impressione facta Romæ apud Antonium Bladum, non adjecto impressionis anno. Compendiolum Benedictinorum, ex impressione Salmanticensi, anno 1569. Alia vero sunt in Archivio Societatis, nimirum, quæ citantur ex privilegiis impressis, quæque ex manuscriptis, & ea etiam quæ propria sunt ipsius Societatis, tam in vivæ vocis oraculorum libro, quam in libro litterarum Apostolicarum, qui toti Societati communis ac notus est, & propterea sine ullo alio additamento hujus utriusque libri pagina citantur.



# I N D E X

## TITVLORVM.

<b>A.</b>		<i>Census.</i>	<i>ibid.</i>
		<i>Cessatio à divinis.</i>	<i>ibid.</i>
<b>A</b>	<i>Abolutio. pagi-</i>	<i>Collectæ.</i>	<i>ibid.</i>
	<i>na 7</i>	<i>Collegia.</i>	<i>ibid.</i>
	<i>Ædificia. 16</i>	<i>Communicatio</i>	<i>gratia-</i>
<i>Alienatio.</i>	<i>19</i>	<i>rum.</i>	<i>41</i>
<i>Altare.</i>	<i>23</i>	<i>Commutatio.</i>	<i>45</i>
<i>Apostatæ.</i>	<i>24</i>	<i>Concilium Tridentinum.</i>	
<i>Appellatio.</i>	<i>30</i>		<i>48</i>
<b>B.</b>		<i>Confessarius.</i>	<i>49</i>
<b>B</b>	<i>Benedicere. 31</i>	<i>Confessionale.</i>	<i>52</i>
	<i>Benefactores. 33</i>	<i>Confirmatio.</i>	<i>ibid.</i>
<i>Bona Societatis.</i>	<i>ibid.</i>	<i>Congregationes Societa-</i>	<i>53</i>
<i>Bulla Cœnæ.</i>	<i>38</i>	<i>tis.</i>	<i>ibid.</i>
<i>Bulla Cruciatæ.</i>	<i>ibid.</i>	<i>Conservator.</i>	<i>ibid.</i>
<b>C.</b>		<i>Constitutiones.</i>	<i>58</i>
<b>C</b>	<i>Alix. 39</i>	<i>Contractus.</i>	<i>59</i>
	<i>Canonica portio.</i>	<i>Corporalia.</i>	<i>ibid.</i>
	<i>ibid.</i>	<i>Correctio.</i>	<i>60</i>
<i>Casus reservati.</i>	<i>ibid.</i>	<b>D.</b>	
<i>Causa.</i>	<i>ibid.</i>	<b>D</b>	<i>Ecimæ. 61</i>
<i>Censuræ.</i>	<i>40</i>		<i>Declaratio. ibid</i>
		<i>Dignitas.</i>	<i>ibid.</i>
		<i>L 3</i>	<i>Dispen-</i>

# I N D E X.

<i>Dispensatio.</i>	62	I.	
<i>Domus.</i>	68	<b>I</b>	<i>Ejuniū.</i> 100
<i>Donationes.</i>	69		<i>Inimunitas.</i> 101
<i>Dubia.</i>	<i>ibid.</i>		<i>Impetrare.</i> 102
E.			<i>Incarcerare.</i> <i>ibid.</i>
			<i>Indulgentiæ.</i> <i>ibid.</i>
<b>E</b>	<i>Cclesia.</i> 69		<i>Indultæ.</i> 115
	<i>Eleemofynæ.</i> 72		<i>Infirmi.</i> <i>ibid.</i>
<i>Emphyteufis.</i>	73		<i>Inquifitores.</i> 116
<i>Euchariftia.</i>	<i>ibid.</i>		<i>Inftitutum.</i> 117
<i>Excommunicatio.</i>	75		<i>Interdictum.</i> 118
<i>Exemptio.</i>	76		<i>Interpretatio.</i> 122
<i>Extrema unctio.</i>	84		<i>Irregularitas.</i> <i>ibid.</i>
F.			<i>Inbitæum.</i> <i>ibid.</i>
			<i>Index.</i> 123
<b>F</b>	<i>Amiliares.</i> 84		<i>Iuramentum.</i> <i>ibid.</i>
	<i>Feudalia bona.</i> 87	L.	
<i>Fundatores</i>	<i>ibid.</i>		
G.		<b>L</b>	<i>Aici.</i> 123
			<i>Lectores.</i> <i>ibid.</i>
<b>G</b>	<i>Eneralis.</i> 88		<i>Legata.</i> <i>ibid.</i>
	<i>Gradus.</i> 92		<i>Libri analitici.</i> 124
<i>Gratiarum ufus.</i>	96		<i>Licentia.</i> 126.
H.			<i>Lites.</i> <i>ibid.</i>
		M.	
<b>H</b>	<i>Abitus.</i> 97		
	<i>Hæretici.</i> <i>ibid.</i>	<b>M</b>	<i>Armonium.</i> 127
<i>Homicidium.</i>	98		<i>Medici.</i> <i>ibid.</i>
<i>Horæ Canonice.</i>	<i>ibid.</i>		<i>Missæ.</i> 128
			<i>Missio.</i>

# I N D E X.

<i>Missiones.</i>	129	<i>Reservatio.</i>	<i>ibid.</i>
<i>Moniales.</i>	<i>ibid.</i>	<i>Restitutio.</i>	<i>ibid.</i>

## N.

<b>N</b> <i>Otarius.</i>	129
<i>Novitii.</i>	130

## O.

<b>O</b> <i>fficia.</i>	131
<i>Oracula.</i>	132

*Oratoria.* *ibid.*

*Ordines.* 133

## P.

<b>P</b> <i>Aramenta.</i>	135
<i>Prædicatores.</i>	<i>ibid.</i>

*Prælati.* 136

*Præscriptio.* 137

*Privilegia.* 138

*Processiones.* 144

*Procurator.* *ibid.*

*Professi.* 145

*Provinciales.* 146

## Q.

<b>Q</b> <i>Varta.</i>	147
------------------------	-----

## R.

**R** *Eligiosus.* 147

*Reliquia.* 148

## S.

**S** *Acra.* 149

*Sacramenta.* 150

*Scholæ.* 151

*Scholastici.* 152

*Scrupuli.* *ibid.*

*Sede vacante.* 153

*Senex.* 154

*Sepulturæ.* *ibid.*

*Simonia.* 155

*Societas Iesu.* 156

*Sodalitas.* 157

*Subsidia.* 159

## T.

**T** *Itulus.* 159

*Translatio ad alium*

*Ordinem.* 160

## V.

**V** *Isitatores.* 160

*Vniones.* *ibid.*

*Vota.* 161


# F I N I S.

101  
075  
076  
077  
078  
079  
080  
081  
082  
083  
084  
085  
086  
087  
088  
089  
090  
091  
092

AO 1471008







B180  
VII

X